

JEREMAIA

JEREMAIA – JEPTA 1

- 1.1 Naan ko an Jeremaia nejin Kilkaui juon ian pris ro jãn Anatot ilo ãnen Benjamin.
- 2 Ke naan in Jeova ear itok ñan e ilo raan ko an Josia nejin Amon kiñ in Juda ilo iiõ eo kein ka joñoul jilu in an kiñ.
- 3 Barãinwõt ilo raan ko an Joiakim nejin Josia kiñ in Juda mae iien e jemlok iiõ eo kein ka joñoul juon an Zedekaia nejin Josia kiñ in Juda mae jebokwe eo an Jerusalem ilo allõñ eo kein ka Jalem.
- 4 Im Naan in Jeova ear itok ñan e im ba,
- 5 Mokta jãn Aõ kar kõmanman eok ilo lojien jinõm, I ar jeļã eok. Im mõkta jãn am kar lotak jãn lojien, I ar kajenolok eok. I ar kapeek eok juon ri kõnaan ñan ri aelõñ ko.
- 6 Im I ar ba, “O Irooj Jeova, Yokwe, ijab jeļã kõnnaan, bwe ña Jaddik wõt.”
- 7 Im Jeova ear ba ñan eõ, “Kwõn jab ba, ‘ña Jaddik wõt,’ bwe aolep ijo Ij jilkinlok eok ñan e kwõnaaj etal ie, im kwõnaaj ba aolep men ij jiroñ eok.
- 8 Kwõn jab mijak er!, bwe Ña ippam ñan lomõoren eok,” Jeova ej ba.
- 9 Im Jeova ear erlokwe pein, im Ear uññür loñiõ, im Jeova ear ba ñan eõ, “Lo, emõj Aõ liküt naan ko Aõ ilo loñõm.
- 10 Lale mõk, rainin Iar kairooj eok ioon aelõñ ko im ioon aelõñ in kiñ ko ñan tumi im rupe im kõkkure im joļok, ñan kalek im ekkat.
- 11 Im Naan in Jeova ear itok ñan eõ im ba, “Ta ñe kwõj loe, Jeremiah?” Im iar ba, “Ij lo juon raan wõjke almond.”
- 12 Im Jeova ear ba ñan eõ, “Emman am loe, bwe Ij lale Aõ in Naan ñan kajejjete.”
- 13 Im Naan in Jeova ear itok ñan eõ bar juon alen, im Ear ba, “Ta ñe kwõj loe?” Im iar ba, “Ij lo juon ainpot ebullulul, im mejen ej jeļlok jãn eañ.”
- 14 Im Jeova ear ba ñan eõ, “Jãn eañ jorrãan enaaj lutõklok ion aolep ro rej jokwe ioon laļ.
- 15 Bwe lale mõk!, Ij kūr aolep bwij ko jãn aelõñ ko eañ,” Jeova ej ba, “ im renaaj itok, im kajjo iaer renaaj liküt tũroon ko aer ilo jikin deļõñ in kõjãm ko in Jerusalem, im iturin aolep worwor ko an me rej kõpoole, im ilo aolep jikin kweļlok ko an Juda.
- 16 Inaaj kwaļok ekajet ko Aõ ioer kõn aolep nana ko aer, bwe raar ilok jãn Eõ, im raar katok ñan anij ro jet, im raar kabuñ ñan men in kõmanman ko an peir.
- 17 Innãm kiiõ kwõn pojak! Im jutak im ba ñan er aolep men ko Ña Ij jiroñ eok. Kwõn jab loļõñõ imair ñe ab In kaļõñõñ eok imair.
- 18 Im Ña, lale mõk, rainin Iar kõmman eok bwe kwõn ãinwõt juon jikin kweļlok epen, im juon jur māl, im worwor ko jinibõrõrõ ñae aolepen ãne eo, ñan kiñ ro in Juda, ñan irooj ro an, ñan pris ro an, im ñan armej ro in ãne eo.
- 19 Im renaaj tariñaek eok, ak reban anjo iom, bwe Ña Ij ippam ñan lomõoren eok,” Jeova ej ba.

JEREMAIA – JEPTA 2

- 2.1 Im naan an Jeova ear itok ñan eõ im ba,

2 “Kwōn etal, im kwaļok ilo ļojilñin ro ri Jerusalem im ba, ‘Āindein an Jeova ba: Ij kememej aṃ tiljek ke kwar eṃṃan ded, aṃ iṃkwe ilo jinoin aṃ pālele; kwaar ļoor eō ilo āne jemeran, ilo juon āne ejañin ekkat.

3 Israel ekar kwōjarjar ñan Jeova, jinoin An madmōd. Aolep ro raar orañļok e ewor rueir, jorrāān enaaj itok ioir,’ Jeova ej ba.

4 ‘Roñjake ñan Naan in Jeova, mōn Jakob im aolep bwij ko an mōn Israel.’

5 Āindein an Jeova ba, "Ewi bōd eo ro jememi raar lo ilo Ņa bwe ren etal ettoļok jān Eō, im raar ļoor men waan, im raar oktak im armej waan.

6 Im raar jab ba, ‘Ewi Jeova eo ear bōklōñtak kōj jān ānen Ijpt, Eo ear tōl kōj ilo jikin awia, ilo āne jemaren im elōñ roñ ie, ilo juon āne emōrā im anōñin mej, ilo juon āne me ejjeļok eṃṃaan ej itoitak ie im ejjeļok armej ej jokwe ie."

7 Im Iar bōkļok kom ñan juon āne ekowa ñan mōñā leen im eṃṃan eo an. Im kom ar deļoñ im kattoon āneō, im kom ar kōṃṃan Aō jolōt men in kajōjō.

8 Pris ro raar jab ba, "Ewi Jeova?," im ro rej katakin kien eo rejab jeļā Eō. Ri kaki ro raar jumae Eō. Im ri kaanan ro raar rūkaanij kōn Bāāl, im raar ļoor men ko rejab jipañ.

9 "Kōn men iṃ Inaaj keeje kom wōt," Jeova ej ba, "im Inaaj keeje ro nejin nejōmi.

10 Bwe koṃwin ella jān tōreran ānen Kittim im lale, im koṃwin jilkinļok ñan Kedar im lukkuun kalmonļokjeṃ, im lale eļaññe ekar wor āinwōt men iṃ.

11 Eṃōj ke an juon aelōñ ukōte anij ro an meñe re jab anij? Ak ro doō raar ukōt aer aiboojoj kōn men eo ejab jipañ.

12 Koṃwin bwilōñ kōn men iṃ, O lañ ko, im koṃwin kor im lukkuun jorrāān," Jeova ej ba.

13 “Kōnke ro doō raar kōṃṃan ruo bōd. Raar ilok jān Eō, unin dān ko remour, ñan kōb ñan er nien dān ko, nien dān ko re rup im rejab maroñ dāpij dān.

14 Israel ej juon ri korijer ke? juon ri kamakoko jān iien ļōtak ke? Etke ear erom men in rakim?

15 Ņae e laion ko raar rorrer, raar kotak ainikier; raar kōṃṃan bwe ānen en jepeepļok. Jikin kweiļok ko an rejorrāān im ejjeļok armej ie.

16 Barāinwōt ro nejin Nop im Tapenes, raar āle moñen baram.

17 Kwar jab make kōṃṃane men iṃ ñan eok ke? Kwaar ilok jān Jeova aṃ Anij ke Ear tōl eok ilo ial eo.

18 Im kiiō kwō baj et ilo ial ñan Ijpt ñan ilimi aibōj ko an Sikor? Im kwō baj et ilo ial ñan Assyria ñan daak aibōj ko an Eupretis?

19 Aṃ nana enaaj kajeik eok im birlok ko aṃ renaaj kauweik eok; kiiō kwōn jeļā im lo bwe enana im meṃ aṃ ilok jān Jeova aṃ Anij, im ejjeļok mijak Eō ippam," Irooj Jeova in inelep eo ej ba.

20 "Bwe jān etto kwaar ruji ine eo aṃ, kwar mijkōki kworōk ko aṃ, im kwar ba, 'Iban jerbal!' bwe ion aolep tol ko reutiej im iuṃwin aolep wōjke re maroro kwar babu im kōṃṃan ļōñ.

21 Iar make ekkat eok juon vain eṃṃan, juon ine etiljek. Innām ekōjkan aṃ kar oktak ṅae Eō ñan juon vain awia.

22 Bwe eļaññe kwōj kwaļe eok kōn lye im kejerbal elōñ soap, ettoon an aṃ nana ej iṃaō," Irooj Jeova ej ba.

23 Ekōjkan aṃ ba, "Ijab ettoon. Iar jab ļoor Baal ko." Lale ṃantōṃ ilo kōmlal eo. Kwōn jeļā ta eo kwaar kōṃṃane. Kwe juon camel eṃōkaj eo ej ettōrto-ettōrtak ilo ial ko an.

24 Juon ass awia eminene kake āne jemaren, kōn an kōḡaan ej ātāt kōto ilo iien in an kōḡaan, Wōn emaroñ in abwin bōk e? Aolep ro rej pukōt e reban mōk. Ilo allōñ eo an renaaj loe.

25 Lale kwar jintōb, im būruōm bwe en jab maro. Ak kwaar ba, 'Ejjeļok tokjān. Jab, bwe emōj Aō iokwe ruamājet ko, im inaaj ļoor er wōt.'

26 Āinwōt juon ri koḡot ej jook ñe emōj lo e, āindein mōn Israel ejook: er, kiñ ro aer, irooj ro aer, pris ro aer, im ri kanaan ro aer.

27 Rej ba ñan juon wōjke, 'Kwe jema,' im ñan juon deka, 'Kwar keotak eō.' Bwe raar kwalok likier im jab mejeir ñan Eō, ak ilo iien in aer jorrāān rej ba, 'Jutak im ļomōoren kōm!'

28 Innām ewi anij ro am ro kwar kōmmani ñan eok? Ren jutak eļāñne remaroñ in ļomōoren eok ilo iien in am jorrāān. Bwe āinwōt oran jikin kweiļok ko am, āindein anij ro am, Juda.

29 Etke komij akwāāl ippa? Aolepen kom komar juḡae Eō," Jeova ej ba.

30 Ejjeļok tokjān Aō kar deñļokwe ro nejōmi; raar jab eoroñ kauwe eo. Jāje eo ami ear kañ ri kanaan ro ami āinwōt juon laion me ej koḡkure.

31 O epepen in, koḡwin roñjake ñan naan in Jeova: "Iar juon āne jemaden ñan Israel ke? ak juon āne emarok ke? Etke ro doō rej ba, 'Kōm anemkwōj ñan itoitak. Kōm ban bar iwōj.'"

32 Juon virgin emaroñ in meļokļok inōk ko an ke? ak lio pālele nuknuk ko an ke? Bōtab ro doō raar meļokļok Eō raan ko im ejjeļok oraer.

33 Kwōnañin lukkuun jeļā kilen pukōt iokwe! Kōn men in kwaar barāinwōt katakin kōrā ro renana ial ko am.

34 Kab emōj lo bōtōktōken ro ri jeramōl im ro ejjeļok rueir ioon nuknuk ko am; meñe kwar jab lo er rupe im deļoñ.

35 Ak kwar ba, 'Ejjeļok ruō, Ilo mool emōj an oktak An illu jān eō.' Lo, Ña Inaaj ekajet eok kōn am ba, 'Iar jab jerōwiwi.'

36 Etke emakijkij am itoitak im ukōt ial ko am? Kab, Ijpt enaaj kajook eok āinwōt Assyria ear kajook eok.

37 Kab, kwōnaaj diwōj jān ijin, im peom renaaj ioon baram, bwe Jeova ear joļok ro kwaar lōke, im kwō ban jeraamman ippeir.

JEREMAIA – JEPTA 3

3.1 "Eļāñne juon emmaan ej joļok pāleen, im lio ej ilok jān e im palele ippān bar juon emmaan, ļeo enaaj rol wot ñan e ke? eban lukkuun ettoon āne eo ke? Ak kwaar kōmman ļōñ ippān elōñ ro jeram, im kwōnaaj rol ñan Eo ke?" Jeova ej ba.

2 Kotak mejem ñan jikin ko reutiej im lo, ewi juon jikin im raar jab babu ippam ie? Iturin ial ko kwaar jijjet im kattar er āinwōt juon ri Arab ilo āne jemaden. Im kwaar kattoon āne eo kōn ļōñ ko am im ñana ko am.

3 Im emoj dapij wut ko, im ekar ejjeļok wut aliktata. Im demōm ej āinwōt eo an juon kora ekijoñ; kwaar abwin jook.

4 Ak kwar jab ba ñan Eō kiiō ke, 'Kwe Jema, motta jān emman dediō?

5 Enaaj dapij illu ñan indeeo ke? ak Enaaj illu aolep iien ke? Lo, āindein am kōnono, ak kwaar kōmmani men ko reñana joñan wōt am maroñ.

6 Im Jeova ear ba ñan eõ ilo raan ko an Kiñ Josaia, "Kwar ke lo men eo Israel, eo ejab tiljek, ear kommāne? Ear wanlõñlõk ñan aolep toļ ko reutiej im ñan iumwin aolep wojke ko remaroro im ear kōmman lōñ ie.

7 Innām Iar ba, "Alikin an kar kōmmani aolepen men kein, enaaj oktak ñan Eo," ak ear jab oktak. Im jein eo eñana, Juda, ear loe.

8 Innām Iar joļok Israel, eo ejab tiljek, im Iar lelok ñan e juon pepa in jepel kōnke ear kōmman lōñ. Ak jein eo eñana, Juda, ear jab mijak, im ear ilok im kōmman lōñ barāinwōt.

9 Im kōn an watōk an lōñ juon men edik, ear kattoon āne eo, im ear lōñ ippān deka im aļal.

10 Ak meñe āindein aolepen men kein, jein eo eñana, Juda, ear jab oktak ñan Eo kōn aolepen buruen, ak ilo mōn," Jeova ej ba.

11 Im Jeova ear ba ñan eo, "Israel, eo ejab tiljek, ewanok jān Juda eo eñana.

12 Kwōn etal im kwaļok naan kein ñan eañ im ba, 'Kwōn ukeļok, O Israel ejab tiljek,' Jeova ej ba. 'Iban jememe ñan kom, bwe Ña I jout,' Jeova ej ba. 'Ijamin dapij illu ñan indeeo.'

13 Innām kwōn kile am jerowiwī -- kwar jumae Jeova am Anij, im kwar kejeplōkļok ial ko am ñan ruwamaejet ko iumwin jabdewot wojke e maroro, im kwar jab pokake ainikio,' Jeova ej ba.

14 Komwin jepļaaktok, Ro nejō rejab tiljek,' Jeova ej ba, 'Bwe Ña Ij pāleōmi. Im Inaaj bōk kom, juon jān juon jikin kweilok im ruo jān juon jowī, im Inaaj āñinļok kom ñan Zion.

15 Im Inaaj lewōj seperd ro ekkar ñan buruo. Im renaaj najidik kom ilo jeļalokjen im mālōtlōt."

16 Jeova ej ba, "Im ñe kom naaj orļok im timōn ilo āne eo ilo raan ko, reban bar ba 'tobtob in kallimur an Jeova.' Im reban lomnak kake, im reban kememej e im reban pukōt e, im ejeļok enaaj kōmman bar juon.

17 Ilo iien eo renaaj ñaetan Jerusalem, "Tūroon an Jeov." Innām aolep aelōñ ko renaaj kweloktok ie, ñan Jerusalem, kōn etan Jeova. Im reban bar ļoor burueir repen im ñana.

18 Ilo raan ko mōn Juda enaaj etetal ippān mōn Israel, im renaaj jimor itok jān āne eo eañ, ñan āne eo Iar lelok men in jolet ñan ro jemami.

19 Innām Ña, Iar ba, "Ikōñaan likūt eok ibwiljen ro neju im lewōj juon āne emman, jolet eo emmantata an ri aelōñ ko." Im Iar ba, "Kwōnaaj ñaeta, 'Jema,' im kwo ban oktak jān am ļoor Eo.

20 Mool, āinwōt juon kōrā e jab tiljek ñan pāleen, āindein kom ar jab tiljek ñan Eõ, O mōn Israel," Jeova ej ba.

21 Rej roñ ainikier ion jikin ko reutiej, jān im akweļap ko an ro nejin Israel, bwe raar kankeke aer ial; raar meļokļok Jeova aer Anij.

22 Komwin jepļaaktok, ro neju rejab tiljek. Inaaj kemour kom jān ami jab tiljek." "Lo, kōmij iwōj, bwe Kwe Jeova am Anij.

23 Ilo mool, keroro ion bat ko im tol ko re moņ; ilo mool lomōor eo an Israel ej ilo Jeova ad Anij.

24 Ak men in kajookok ear kañ jermal ko an jemad jān ke jaar dik: bwijin jip ko aer im bwijin kau ko aer, ro nejeir maan im ro nejeir kōrā.

25 Jen babu ilo ad jook, im ad kinak en kalibubu kōj. Bwe jaar jerowiwī ñae Jeova ad Anij, kōj kab ro jemed jān ke jaar dik ñan rainin, im jaar jab pokake ainikien Jeova ad Anij."

1 "Elaññe kwōnaaj jeblak, O Israel," Jeova ej ba, "jeblaktok ñan Eo, im eļaññe kwōnaaj joļok am men in kajojo jān imaan meja, im kwo ban makūtkūt,

2 Im eļaññe kwōnaaj kanejnej, 'Āinwōt Jeova ej mour,' ilo mool ilo jimwe, im ilo wanok; innām aelōñ ko renaaj make kejeramṁōn er ilo E, im renaaj juwalōñlōñ ilo E."

3 Bwe āindein an Jeova ba ñan armej ro ilo Juda im ilo Jerusalem, "Komwin toblol am bwidij eo ejañin kallib, im komwin jab jeor ibulen kaliklik ko.

4 Komwin make ṁwijiti kom ñan Jeova, im joļok kilin maan an buruemi, kom armej ro ilo Juda im ro rej jokwe ilo Jerusalem, ñe ab Aō illu en walok āinwōt kijeek, im ej urur, im ejjeļok emaroñ in kwun e, kōn an ñana kōmṁan ko ami.

5 Kwalok ilo Juda im karoñjake ilo Jerusalem im ba, "Ukwi jilil ilo ane eo. Kwaļok kon ainikien elap im ba, 'Komwin kokweloktok kom, im jen deļoñ ilo jikin kweilok ko repen.'

6 Komwin kootak juon flag nan Zaion, ko jān jorrāñ, komwin jab jutak wōt, bwe Ña Ij bōktok jorrāñ jān eañ im juon kōkurre eļap.

7 Juon laion ear diwōj jan ibulōn mar, juon eo ej kōkurre aelōñ ko ear walok; eṁōj an diwōj jan jikin ñan kōmṁan āneōṁ juon men in kōkurre, im kōmṁan bwe jikin kweilok ko aṁ ren jorrāñ im ejjeļok ri jokwe ie.

8 Kon men iṁ, komwin kōṁak nuknuk ekilep iden, liaajlal, im jan; bwe illu elap an Jeova ejañin jeorļok jan kōj.

9 "Im enaaj walok ilo raan eo," Jeova ej ba, "būruen kiñ eo im būruen irooj ro renaaj jako, im pris ro renaaj allañ, im ri kaanan ro renaaj bwilōñ."

10 Innam iar ba, "O Irooj Jeova, ilo mool kwaar lukkuun ṁoṁe armej rein im Jerusalem kōn Aṁ ba, 'enaaj wor aenōmṁan ippemi;' bōtab juon jaji ej tōpar burueir."

11 Ilo iien eo renaaj ba ñan armej rein im ñan Jerusalem, "Juon kōto ebwil jan jikin ko reutiej ilo ane jemaden ej itok ṁae lio nejin armej ro doḏ, jab bwe en joļok kilin im jab bwe en karreo.

12 Juon kōto ekajoor jan men kein, ej itok jān Eo. Kiiō barāinwot Ña Inaaj kwaļok ekajet ko aer."

13 Lo, Ej wanloñļok ainwot kōḏo, im jariot ko An ainwot aire; kiria ko An reṁōkaj jan igol ko. Wo nan kōj, bwe je jorrāñ.

14 Kwale būruōṁ jan nana, Jerusalem, bwe komwin bōk loṁoṁ. Enaaj ewi toñ an ļōmṁak ko ami renana pad wot ilo kom?

15 Juon ainikien jan Dan ej kwalok, im ej karonjake jorraan jan bat ko an Epreim.

16 Komwin ba nan ro ri aelōñ ko, lo, karoñjake Jerusalem: 'Ro ri nitbwile rej itok jān juon āne ettoļok, im rej kotak ainikier ṁae jikin kweilok ko an Juda.'

17 Rej kapool e āinwōt ro rej lale juon jikin kallib, bwe ear juṁae Eo," Jeova ej ba.

18 Ial ko aṁ im kōmṁan ko aṁ raar bōkwōj men iṁ ṁae eok. Men iṁ ej aṁ nana, enañin meo. Ear tōpar būruōṁ.

19 O būruō, būruō; ij wudidid ilo metak; būruō ej ñūrñūr ilowa. I jab maroñ in ikōñ, bwe iar roñ ainikien jilil, im aō ear roñ iruj in tariṁae.

20 Eṁōj kwalok jorraan ion jorraan, bwe aolepen āneo ejepeepļok. Eṁōkaj an mon kapad ko aō jepeepļok, im katiin ko ao rejepeepļok ilo jidimkij.

21 Ewi toñ aō naaj lo flag eo im roñ ainikien jilil eo?

22 Bwe armej ro doõ re bwebwe, rejaje Na. Rej ajri re jajeløkjen. Ejjeløk jeläløkjen ippeir. Eor kapeel ippeir ñan kõmman nana, ak rejaje kilen kõmman emman.

23 Iar reiløk ñan laļ in, im lo, ejjeløk waween im ejjeløk kobban; im ñan lañ, ak ejjeløk meram.

24 Iar lo tol ko, im lo, remakũtkũt, im aolep tol ko redik re wudidid.

25 Iar reilok im lo, ejjeløk armej, im aolep bao ko an lañ raar ko.

26 Iar reilok, im lo, ãne eo ekouwa ear erom juon ãne jemaden, im emõj rupelaļok aolep jikin kweiløk ko an imaan Jeova, imaan An illu ebwil.

27 Bwe aindein an Jeova ba, "Aolepen ane enaaj jepeepļok, ak Iban kõmman bwe en jako otem jako.

28 Kon men in laļ in enaaj jañ, im lañ ko ilañ renaaj marok, bwe I ar kõnono, Iar pepe, im Iban ukeløk, im Iban oktak jan men in.

29 Jikin kweiløk otemej rej ko jãn ainikien ro rej uwe ion kiria im ro rej libon; rej etal ibulõn mar, im rej wanlõñļok ilo dekã ko; armej rej iløk jãn aolep jikin kweiløk ko, im ejjeløk armej enaaj jokwe ilo er.

30 Im ta eo kwõnaaj kõmmane kwe eo emõj am jorrãan? Meñe kwõj kanuknuk eok kõn kilmir; meñe kwõj kalitlit eok kõn kein kainõknõk ko gold; meñe kwõj unoki mejõm; ejjeløk tokjãn am make kaiboojoj eok. Ro jeram rej joļok eok; rej pukõt am mour.

31 Bwe ij roñ ainkien ãinwõt juon kõrã eo ej keotak, jorrãan an juon eo ej keotak manjien, ainikien ledik eo nejin Zaion eo ej jabjab menoan, im ej erļokwe pein im ba, "Jorrãan ñan ña, bwe aõ ej kijeļok imaan ro ri uror."

JEREMAIA – JEPTA 5

5.1 Komwin itoitak ilo ial ko an Jerusalem im lo im lõmnak kake im pukõt ilo jikin ko redepakpak eļañne komij lo juon emman, eļañne ewor juon eo ej kõmman jimwe, eo ej pukõt mool, innãm I naaj joļok an bõd.

2 Im meñe rej ba, "Ãinwõt Jeova ej mour," aer kanejnej ej men in mon.

3 O Jeova, mejem rejab pukõt tiljek ke? Kwaar man er, ak raar jab eñjaake. Kwaar kõkkure er, ak raar abwin eoroñ kauwe; raar kõmman bwe turin mejeir repen jãn dekã; raar abwin rol.

4 Im ña iar ba, "Ilo mool rein re jerañol, re bwebwe, bwe re jab jelã ial eo an Jeova im ekajet eo an aer Anij.

5 Ña I naaj etal ñan ri utiej ro im I naaj kõnono ippeir, bwe re jelã ial eo an Jeova im ekajet eo an aer Anij." Ak raar barãinwõt jimor ruji ine eo, im raar mijkõk lukjeir.

6 Kõn men in, juon laiõn jãn bukwõn wõjke enaaj man er; juon kidu wolf jãn ãne jemaden enaaj kõkkure er; juon kidu leopard ej apãde jikin kweiløk ko aer. Jabdewõt eo ej diwõjļok, e naaj kekel e, bwe bõd ko aer relõñ; ebool pirļok ko aer.

7 "Etke In joļok am bõd? Ajri ro nejõm raar iløk jãn Eõ, im raar kanejnej kõn ro re jab anij. I ar kabwe aikuj ko aer, ak raar kõmman lõñ, im raar kweiløkļok ñan mõn kõrã ro re kijoñ.

8 Rej kiria ko re māt im obrak kõn mõm ko an kanniõk; rej aolep kūr ñan pãleen ro ri iturir.

9 In jab kajeik er kõn men kein ke," Jeova ej ba? "Im Aõ en jab iden-one ion juon aelõñ im ãinwõt in ke?"

10 Komwin wanlõñļok ñan jikin vain ko an im kõkkure, ak jab aolepeir; jeke ra ko raan, bwe re jab an Jeova.

11 Bwe m̄on Israel im m̄on Juda raar lukkuun k̄om̄man men in m̄on ñan Eō, Jeova ej ba.
 12 Raar riab k̄on Jeova im ba, “E ban! Nana eban itok iod, im je ban lo jāje ak ñūta.”
 13 Im ri kanaan ro rej āinwōt kōto, im naan eo ejab ippeir; āindein e naaj waļok ñan er.
 14 Kōn men in, āindein an Jeova, Anij in inelep eo, ba, “Kōn ami ba naan in, innām I naaj likūt
 Naan ko Aō ilo loñōm̄ āinwōt juon kijeek, im arnej rein renaaj āinwōt aļal, im e naaj kañ er.
 15 Lo m̄on Israel, I naaj bōkwōj ñae kom juon aelōñ jān ettoļok, Jeova ej ba. Ej juon aelōñ
 ekajoor, ej juon aelōñ jān etto, juon aelōñ kwō jab jeļā kajen, im kwō ban melele ta eo ej ba.
 16 Nien madi eo an ej āinwōt juon lōb epelļok; aolepeir rej arnej rekajoor.
 17 Renaaj kañ am̄ jonikōn im kijem̄; renaaj kañ ledik ro nejōm̄ im ļadik ro nejōm̄; renaaj kañ
 bwijin kidu ko am̄ im kau ko am̄; renaaj kañ vain ko am̄ im wōjke fig ko am̄; renaaj kōkkure kōn
 jāje am̄ jikin kweiļok ko repen me kwōj lōke.
 18 Bōtap, ilo raan ko, Jeova ej ba, I ban k̄om̄man bwe kom̄win lukkuun jako.
 19 Im enaaj āindein bwe ñe rej ba, ‘Etke Jeova ad Anij ej k̄om̄man aolepen men kein ñan kōj?’
 innām kwō naj ba ñan er, ‘Āinwōt kom ar iļok jān Eō im kom ar jermal ñan anij ruwa ilo āne eo
 ami, āindein kom naaj jermal ñan ruwamajet ro ilo juon āne e jab ami.’
 20 Kwōn ba men in ñan mōn Jakob im kwaļok e ilo Juda im ba,
 21 ‘Kiiō kom̄win roñjake ñan men in, kom arnej re bwebwe im jajeļokjen; elōñ mejemi ak
 komij jab lo, elōñ lojilñemi ak komij jab roñjake.
 22 Komij jab mijak Eō ke?’ Jeova ej ba. ‘Komij jab wudidid imaō ke? Bwe Iar likūt bok bwe en
 tōrerer in lojet āinwōt juon bujen indeeo, im e ban ellā; meñe no ko rej ñōrñōr, reban ellā.
 23 Ak arnej rein burueir re pen im kipillia; raar jeorļok im etal.
 24 Im re jab ba ilo burueir, ‘Kiiō jen mijak Jeova ad Anij Eo ej letok wut eo mokta im eo āliktata
 ilo iien ko an; im im Ej kōjparok iien marmir ñan kōj āinwōt Ear pepe.’
 25 Bōd ko am̄i raar kajeor men kein, im jerowiwu ko ami raar dāpij em̄man jān kom.
 26 Bwe em̄oj lo ri nana ibwiljin ro doō; rej kōppao āinwōt juon eo ej kōkojek bao; rej k̄om̄man
 aujid; rej bōk arnej.
 27 Āinwōt juon worwor e obrak kōn bao, āindein eobrak moko imweir kōn m̄on; kōn men in raar
 ļapļok im mweie.
 28 Re mātōkļok, re rabōlbōl, kab rej k̄om̄man nana eļap jān joñan; rejab akweļap kōn aikuj ko an
 ro atajinemjen, ak rej jeraam̄mōn wōt; im rejab lale ekajet ko an ro ri jeraam̄ōl.
 29 In jab kajeik er kōn men kein ke,’ Jeova ej ba? ‘Im Aō en jab iden-one ion juon aelōñ im
 āinwōt in ke?’
 30 Juon men in bwilōñ im nana eļap ear waļok ilo āne eo.
 31 Ri kanaan ro rej rikaniy ilo riab, im pris ro rej irooj kōn aer kajoor, im men in em̄man ippān
 arnej ro doō; ak ta eo kom naaj k̄om̄mane tokālik?

JEREMAIA – JEPTA 6

[6.1] Kom̄win ko jān iolapen Jerusalem bwe kom̄win jab jorrāñ, kom ro nejin Benjamin;
 kom̄win uk jilil ko ilo Tekoa, im ion Bet-kerem kom̄win kotak juon kakōļle; bwe nana ej waļok
 jān eañ im jorrāñ eļap.

[2] Inaaj kōkkure jiroñ eo nejin Zion, eo e aiboojoj im pidodo.

[3] Seperd ro im bwij ko aer renaaj itok ñan e; re naaj kajutak im nuknuk ko aer ipelaakin, im jabdewõt iaer enaaj lale bwij ko an ilo jikin.

[4] Komwin pojak in tariñaek e! Jutak, im jen wanlañlok ke e raelip! Jerata, bwe eaemedlok in jota, bwe ej boñe kōj.

[5] Jutak im jen wanlañlok ilo boñ, im jen kōkurre moko imōn irooj ro.

[6] Bwe āindein an Jeova in inelep eo ba, ‘Jeki wōjke ko im eje juon bat ñae Jerusalem; ren kajeik jikin kweilok in, e obrak kōn matōrtōr iolapen.

[7] Āinwõt juon aibōj ej kwaļok dān, āindein ej kwaļok an nana; emōj roñjake koadoñ im nana ilo e; nañinmej im kinej rej imaaō aolep iien.

[8] Kwōn eoroñ kauwe, O Jerusalem, ñe ab Aō en ilok jān kwe; ñe ab In kōmman bwe kwōn jepeeplok, juon āne me ejjelok armej ej jokwe ie.”

[9] Āindein an Jeova in inelep eo ba, “Re naaj kanooj marmir bween Israel āinwõt juon vain; kwōn bar lelōk peim ion ra ko āinwõt juon eo ej marmir grape.”

[10] In kōnono ippān wōn im kauwe er bwe ren roñjake? Lo, lojiliñir re jab mwijmwij im re jab maroñ in eoroñ; lo Naan in Jeova ej ñan er āinwõt men in kajirere, re jab mōñōñō kake.

[11] Ak I obrak kōn illu an Jeova; I mōk in dāpije; “Lutōki ion ajri ilo ial im ion jar in likao ro jimor; bwe re naaj bōk leo ippān lio pāleen, eo e bwijwōlā ippān eo e obrak raan ko an.

[12] Im re naaj lelōk moko imweir ñan bar jet kab melan ko aer im limaro pāleir barāinwõt; bwe I naaj erlokwe peiō ñae ro rej jokwe ilo āne eo,” Jeova ej ba.

[13] “Bwe jān ro re dik ñan ro reļap, er otemjej eļap aer ankwōnak, im jān ri kanaan ñan pris rej aolep kōmman riab.

[14] Im raar riab in kemour kinej ko an ro doō. Raar ba, ‘Aenōmman, aenōmman,’ ak ejjelok aenōmman.

[15] Raar jook kōn aer kōmman men ko re kajōjō ke? Raar jab jook ñan jidik, im raar jab jeļā kilbōrōrō; kōn men in re naaj buñ ippān ro rej buñ; ilo iien eo ñe ij kajeik er re naaj tubbōk,” Jeova ej ba.

[16] Āindein an Jeova ba, “Komwin jutak ilo ial ko im lale im kajjitōk kōn ial ko mokta, ewi ial eo emman. Innām komwin etal ie lok bwe komwin lo kakkije ñan ami.” Ak raar ba, “Kōm ban etal.”

[17] “Im I ar likūt ri kejure ro iomi, im raar ba, ‘komwin eoroñ ainikien jilel eo;’ im raar ba, ‘Kōm ban eoroñ.’

[18] Kōn men in, komwin roñjake, kom aelōñ ko, im kwōn jeļā, jar eo, men eo enaaj waļok ñan er.

[19] Kwōn roñjake, O āne eo. Lo Ña Ij bōkwōj jorrāan ion armej rein, leen ļomnak ko aer; bwe raar jab eoroñ naan ko Aō, im kien ko Aō raar juļoki.

[20] Ewi tokjān ippa ami bōktok kaijurjur jān Sheba ak kalemōs jān juon āne etto lok? Katok kijeek ko ami re jab kabuñbūruō, im joortak ko ami re jab kamōñōñōik Eō.”

[21] Kōn men in āindein an Jeova ba, “Lo, Inaaj likūt juon men in tipñōl imaan armej rein; im jemeir im likao ro nejeir renaaj jimor tipñōl; ri turier im mōttaer re naaj mej.”

[22] Āindein an Jeova ba, “Lo juon jar in armej ej itok jān āne eo eañ; im emōj kōruj juon aelōñ eļap jān āne ko rettolok.

[23] Rej jibwe lippõn im jāje; re lāj im re jab tūriaṃo; ainikieir ej āinwõt lojet eo ej ñõrñõr; im rej uwe ion kiria ko; eṃõj kalejar ṃae eok, jiron eo nejin Zion, āinwõt juon eṃṃaan eo e pojak ñan tariṃae.”

[24] Jaar roñ an buñbuñ, peid rej mõjino; jorrään ej kapool kõj; jej eñtaan āinwõt an juon kõrā eo ej keotak.

[25] Kwõn jab diwõj ñan melaj, im kwõn jab etal ilo ial eo, bwe jāje an ri kõjdāt eo im lõlñõñ rej ipelaakõd.

[26] O lio nejin armej ro doõ, Kwõn kõnak nuknuk ekilep iden im kwõn make dabõlbõl ilo bũñalñal, kwõn kõṃṃan liaajlaj emeo āinwõt bũromõj kõn juon ajri eo ej make wõt nejin, bwe ilo jidimkij ri kõjdāt eo ej itok iod.

[27] “I ar likūt eok juon ri joñe aorõken määł im juon ri mällejoñ ibwiljin armej ro doõ, bwe kwõn jeļā im mällejoñ ial eo aer.”

[28] Er otemjej rej ri aneke im ri juṃae; rej etal im kanaanaik, rej jinibõõr im määł; er otemjej rej make kattoon er.

[29] Ewil kein ukwi kijeek eo; kijeek eo e pojak ñan led; ejjeļok tokjān an ri karreo karreo, bwe ejañin bõkļok ro re nana.

[30] Armej re naaj ba bwe rej āinwõt silver eṃõj joļoke; kõnke Jeova ear joļok er.

JEREMAIA – JEPTA 7

[7.1] Naan in ear itok jān Jeova ñan Jeremaia im ba,

[2] “Kwõn jutak ilo kõjjām in ṃõn Jeova im lamõj jeṃe naan kein, im kwõn ba, ‘Kõṃwin roñjake naan in Jeova, kom ri Juda otemjej komij deļõñ ilo kõjjām kein bwe kõṃwin kabuñ ñan Jeova.

[3] Āindein an Jeova in inelep eo, Anij in Israel, ba, ‘Kõṃwin kajimwe ial ko ami im kõṃṃan ko ami, im I naaj kõṃṃan bwe kõṃwin jokwe ilo jikin in.

[4] Kõṃwin jab lõke naan in riab ko rej ba, ‘Temple in Jeova, temple in Jeova, temple in Jeova men in!’”

[5] Bwe eļaññe komij lukkuun kajimwe ial ko ami im kõṃṃan ko ami, im elukkuun jimwe ami ekajet ikõtaan juon armej im ri turin,

[6] Eļaññe komij jab kõkkure ruwamaejet, atajinemjen, im kõrā ejako pāleen, im komij jab katoorļok bõtõktõkin ro ejjeļok rueir ilo jikin in: im komij jab ļoor anij ro jet ñan ami make jorrään,

[7] Innām I naaj kõṃṃan bwe kõṃwin jokwe ilo jikin in, ilo āne eo I ar leļok ñan ro jememi ñan indeeo im indeeo.

[8] Lo, komij lõke naan in riab ko me re ban jipañ.

[9] Komij kõõt, im uror, im ļõñ, im eriab ami kanejnej, im komij katok ñan Baal ke? im komij ļoor anij ro jet me kom ar jab jeļā kaki ke?

[10] Innām komij itok im jutak imaaõ ilo mwiin me eṃõj ṃa etan kõn Eta, im ba, ‘Ejjeļok uwõta ñan kõm;’ eñin bwe kõṃwin kõṃṃane men in kajõjõ kein otemjej.

[11] Mwiin, eo eṃõj na etan kõn Eta, eṃõj ke an erom juon roñ in ri koadõñ imaan mejemi ke? Lo Ña, I ar lo e,’ Jeova ej ba.

[12] ‘Kon men in, komwin etal kiiō ñan jikiō ilo Shailo ijo I ar likūt Eta ie ilo jinoin; im komwin lale ta eo I ar kōmmane ñan e kōn nana an ro doō Israel.

[13] Im kiiō kōn ami kōmmani men kein otemjej,’ Jeova ej ba, ‘im I ar kōnnaan ñan kom, im I ar jerkak ke e jibboñ wōt im kōnnaan, ak kom ar jab eoroñ, im I ar kūr kom, ak kom ar jab uwaak,

[14] Innam I naaj kōmman ñan mwiin eo emōj na etan kōn Eta, eo komij lōke e, im ej jikin eo I ar lewōj ñan kom im ñan ro jemami, ainwōt I ar kōmmane ñan Shailo.

[15] Im I naaj joļok kom jān imaan Meja, ainwōt I ar joļok aolepen ro jimjeim jimjatōm, aolepen ineen Epraim.

[16] Im kwōn jab jar kōn armej rein, im kwōn jab lelōñļok kōn er akweļap im kajjitōk, im kwōn jab kūr ñan Eō, bwe I ban eoroñ eok.

[17] Mejōm rej lo ta eo rej kōmmane ilo jikin kweļok in Juda im ilo ial ko ilo Jerusalem ke?

[18] Ajri ro rej ae kani, im ro jemeir rej kejo kijeek, im kōrā ro rej ñale pilawe; bwe ren kōmman pilawe ñan lerooj in lañ im lutōk katok idaa ñan anij ro jet bwe ren kaillu Eō.

[19] Ña eo rej kaillu e ke?’ Jeova ej ba. ‘Ejab er make bwe ren jook ke?’

[20] Kōn men in, aindein an Irooj Jeova ba, ‘Lo Aō illu im Aō illu ebwil renaaj lutōk ļok ñae jikin in, ion armej im men in mour im wōjke ilo melaj im ion leen bwidaj; im e naaj bwil im e ban kun.’

[21] Āindein an Jeova in inelep, Anij in Israel ba, ‘Komwin kobaiki katok kijeek ko ami ñan joortak ko ami im komwin mōñā kanniōk.

[22] Bwe I ar jab kōnono ñan ro jememi, im I ar jab jiroñ er kōn katok kijeek im joortak ilo raan eo ke Iar kadiwōj er jān āne in Ijipt.

[23] Ak I ar jiroñ er kōn men in im ba, ‘Komwin pokake ainikiō, im I naaj ami Anij im kom naaj armej ro doō, im kom naaj etal ilo ial otemjej Ij jiroñ kom bwe en emman ippemi.’

[24] A raar jab pokake, im raar jab kajeor ļojilñir, ak raar etal ilo pepe ko aer im penawiia eo an būrueir re nana, im raar waanlikļok im jab waanmaanļok.

[25] Jān raan eo ro jemami raar diwōj ļok jān āne in Ijipt ñan rainin, I ar jilkinwōj ñan kom aolep ro ri korijera, ri kanaan ro; raan otemjej I ar jerkak ke e jibboñ wōt im jilkinwōj er.

[26] Ak raar jab eoroñ Eō, im raar jab kajeor tok ļojilñir; ak raar kakijñeñeik kenwaer; eļap aer kōmman nana jān ro jemaer.

[27] Im kwō naaj kōnono ñan er naan kein otemjej, ak re ba eoroñ eok, im kwō naaj kūr ñan er, ak re ban uwaak eok.

[28] Im kwō naaj ba ñan er, ‘Eñin aelōñ eo ear jab eoroñ ainikien Jeova aer Anij im re ban eoroñ kauwe, ejako mool im emōj bukweļok jān ļoñir.’

[29] ‘Kwōn mwijiti koolan baram im joļoke; kwōn kotak juon liaajla ilo jikin ko re utiej im jemaden, bwe Jeova ear joļok im iļok jān epepen in illu eo An.’

[30] ‘Bwe ro nejin Juda raar kōmman nana imaan meja,’ Jeova ej ba. ‘Raar likūt men in jōjōik ko aer ilo mweo emōj na etan kōn eta bwe ren kattoon e.

[31] Im raar kalek jikin ko re utiej an Topet, eo ej ilo komlaļ an nejin Hinōm, bwe ren tile ļadik ro nejeir im ledik ro nejir kōn kijeek; I ar jab jiroñ er kōn men in, im ear jab ilo būruō.

[32] Kōn men in, lo, raan ko rej itok,’ Jeova ej ba, ‘ñe re ban bar ba ‘Topet’ ak ‘Komlaļ an nejin Hinōm’ ak re naaj ba ‘Komlaļ in manman;’ im re naaj kallib ilo Topet mae iien ejjeļok jikin.

[33] Im ānbwinnin armej rein re naaj kijen bao in mejatoto im men in mour an āne, im ejjeļok enaaj ubaak er.

[34] Im I naaj kajemļok ainikien mōṅōṅō im ainikien lañlōñ im ainikien ļeo pālele im ainikien lio pālele jān jikin kweilok ko in Juda im jān ial ko in Jerusalem, bwe āne eo enaaj jepeepļok.

JEREMAIA – JEPTA 8

[8.1] ‘Ilo iien eo,’ Jeova ej ba, ‘re naaj kadiwōj di ko diin kiñ ro in Juda, im di ko diin irooj ro an, im di ko diin pris ro, im di ko diin ri kanaan ro, im di ko diin ro raar jokwe ilo Jerusalem jān lōb ko lōbeir.

[2] Im renaaj erļoki iṃaan aļ eo im iṃaan allōñ eo im iṃaan aolepen jaran lañ ko me raar yokwe im jermal ṅani, im raar etal ālikir im raar pukōt er im kabuñ ṅan er. Reban aini er im reban kalibwin er, ak renaaj kwōpej iṃaan mejen āne eo.

[3] Im aolep ro rej pād wōt ian mōttan bwij in enana re naaj kāālōt mej jān mour ilo aolepen jikin ko eṃōj Aō kadiwōjļok er ṅan i,’ Jeova in inelep eo ej ba.

[4] ‘Im kwō naaj ba ṅan er, ‘Āindein an Jeova ba, Juon ej buñ im jab jerkak ke? Ej jeorļok im jab rol ke?’

[5] Etke armej rein jān Jerusalem rej oktak jān ṃool aolep iien? Rej dāpij wōt ṃon; rej abwin jepļak.

[6] I ar roñjake im eoroñ; raar jab kōnono āindein; ejjeļok armej ear ukeļok jān nana ko an im ba, “Ta eo I ar kōṃṃane?” Aolep raar jeor ṅan ial ko aer āinwōt juon kiria ej ettōr ṅan tariṅae.

[7] Barāinwōt stork ilo lañ e jeļā iien eo an, im tōrtel dove, im bao swallow, im kabaj rej lale iien in aer eṃakūt, ak armej ro doō re jab jeļā ekajet eo an Jeova.

[8] Etke komij ba, “Kōmij mālōtlōt im kien eo an Jeova ej ipped”? Lo, ilo ṃool pen ko re riab an skraib ro rej kōṃṃane juon riab.

[9] Eṃōj kajook ro re mālōtlōt; re jorrāān, im eṃōj jibwe er; lo, raar joļok naan in Jeova, im mālōtlōt rōt ippeir?

[10] Kōn men in I naaj leļok limaro pāleir ṅan bar jet im melan ko aer ṅan ro renaaj bōki, bwe jān eo ediktata ṅan eo eļaptata, er otemjej rej lukkuun anoknak; jān ri kanaan ṅan pris er otemjej rej kōṃṃan ṃon.

[11] Im raar riab in kemour kinej eo an jiroñ eo nejin armej ro doō, im ba, ‘Aenōṃṃan, aenōṃṃan,’ ak ejjeļok aenōṃṃan.

[12] Raar jook ke kōn aer kar kōṃṃane men in kajōjō? Raar jab jook ṅan jidik im raar jab jeļā kilbōrōrō; kōn men in, re naaj buñ ippān ro rej buñ ilo iien in aer kaje; re naaj tipñōl,’ Jeova ej ba.

[13] ‘I naaj lukkuun kōkkure er,’ Jeova ej ba. ‘Eban wor grape ion vain ko im eban wor fig ion wōjke fig ko im bōlōk re naaj wōtļok , im {men eo} I ar leļok ṅan er e naaj jako.’

[14] “Etke jej jijet wōt? Koṃwin kweilok im jen deļoñ ṅan lowaan jikin kwelok ko re pen im jen mej ie; bwe Jeova ad Anij ej ṃan kōj im E ar kaidaak kōj kōn dān e meo kōnke jaar jerowiwī ṅae Jeova.

[15] Jaar pukōt aenōṃṃan ak ekar ejjeļok eṃṃan; jaar pukōt iien kemour, ak lo, jerata.”

[16] Jān Dan rej roñ ainikien bōdin kiria ko; aolepen āne eo e wūdidid kōn ainikien kiria ko an re kajoor. Im raar deļoñ im kañ āne eo im kobban, jikin kwelok ko im ro rej jokwe ie.

[17] “Bwe lo Ij jilkinwōj jedpānit ko, adder ko me ejjeļok emaroñ in kaenōmmani, im re naaj kiji kom,” Jeova ej ba.

[18] “Aō lemōñōñō ej oktak ñan būromōj, būruō e kijelok.

[19] Lo, ainikien lamōj an jiroñ eo nejin armej ro doō jān juon āne ettoļok: ‘Jeova e jab i Zion ke? Kiñ eo an e jab ilo e ke?’

‘Etke rej kaillu Eō kōn ekjab ko aer, kōn men ko ruwa re waan?’

[20] ‘Emootļok iien madmōd, ejemļok iien rōk, im jejañin bōk lomoor.’

[21] ‘Kōn jorrāān eo an jiroñ eo nejin armej ro doō I jorrāān. Ij liaajļoļ. I pal.

[22] Ejjeļok uno ilo Gilead ke? ak ejjeļok taktō ie ke? Innām etke ejañin kemour jiroñ eo nejin armej ro doō?

[23] Yokwe bwe bōra en kar dān ko, im meja ren kar unin dān im kemjaalal, bwe in jañ raan im boñ kōn ro re mej ian jiroñ eo nejin armej ro doō.’

JEREMAIA – JEPTA 9

[9.1] Yokwe bwe en kar wor ñan ña ilo āne jemaden juon mōn kōppād an ro rej itoitak bwe in ilok jān armej ro doō im etal jān ippar; bwe er otemjej rej ri ļōñ, juon jar in armej re jab tiljek.”

[2] “Im raar kiele loir āinwōt lippon ko, im re kajoor ñan riab im jab ñan mool ilo āneo; bwe rej etal jān nana ñan nana im re jab jeļā Eō,” Jeova ej ba.

[3] “Jabdwōt armej en kōjparok e jān eo mōttan, im komwin jab lōke ro jemjeim jemjatōm otemjej, bwe jemjeim jemjatōm otemjej re lukkuun jeļā moņ, im aolej ro mōttam rej etetal im wūnwūj.

[4] Im jabdwōt ej moņ ri turin, im re jab kwaļok mool; rej katakin loir kōnono riab; rej kamōk er kōn aer kōmman nana.

[5] Ami jikin jokwe ej tu ioļapin moņ; ilo aer moņ rej abwin jeļā Eō,” Jeova ej ba.

[6] Kōn men in, āindein an Jeova in inelep ba, “Lo, Inaaj karreik er im mallejoñ er, bwe ta eo I maroñ in kōmmane kōn jiroñ eo nejin armej ro doō?

[7] Loir rej juon madi e kauwōtata, ej kōnono moņ; kōn loñin juon ej kōnono aenōmman ñan ri turen, ak ilo būruen ej kōppao.

[8] In jab kajeik er kōn men in ke ?” Jeova ej ba. “Aō en jab iden-oņe ion juon aelōñ āinwōt in ke?”

[9] I naaj jañ im limō kōn toļ ko im liaajļoļ kōn melan ko in āne jemaden, bwe re jorrāān; ejjeļok eņ ej deblōke, im re jab roñ ainikien kau; bao in mejatoto im men in mour ko re jimor jako; raar etal ļok.

[10] Im I naaj kōmman Jerusalem bwe en menoknok, juon roñ in jakōl ko, im I naaj kōmman bwe jikin kweiļok ko an Juda ren jepeeļok im ejjeļok ri jokwe ie.

[11] Wōn ej juon armej e mālōtlōt im e meļeļe men in? im wōn eo loñin Jeova ear kōnono ñan e bwe en kwaļok? Etke āne eo e jorrāān im jepeeļok āinwōt juon āne jemaden eo ejjeļok ej deblōke?”

[12] Im Jeova ear ba, “Kōn aer ilok jān kien eo Aō eo I ar likūt imaer, im raar jab pokake ainikiō im raar jab etetal ilo e,

[13] Im raar ļoor būrueir re penawiia im Baal ko āinwōt ro jemair raar katakin er,”

[14] Kōn men in, āindein an Jeova in inelep, Anij in Israel ba, “Lo, I naaj naajdik armej rein kōn wormwud, im I naaj kaidaak er dān e meo.

[15] Im I naaj kejeplōklōk er ibwiljin aelōñ ko me er kab ro jemair raar jab jelā kaki, im I naaj jilkinlōk jaje eo ālikir maē ien emōj Aō man er aolep.”

[16] Āindein an Jeova in inelep ba, “Komwin lukkuun kalṃōnlokjeñ im kūrtoḱ kōrā ro re jañ, im re naaj itok; im jilkinlōk ñan kōrā ro remālōtlōt, im re naaj itok.

[17] Im ren ṃōkaj tok im kotak juon liaajlōj kōn kōj, bwe mejed ren toorlōk kōn dān in kemjaalal im kilin mejed ren katōor dān.

[18] Bwe emōj roñjake ainikin liaajlaj jān Zion; enañin ļap ad jorrāñ! Je lukkuun jook kōnke jaar ilōk jān āne eo kōn aer kar jolallok jikin jokwe ko ad.

[19] Innām, kom lima, komwin roñ naan in Jeova, im lojilñemi ren bōk naan eo an loñin; im komwin katakin ledik ro nejemi liaajlōj, im jabdewōt kōrā en katakin al in buromōj ñan kōrā eo ṃōttan.

[20] Kōnke mej ear wanlōntak ñan lowaan window ko ad; ear deļoñ ilo me ko ad; bwe en bukweļok ajri ro jān ial im likao ro jān jikin ko re depakpak.

[21] Kwōn ba, ‘Āindein an Jeova ba, Ānbwinnen armej re naaj wōtlōk āinwōt kubwe ion meļaaj, im āinwōt tir ko ālikin ro ri madmōd, ak ejjeļok enaaj aini er.’

[22] ‘Āindein an Jeova ba, ‘Ri mālōtlōt en jab kōmmejāje ilo an mālōtlōt, im eo e kajoor en jab kōmmejāje ilo an kajoor; ri mweie en jab kōmmejāje ilo mweiuk ko mweien.

[23] Ak eo ej kōmmejāje en kōmmejāje ilo men in, bwe e meļeļe im e jelā Eō bwe Ña Jeova eo ej kōmman jouj, jimwe, im wānōk ilo laļ in, kōnke Ij mōñōñō kake men kein,’ Jeova ej ba.

[24] ‘Lo, raan ko rej itok,’ Jeova ej ba, ‘ñe I naaj kajeik aolep ro re ṃwijiṃwij ippān ro re jab ṃwijiṃwij.

[25] Ijijt, im Juda, im Idom, im ro nejin Amon im Moab im aolep ro rej jokwe ilo āne jemaden ro rej ṃwijiṃwijit kooļin tōrerein bōraer; bwe aelōñ kein otemjej re jab ṃwijiṃwij, im aolepen ṃōn Israel ejab ṃwijiṃwij būrueir.

JEREMAIA – JEPTA 10

[10.1] Komwin roñjake naan eo Jeova ej kōnono ñan kom, ṃōn Israel.

[2] Āindein an Jeova ba, “Komwin jab katak ial an ro ri aelōñ ko, im komwin jab inepata kōn kakōļe ko ilo lañ ko, bwe ri aelōñ ko rej inepata kōn men kañ.

[3] Bwe manit ko an armej ro re waan; bwe rej jekjek wōkje jān bukwōn wōjke, men in kōmman kōn ūlūl an pein juon ri kapeel.

[4] Rej kainōknōki e kōn jelba im kooļ; rej kapene kōn dila im aṃa bwe en jab ṃakūtūt.

[5] Rej āinwōt juon ken kamijak bao ilo jikin kallip in kuidi; re jab kōnono, rej aikuj bwe juon en inek er kōnke re jab maroñ etetal. Komwin jab mijak er, bwe re jab maroñ kōmman nana, im barāinwōt ejjeļok aer maroñ in kōmman emman.

[6] Ejjeļok āinwōt Kwe, Jeova. Kwe Kwōutie, im eļap Etaṃ ilo kajoor.

[7] Wōn en jab mijak Eok, O Kiñ in aelōñ ko? Bwe ej ekkar ñan Eok; bwe ippān ri mālōtlōt otemjej in aelōñ ko im ilo aelōñ otemjej, ejjeļok āinwōt Kwe.

[8] Re jimor bwebwe im jajeļokjeñ; katak waan men en, bwe ej jān aļal.

[9] Rej bōktok jelba emōj noe jān Tarjij im kool jān Upaz; men in kōmman an juon ri kapeel, im an pein ri jerbale jelba im kool; nuknuk ko aer re blue im piolōt, rej aolep men in kōmman an ro ri mālōtlōt.

[10] A Jeova ej Anij emool, E Anij e mour im Kiñ ñan indeeo; laj in ej wūdiddid kōn An illu, im aelōñ ko re bane An libōpne.

[11] Āindein ami naaj ba ñan er, “Anij ro raar jab kōmanman lañ im laj, rein re naaj jako jān laj im jān iumwin lañ.

[12] Ear kōmman laj kōn An kajoor; Ear kapen laj in kōn mālōtlōt eo An; im ilo An jeļāļokjeņ E ar erļokwe lañ ko.

[13] Ainikien ej kwaļok lijeñūrñūr an dān ko ilo lañ, im Ej kōmman bwe en wanlōñļok kōdo ko jān jikin ettoļok ilo laj; Ej kōmman jarom ñan wōt, im Ej kadiwōjļok kōto jān jikin mweiuk eo An.

[14] Armej otemjej repenawia, im ejjeļok jeļāļokjeņ ippaer; ekjab ko rej men in kajook ñan ri jerbale silver otemjej; bwe e riab men in e ko aer im ejjeļok jetōb ilowaer.

[15] Rej men waan im men in kajirere; ilo iien kajeik er re naaj jako.

[16] Ajenkij eo an Jacob e jab āinwōt er, bwe E Ri Kōmanman men otemjej, im Israel ej bwij in jolōt eo An, im Jeova in inelep eo, etan.

[17] Kwōn kotak mweiuk ko mweiōm jān ilaļ, komeo komij jokwe ilo jikin nitbwile.

[18] Bwe āindein an Jeova ba, “Lo Ña ij buwat kaki ro rej jokwe ilo āne eo ilo iien in, im I naaj kejorrāān er bwe ren lo er.”

[19] “Wo ñan ña kōn jorrāān eo aō, kinej eo aō eban mo; ilo mool men in ej nañinmej eo aō im ij aikuj ineki.

[20] Em nuknuk eo aō e jeepeļok im aolepen to ko aō re tum; ajri ro nejiō raar diwōjļok jān eō im re jako, ejjeļok en bwe en erļokwe wōt em nuknuk eo aō im totook roñel ko aō.

[21] Kōnke seperd ro re bwebwe, im re jab pukōt Jeova; kōn men in, raar jab jeraṃṃōn, im bwij ko aer otemjej re jeplōklōk.

[22] Lo ainikien juon naan ej itok, aet, juon airuwaro eļap jān āne eo eañ, ñan kōmman jikin kweiļok ko in Juda men in jeepeļok, juon jikin jokwe an kidu jakōl.

[23] I jeļā, Jeova, bwe ial eo an juon armej e jab ilo e make; ejab an juon armej eo ej etetal bwe en jiniet buñtōn neen.

[24] Jeova, Kwōn kajimweik eō ak ilo jimwe, en jab ilo Aṃ illu ñe ab Kwōn kadikļok eō,

[25] Kwōn lutōkļok Aṃ illu ion ri aelōñ ko ro re jab jeļā Kwe im ion bwij ko re jab kūr Etam; bwe raar kañ Jakob, raar kañ e im raar kajemļok e im kajeepeļok jikin jokwe eo an.

JEREMAIA – JEPTA 11

[11.1] Naan in ear itok ñan Jeremaia jān Jeova im ba,

[2] “Komwin eoroñ naan ko an bujen in, im komwin kōnnaan ñan armej in Juda im ñan ro rej jokwe ilo Jerusalem.

[3] Im kwōn ba ñan er, ‘Āinden an Jeova, Anij in Israel, ba, ‘En lia armej eo e jab eoroñ naan ko an bujen in,

- [4] ko I ar jiroñ ro jemami ilo raan eo I ar kadiwōj er jān āne in Ijpt jān ubaj māāl im ba, ‘Koṃwin pokake ainikiō im kōṃṃan ekkar ñan men otemjej I ar jiroñ kom, innām kom naaj armej ro doō im Ña I naaj ami Anij,’
- [5] bwe In kajejjet kanejnej eo I ar kanejnej kake ñan ro jemami ñan leḷok ñan er juon āne e ibwijlelep kōn milk im òne āinwōt rainin.’ Im I ar uwaak im ba, ‘En āindein, Jeova.’
- [6] Im Jeova ear ba ñan eō, ‘Kwōn kwaḷok naan kein otemjej ilo jikin kwelok ko in Juda im ilo ial ko in Jerusalem im ba, ‘Koṃwin eoroñ naan ko an bujen iṇ im kōṃṃani.’
- [7] Bwe I ar lukkuun kauwe ro jememi ilo raan eo I ar bōk lōñḷok er jān āne in Ijpt, im ñan rainin wōt I ar jerkak ṃōkaj im kauwe im ba, ‘Koṃwin pokake ainikiō.’
- [8] Bōtab raar jab pokake ak kajeortok ḷjilñeir, ak raar etetal, kajojo iaer, ilo burueir re penawiia im nana; im Iar bōk ioer naan ko otemjej an bujin in me I ar jiroñ bwe ren kōṃṃani ak raar jab kōṃṃani.’
- [9] Im Jeova ear ba ñan eō, ‘Eṃōj lo kabata ippān armej in Juda im ippān ro rej jokwe ilo Jerusalem.
- [10] Raar roḷ ñan jerowiwī ko an ro jemair ṃokta ro raar abwin eoroñ Naan ko Aō, im raar ḷoor anij ro jet bwe ren jermal ñan er; ṃōn Israel im ṃōn Juda raar koḷkure bujen eo Aō eo I ar kōṃṃan ippān ro jemaer.’
- [11] Kōn men iṇ, āindein an Jeova ba, ‘Lo, I naaj bōktok jorrāān ioer eo re ban maroñ in ilok jān e; im re naaj laṃōj ñan Eō, ak I ban eoroñ er.
- [12] Im jikin kwelok ko an Juda im ro rej jokwe ilo Jerusalem renaaj etal im laṃōj ñan anij ro raar kōkaijurjur ñan er, ak re ban loṃḷoren er ñan jidik ilo iien in aer jorrāān.
- [13] Bwe anij ro aṃ rej oran wōt jikin kweilok ko aṃ, O Juda; im koṃ ar kajutak lokatok ko ñan men in jook eo oran wōt ial ko an Jerusalem, lokatok ko ñan kōkaijurjur ñan Baal.
- [14] Im kwe kwōn jab jar kōn armej rein, im kwōn jab lelōñḷok akweḷap ak kajjitōk kōn er, bwe I ban roñjake ñe rej kūr ñan Eō kōn jorrāān ko aer.
- [15] Ta eo jitenborō ej kōṃṃane ilo mweo iṃō ke e ar kōṃṃan elōñ men ko re nana? Kanniōk ekwōjarjar emaroñ kajeor jorrāān jān eok ke? bwe kwōj kōṃṃan nana innām kwōj ṃōṇṇō kake.
- [16] Jeova ear ṇa etam ‘juon wōjke oliv e maroro im aiboojoj im eṃṃan leen;’ kōn ainikien lañ eḷap E ar tile, im e bwilōk raan.
- [17] Im Jeova in inelep, Eo E ar ekkat eok, E ar kwaḷok jorrāān ṇae eok kōn nana an ṃōn Israel im ṃōn Juda eo raar kōṃṃane ñan kaillu Eō kōn aer kar katok ñan Baal.
- [18] Im Jeova e ar kajeḷaik eō kake, innām I ar jeḷā. Innām Kwar kaalikkar ñan eō kōṃṃan ko aer.
- [19] Ak iar āinwōt juon laam awiie eṃōj tōl ḷok ñan mej; im iar jab jeḷā bwe raar kine pepe ko ṇae eō, {im ba}, ‘Jen koḷkure wōjke eo ippān leen, im jen bukweḷok e jān ānen ro re mour, im re ban bar kememej etan.’
- [20] Im Kwe, Jeova in inelep, Eo ej ekajet ilo wānōk im Ej mällejoñ ḷōṃṃak ko im buru, In lo Aṃ iden-oṇe ioer bwe ñan Kwe I ar kwaḷok aō keej.
- [21] Kōn men iṇ, āindein an Jeova ba kōn armej in Anatot ro rej pukōt aṃ mour im ba, ‘Kwōn jab rūkanij ilo etan Jeova bwe kwōn jab mej kōn peid;’

[22] Kōn men in, āindein an Jeova in inelep eo ba, “Lo, I naaj kajeik er. Likao ro aer renaaj mej kōn jāji, im ro nejeir ļaddik im ro nejeir leddik re naaj mej kōn nūtta.

[23] Im ejjeļok iaer enaaj pādwoṭ, bwe I naaj bōkļok jorrān ion armej in Anatot ilo iiō in aer ekajet.”

JEREMAIA – JEPTA 12

[12.1] Kwō wānōk Jeova ñe ij akweļap Ippām, ak ikōnaan kōnono Ippam kōn ekajet ko Aṃ. Etke e jeraṃṃōn ial eo an ro re nana, im aolep ro rej lukkuun kōṃṃan ṃon re aenōṃṃan?

[2] Kwar ekkat er, im raar kōṃṃan okrair; raar eddekļok im kwaļok leir; Kwōj epaak ñan loñir ak ettoļok jān būrueir.

[3] Im Kwe Jeova, Kwō jeļā eō, im Kwōj lo eō, im Kwōj mällejoñ ļōṃṃak ko aō kōn Kwe; Kwōn iperļok er āinwōt sip ñan mej, im Kwōn kajenoļok er ñan raan in mej.

[4] Ewi toṅn āne eo e naaj buroṃōj im ujoij in melaj otemjej e naaj aemed ļok? Kōn nana an ro rej jokwe ilo e, men in mour ko im bao ko rejako ļok, bwe rej ba, ‘E ban lo jemļokōd.’

[5] Eļañne kwaar ettōr ippān ro rej ettōr im raar kaṃōk eok, innām ekōjkan aṃ naaj jiae ippān kiria ko? im kwaar lōke ilo āne in aenōṃṃan, innām enaaj kōjkan aṃ kōṃṃan ilo bukwōn wōjke eo an Jordan?

[6] Bwe barāinwōt ļadik ro jimjeiṃ jimjātōṃ im ṃōn jemōṃ raar ṃon eok, im eļap aer kar kūr ñan eok. Kwōn jab lōke er meñe rej ba men ko reṃṃan ñan eok.

[7] I naaj likūt mweo imō; I naaj etal jān jolōt eo Aō; I naaj lelōk Aō jitōnbōro ṅa ilo pein ri kōjdāt ro an.

[8] Jolōt eo Aō ej ñan Eō āinwōt juon laion ilo bukwōn wōjke; ej rorror ṅae Eō, kōn men in, Ij dike e.

[9] Jolōt eo aō ej ñan Eō āinwōt juon bao elāj im ebbijinjin ke? Bao ko jet relāj ipelaakin rej ṃaijeke ke? Koṃwin iļok im kokwelōktok men in mour otemjej an melaj; koṃwin āñintok er ñan iien ṃōñā.

[10] Elōñ ri lale sip raar koṃkure jikin vain eo Aō; raar juri jikin kallib eo Aō; raar kōṃṃane jikin kallib eo eṃṃan juon āne jemaden e jeepeļok.

[11] E ar kōṃṃane bwe en jeepeļok; ejeepeļok, ej jañ imāō; aolepen āne eo ejeepeļok kōnke ejjeļok armej ej lale.

[12] Ro ri koṃkure rej itok ion aolepen jikin ko re utiej in āne jemaden eo kōnke jāje eo an Jeova ej ṃōñā jān jabōn laļ ñan jabōn laļ; ejjeļok aenōṃṃan ñan kanniōk otemjej.

[13] Raar ekkat wit, ak raar ṃadṃōd lōklōk; raar ṃōk ak ejjeļok tōprak; innām koṃwin jook kōn ṃadṃōd ko ami kōn illu ebwil an Jeova.

[14] Āindein an Jeova ba kōn aolep ro ri turō re nana, ro rej uñūr jolōt eo I ar kōṃṃan bwe armej ro doō Israel ren jolōte; “Lo, I naaj kōteep er jān āne eo aer, im I naaj kōteep Juda jān ibwiljir.

[15] Im ālikin aō kōteep er Inaaj oktak im tūriamokake er; im I naaj kajepļaak jabdewōt armej ñan jolōt eo an im jabdewōt armej ñan āne eo an.

[16] Im eļañne re lukkuun katak ial ko an armej ro doō bwe ren kanejnej ilo Eta im ba, ‘Jeova e Mour,’ āinwōt raar katakin armej ro doō bwe ren kanejnej kōn Bael; innām Enaaj kalōk er ioļapen armej ro doō.

[17] Im eļañne re jab pokake, I naaj lukkuun kōteep im ṃan aelōñ eo,” Jeova ej ba.

JEREMAIA – JEPTA 13

[13.1] Āindein an Jeova ba ñan eõ, “Kwõn etal im wiaik ñan eok juon mōttan nuknuk linen im likūt e ioon ipōm, im kwõn jab likūt e ilo dān.

[2] Im iar wiaik mōttan eo ekkār ñan naan in Jeova, im I ar likūt e ioon ipō.

[3] Im naan in Jeova ear itok ñan eõ alen eo kein ka ruo im ba,

[4] “Bōk mōttan eo kwar wiaiki eo ej ion ipōm; im kwõn jerkak, etal ñan Eupratis im ñooje ijo ilo juon roñ ilo dekā ko.”

[5] Im iar etal im iar ñooje iturin Eupratis āinwōt Jeova ear jiroñ eõ.

[6] Innām ālikin elōñ raan Jeova ear ba ñan eõ, “Kwõn jerkak, etal ñan Eupratis im bōk jān ijo mōttan eo I ar jiroñ eok bwe kwõn ñooje ie.”

[7] Im iar etal ñan Eupratis im iar kub im bōk mōttan eo jān jikin eo iar ñooje ie; im lo, mōttan eo ear jorrāñ, im ear ejjeļok tokjān ñan jidik.

[8] Im naan in Jeova ear itok ñan eõ im ba,

[9] Āindein an Jeova ba, “Āindein I naaj kejjorrāñ juwa an Juda im juwa eļap an Jerusalem.

[10] Armej rein re nana, ro rej abwin eoroñ naan ko Aõ, ro rej etal ilo būrueir re penawiia, im rej ļoor anij ro jet bwe ren jermal ñan er im kabuñ ñan er, re naaj āinwōt mōttan in eo ejjeļok tokjān ñan jidik.

[11] Bwe āinwōt kañur eo ej edāp ñan ipin armej, āindein I ar kadāp aolepen mōn Israel im aolepen mōn Juda ñan Eõ,” Jeova ej ba, “bwe ren ñan Eõ juon jar in armej im juon āt im juon men in nōbar im aiboojoj; ak raar jab pokake.”

[12] Im kwō naaj ba ñan er naan in, “Āindein an Jeova Anij in Israel ba, ‘Bato otemjej re naaj booļ kōn wain.’” Im re naaj ba ñan eok, “Kōm jab kanooj jeļā ke bwe bato otemjej re naaj booļ kōn wain?”

[13] Im kwō naaj ba ñan er, “Āindein an Jeova ba, ‘Lo, I naaj kabooļ kōn kadek ro otemjej rej jokwe ilo āniñ, im kiñ ro rej jijet ion tūroon eo an Devid, im pris ro, im ri kanaan ro, im aolepen ro rej jokwe ilo Jerusalem.

[14] Im I naaj kaimaajaj er ñan doon, jemeir im ro nejeir jimor,’ Jeova ej ba. ‘I ban tūriamokake er ak būromōj kake er ak kenļok er bwe ren jab jorrāñ Ippa.’”

[15] Koṃin roñjake im eoroñ, im en jab utiej buruemi, bwe Jeova ej kōnnaan.

[16] Koṃwin leļok aiboojoj ñan Jeova ami Anij mokta jān An bōktok marok im mokta jān an neemi tūbbok ion toļ ko re marok, im Ej kōṃmane meram eo komij kattar e bwe en anōñin mej, im Ej ukōte ñan marok jiliñliñ.

[17] Im eļañne komij jab eoroñ e, aõ enaaj jañ ilo jikin ko rettino kōn aṃ juwa, im meja re naaj kanooj jañ im toorļok kōn dān in kemjaalal kōnke enaaj jepokwe bwij eo an Jeova.

[18] Kwõn ba ñan kiñ eo im ñan lerooj eo, “Koṃwin jijet ilo juon jikin ettā, bwe kūrāwūn e aiboojoj eo ami ear wōtļok jān barami.”

[19] Jikin kweļok ko i rōk re naaj kilōk im ejjeļok en enaaj kapelļok i; re naaj kejjepokwe aolepen Juda; re naaj kejjepokwe aolepeir.

[20] Kwõn kotak mejem im lale ro rej itok jān eañ; ewi bwij eo emōj lewōj ñan kwe - bwij eo e aiboojoj?

[21] Ta eo kwō naaj ba ñe Ej likūt ro mōttam ioom bwe ren am irooj, im kwe kwar make katakin er? Eñtaan eban jibwe eok ke ãinwōt an juon kōrā eo ej keotak?

[22] Im eļañne kwōj ba ilo būruōm, ‘Etke men kein rej waļok ñan eō?’ emōj elōkļok lukko eo am im emōj kōkkure jimwen neōm kōn an lōñ jerōwiwi ko am.

[23] Ri Itiopia emaroñ ukōt kilen ak juon kidu leopard emaroñ ukōt lipijinjin ko an ke? ñe ãindein kwe kwō naaj maroñ in kōmman emman kwe eo kwō minene in kōmman nana.

[24] Im I naaj kejeplōklōk er ãinwōt kilin wiit eo kōto eo ilo ãne jemaden ej ukwi ļok.

[25] Eñin kij eo am, mōttan joñan eo jān Eō,” Jeova ej ba. “Bwe kwar melōklōk Eō im kwar lōke riab eo.

[26] Innām I ar make kotak lukko ko am ioon mejem bwe ren lo am jook.

[27] Am ļōñ im am mejkaie, am ļōmņak ko rettoon; I ar lo men in kajōjō ko am ion bat ko an meļaj. Wo ñan eok Jerusalem! Ewi toñ am naaj pād ilo jab erre wōt?”

JEREMAIA – JEPTA 14

[14.1] Eñin Naan in Jeova eo ear waļok ñan Jeremaia ikijien ñutta eo.

[2] Juda ej buromōj, im kōjām ko an re mōjņo, re liaajļo ion la; im lamōj eo an Jerusalem ej wanlōñļok.

[3] Im irooj ro aer raar jilkinļok ro ri korijeir ñan dān ko; raar etal ñan lwe ko, ak raar jab lo dān, raar rool im ear ejjeļok kobban nien dān ko aer; raar jook im āliklik, im raar kalibubu boraer.

[4] Bwidej eo ear kuk kōn an jab wōt ilo ãne eo, innām ro ri kallib raar jook; raar kalibubu boraer.

[5] Bwe barãinwōt kidu dir eo ilo melaj ear keotak, ak ear likūt e, kōnke ekar ejjeļok ujoij.

[6] Im ass ko rewiaa rej jutak ilo jikin ko re utiej im kãātet kōto ãinwōt kidu jakōl ko; mejeir rej tōb ļok bwe ejjeļok ujoij maroro.

[7] Meñe nana ko am rej kōnnaan ñae kōm, O Jeova, kwōn kōmman juon men kōn Etam; bwe birļok ko am relōñ; kōm ar jerōwiwi ñae Eok.

[8] O Kwe, Kōjatdikdik an Israel, Eo ej lomōoren e ilo iien jorrāan; etke Kwōj ãinwōt juon ruwamaejet ilo ãne eo im ãinwōt juon ri itoitak eo ej jeor bwe en jibboñen wōt?

[9] Etke Kwe ãinwōt juon armej e bwilōñ im ãinwōt juon ri kajoer eo ejab maroñ in lomōor? Ak Kwe O Jeova, Kwōj pād ibwiljim, im emōj etnake kōm kōn Etam; Kwōn jab iļok jān kōm.

[10] Āindein an Jeova ba ñan armej rein, “Āindein emman jebwābwe ippaer, im re jab dāpij neir jān aer etal;” innām Jeova e ban buñburuen kōn er; kiiō E naaj kememej nana ko aer im ekajet jerōwiwi ko aer.

[11] Im Jeova ear ba ñan eō, “Kwōn jab jar kōn armej rein bwe ren jeramñōn.

[12] Meñe rej jitļok, I ban eoroñ akweļap ko aer, im meñe rej kōmman men in katok kijeek im jortak eban buñburuō kōn er. Ak I naaj man er kōn jāje im ñutta im nañinmej.”

[13] Innām I ar ba, “O Irooj Jeova, Lo, ro ri kanaan rej ba ñan er, ‘Kom ban lo jāje eo im eban waļok ñūta ñan kom, bwe I naaj lewōj aenōmman emool ilo jikin in.’”

[14] Im Jeova ear ba ñan eō, “Ri kanaan ro rej rūkaanij riab ilo Eta; I ar jab jilkinļok er, im I ar jab jiroñ er, im I ar jab kōnnaan ñan er. Rej rūkaanij ñan kom visōn ko re riab, im anijnij, im men waan, im mon jān būreir.”

[15] Kōn men in, āindein an Jeova ba kōn ri kanaan ro rej rūkaanij ilo Eta (ak Ña I ar jab jilkinlok er, ak lo, rej ba jāje im nūta re ban walok ilo āniņ), “Ri kanaan raņ re naaj jako kōn jāje im kōn nūta.”

[16] Im re naaj joļok armej ro, ro eņōj rūkaanij ñan er, ilo ial ko in Jerusalem kōn nūta eo im kōn jaje eo; im enaaj ejjeļok ñan kalbwin er, er im limaro pāleir, im ro nejeir ļaddik im ro nejeir leddik; im I naaj lutōklok aer nana ioer.

[17] Im kwōnaaj ba ñan er naan in, ‘Meja ren toņr lallok kōn dān in kōmjalar raan im boņ im ren jab jemlok; bwe virjin nejin armej ro doō e jorrān kōn juon jorrān eļap kōn an lukkuun naņinmej kōn juon kinej.

[18] Eļañņe ij diwōj ñan melaj, innām, lo, ro remej kōn jāje; im eļañņe ij deļoņ jikin kweiļok eo, innām, lo, naņinmej ko jān nūta eo; bwe ri kanaan kab pris rej etal lok ñan juon āne re jab jeļā kake.

[19] Kwar kanooj joļok Juda ke? Aņ ej jōjōik Zion ke? Etke Kwar kar maņ kōm, im joņan eo kōm ar jab maroņ mour? Kōm ar pukōt aenōmman ak ejjeļok emman ear walok, im kōm ar pukōt iien kemour ak lo, jerata.

[20] Kōm jeļā, Jeova, nana ko am im jerōwiwi ko an ro jemem, bwe kōm ar jerōwiwi ñae Eok.

[21] Kōn Etaņ Kwōn jab jōjōik kōm; kwōn jab kajekdoņ tūroon in aiboojoj eo Aņ; Kwōn kememej im jab rupe bujen eo Aņ ippem.

[22] E wor ke ian ekjap waan ko an ri aelōņ ko me re maroņ kōmman bwe en wut? Im laņ ko rej letok wōt mejiljil ke? E jab Kwe eo Jeova am Anij? Innām kōm naaj kōjatdikdik ilo Eok, bwe Kwe eo ear kōmman men kein otemjej.

JEREMAIA – JEPTA 15

[15.1] Im Jeova ear ba ñan eō, “Meņe Moses im Samuel raar jutak iņaō, Aō eban eļlok ñan armej rein. Kwōn jilkinlok er jān iņaan meja im ren etal.”

[2] Im eļañņe rej ba ñan eok, “Kōm naaj etal ñan ia?” innām kwō naaj ba ñan er, “Āindein an Jeova ba, ‘Ro rej etal ñan mej ñan mej, im ro ñan jāje ñan jāje, im ro ñan nūta ñan nūta im ro ñan jepokwe ñan jepokwe.’”

[3] “Im I naaj likūt ioir emān men,” Jeova ej ba, “Jāje eo bwe en maņ, im kidu ko bwe ren ipeļok, im bao in mejatoto im men in mour in laļ bwe ren kaņ im kōkkure er.

[4] Im I naaj kōmman bwe ren men in lōļņoņ ñan aelōņ ko otemjej an laļ in kōn men ko Menasa nejin Hezekaia kiņ in Juda ear kōmmani ilo Jerusalem.

[5] Bwe wōn enaaj tūriaņokake eok, O Jerusalem? Im wōn enaaj būromōj kōn eok? Im wōn enaaj jeor bwe en kajjitōk kōn aņ mour?

[6] Kwe eo kaar ilok jān Eō,” Jeova ej ba. “Kokijoņ oktaklik. Im Inaaj erlokwe peiō ñae eok im maņ eok; I mōk in tūriaņokake eok.”

[7] Im I naaj kejbilōklōk er kōn juon pitchfork ilo kōjām ko in āne eo; im I naaj kōmman bwe en jako nejeir, im Inaaj maņ armej ro doō bwe raar jab oktak jān ial ko aer.

[8] I naaj kōmman bwe kōrā ro ejako pāleer renaaj lōņlok jān bok in lojet; ke e raelip I naaj bōktok juon ri maņmaņ ñae jinen likao ro ; Inaaj kōmman bwe iruij im jorrān en buņ ioir ilo jidimkij.

[9] Kōrā eo ear keotak jiljilimjuon e mōjṅṅṅṅ; ejako kūtuon; a] eo an ear tuḷok ke ej raan wōt; ekar jook im āliklik, im Inaaj leḷok ro rej pād wōt ṅan jāje eo imaan ri kōjdāt ro aer,” Jeova ej ba.

[10] Wo ṅan ṅa, jinō, kōn aṃ kar keotak eō, juon armej in akwāāl im armej in jumae ṅan aolepen la]. Ijañin kaṃuri, im ejjeḷok ear ṃuri ippa, ak aolep rej kanaanaik eō.

[11] Jeova ear ba, “Ilo ṃool I naaj loṃṃoreṃ bwe en eṃṃan; ilo ṃool I naaj kōṃṃan bwe ri kōjdāt eo en kōṃṃan eṃṃan ṅan eok ilo iien jorrāan im ilo iien apañ.

[12] Māāl emaroñ ke bwiḷok māāl jān eañ ak jinibōrōrō?

[13] Aṃ kajoor im aṃ mweiuk I naaj leḷok bwe ren men in rakim, im ejjeḷok oṅean, kōn aolepen jerowiwī ko aṃ ilo aolep tōrerein ko aṃ.

[14] Im I naaj kōṃṃan bwe koṃwin karijer ri kōjdāt ro aṃ ṅan juon āne eo kwō jaje kake; bwe eṃṅj kejo juon kijeek ilo Aō illu im e bwil ṅae koṃ.

[15] “Kwe eo Kwō jeḷā, O Jeova, Kwōn kememej eō im Kwōn lotok eō, im Kwōn iden-oṅe kōn eō ion ro rej lukworkwor eō, im ilo Aṃ meanwōd Kwōn jab bōkḷok eō. Kwōn jeḷā bwe iar bōk kinaak kōn Kwe.

[16] Eṃṅj lo naan ko Aṃ im iar kañi, im naan ko Aṃ raar ṅan eō men in ṃōṅṅṅ im lañḷoñ an būruō, bwe eṃṅj ṅaeta kōn Etaṃ, O Jeova Anij in inelep.

[17] I ar jab jijet ilo jar an ro rej kajirere, imi ar jab lañḷōñ ippaer; kōn an Peōṃ pād ioō, iar jijet make iaō bwe Kwar kobrak eō kōn illu.

[18] Etke aō metak ej pād wōt, im kinej eo aō ejab mo im eabwin mour? ṃool ke Kwō naaj ṅan eō āinwōt juon reba e ṃon im dān ko re jab tiljek?”

[19] Kōn men in, āindein an Jeova ba, “Eḷaññe kwō naaj jeḷaak, innām I naaj kajepḷaak eok; kwō naaj jutak imāō; im eḷaññe kwō naaj kajenoḷok men eo ewor tokjān jān men eo ejjeḷok tokjān kwō naaj Aō ri kōnnaan. Er ren jeḷaak ṅan eok, ak kwe, kwōn jab jeḷaak ṅan er.

[20] Im Inaaj kōṃṃan bwe kwōn juon worwor e jinibōrōrō im pen ṅan armej rein, im re naaj tariṅaeik eok, ak re ban anjo ioṃ, bwe ṅa Ij ippaṃ bwe In loṃṃoreṃ im kōtḷok eok,” Jeova ej ba.

[21] “Im I naaj kōtḷok eok jān pein ro ri nana, im I naaj wiaik eok jān kajoor an ro re lāj.”

JEREMAIA – JEPTA 16

[16.1] Innām naan an Jeova ear itok ṅan eō im ba,

[2] “Kwōn jab bōk ṅan eok juon kōrā pāleōṃ, im en jab wor nejōṃ ḷaddik ak nejōṃ leddik ilo jikin iṅ.”

[3] Bwe āindein an Jeova ba kōn ḷadik ro im ledik ro raar ḷotak ilo jikin iṅ, im kōn jinier ro raar keotak er im kōn ro jemeir ro raar keotak er ilo jikin iṅ:

[4] “Re naaj mej jān nañinmej ko re nana, im ejjeḷok enaaj jañ kōn er, im ejjeḷok enaaj kalibwin er. Ak re naaj āinwōt kubwe ion mejen āne eo; im jaje eo im ṅutta re naaj koḷkure er, im ānbwinner re naaj ṅan kijen bao ko in mejatoto im men in mour ko an la].”

[5] Bwe āindein an Jeova ba, “Kwōn jab deḷoñ ilo ṃōn liaajḷo im kwōn jab etal in jañōt er im kwōn jab buromōj kōn er; bwe I ar bōk Aō aenōṃṃan, tiljek, im tūriaṃo jān armej rein,” Jeova ej ba.

[6] “Im ro re ḷap kab ro redik re naaj jimor mej ilo āniṅ; ejjeḷok enaaj kalibwin er, im ejjeḷok enaaj jañ kō er ak make bukwe ānbwinner ak make kapiḷō er kōn er.

[7] Im re ban ruje pilawe bwe ren kaenōmman ro reburomōj kōn ro re mej, im re ban lelōk kab in kaenōmman ñan jemeir im jineir.

[8] Im kwōn jab deļoñ ñan lowaan mōn kwōjkwōj eo ñan jijet ippeir im ñan mōññā im idaaκ.”

[9] Bwe āindein an Jeova in inelep, Anij in Israel ba, “Lo, imaan mejemi im ilo raan ko aṃi Inaaj kōmman bwe en jako ainikien lañlōñ im ainikien mōñōñō, ainikien Jeo pālele im ainikien lio pālele jān jikin iṃ.”

[10] Im ñe kwōj kwaļōk ñan armej rein aolepen naan kein, im rej ba ñan eok, ‘Etke Jeova ear kōnono nana iṃ eļap ṃae kōm? im ta am nana? im ta am jerōwiwi eo kōm ar jerōwiwi ṃae Jeova ad Anij?,’

[11] innām kwō naaj ba ñan er “Jeova ej ba, ‘kōn an ro jemami ilōk jān Eō im ļoor anij ro jet im jermal ñan er im kabuñ ñan er. Raar ilōk jān Eō, im raar jab eoroñ kien ko Aō.

[12] Im koṃ, koṃ ar kōmman nana eļap jān ro jemami; im lo, koṃij etetal kajojo iami ekkar ñan buruemi renana im penawiia bwe kwōn jab eoroñ Eō.’

[13] Im I naaj joļōk koṃ jān āne in ñan juon āne eo koṃ im ro jemami koṃ ar jab jeļā kake, im koṃ naaj jermal ijo ñan anij ro jet raan im boñ, im I ban tūriamokake koṃ.

[14] Kōn men iṃ, lo, raan ko rej itok, Jeova ej ba, im re ban bar ba, ‘Āinwōt Jeova ej mour Eo ear kadiwōj]ōk ro nejin Israel jān āne in Ijipt.’

[15] Ak ‘Āinwōt Jeova ej mour Eo ear kadiwōj]tok ro nejin Israel jān āne eo eañ im jān aolep āne ko E ar joļōk er ie,’ im I naaj kajepļaak er ñan āne eo aer eo I ar leļōk ñan ro jemaer.

[16] Lo, Inaaj kūrtoκ elōñ ri eñōd, Jeova ej ba, im re naaj eñōde er; im mōjin, I naaj kūrtoκ elōñ ri kakidudu, im re naaj kakidudu kōn er ion toļ otemjej im ion bat otemjej im ilo roñ in deκā ko.

[17] Kōnke Ij lo ial ko aer otemjej; re jab ṃojak jān Eō; im nana ko aer rejab ṃojak jān Meja.

[18] Mōkta I naaj na oṃean er alen ruo kōn nana ko aer im jerōwiwi ko aer kōn aer kar kattooñ āneo āneō; raar kobrak jolōt eo Aō kōn ekjab ko aer rejab mour im men in jōjōik ko aer.

[19] Jeova aō kajoor im aō me epen im aō jikin tilekek ilo raan in jorrāñ; aelōñ ko re naaj iwōj ñan Kwe jān jemļōkin laļ, im re naaj ba, ‘Mool, ro jemad raar jolōt ṃoṃ im men waan ko me ejjeļōk tokjāer.’

[20] Juon armej emaroñ kōmman anij ke? Ak re jab anij!

[21] Kōn men iṃ, lo, I naaj kōmman bwe ren jeļā ilo iien iṃ, I naaj kōmman bwe ren jeļā peiō im Aō kajoor; im re naaj jeļā bwe eta iṃ Jeova.

JEREMAIA – JEPTA 17

[17.1] Eṃōj je jerōwiwi ko an Juda kōn juon pen māāl eo baran etaimoṃ, im eṃōj je ilo bok in burueir im ion doon in lokatok ko aer,

[2] ke ajri ro nejeir rej kememej lokatok ko aer im Ashira ko aer iumwin wōjke ko re maroro im ion bat ko re utiej.

[3] Aō tol ilo melaj, aṃ kajoor, im aolep mweiuk ko aṃ I naaj leļōk men in rakim; kab aṃ jikin ko re utiej im aṃ jerōwiwi ilo tōrerein ko aṃ otemjej.

[4] Im kwō make kwōnaaj jako jān jolōt eo aṃ eo I ar lewōj, im I naaj kōmman bwe kwōn jermal ñan ri kōjdāt ro aṃ ilo juon āne eo kwō jaje kake, bwe koṃ ar tile juon kijeek ilo Aō illu im enaaj bwil ñan indeeo.

[5] Āindein an Jeova ba, “En lia eo ej lõke armej im ej likūt kanniøk kajoor eo an, im buruen ej jeorļok jån Jeova.

[6] Im enaaj āinwõt juon wõjke edik ilo āne jemaden im e ban lo ñe ewaļok jeraamman; im e naaj jokwe ilo āne jemaden e mōrā, ilo juon āne joļ ijo ejjelok ej jokwe ie.”

[7] Ak e jeraamman eo ej lõke Jeova, im Jeova enaaj an men in lõke.”

[8] Ak e naaj āinwõt juon wõjke emōj ekkat iturin dån ko, ej jilkinļok okraan iturin juon reba, im e ban mijak ñe ej waļok bwil, ak bõlōken e naaj maroro; im e ban inepata ilo iiõ in ñuta, im e ban jako an kwaļok leen.

[9] Bõro ejeļā moņ jån men otemjej, im ewor an nañinmej re ban kemoure; wõn emaroñ in meļeļe kōn e?

[10] Ña, Jeova, Ij kallimjek bõro im mällejoñ ļoļātāt; im Ij leļok ñan juon armej ekkar ñan ial ko an im ekkar ñan leen kōmman ko an.

[11] Āinwõt juon bao partrij ej ruprup lep ear jab kalik, āindein eo ej koorļok mweiuk ak jab ilo jimwe; ilo ioļapen raan ko an re naaj iļok jån e, im ilo jemļoken enaaj juon ri bwebwe.

[12] Jån jinoin, jikin kwōjarjar eo ad ej juon tūroon e utiej im aibojoj.

[13] O Jeova, Kōjatdikdik in Israel, ro otemjej rej iļok jån Eok re naaj jook; ro rej jeorļok jån Kwe, re naaj je etaer ilo bwidej, bwe raar iļok jån Jeova, unin dån ko re mour.

[14] Kwõn kemour eõ, O Jeova, im Inaaj mour; Kwõn lomõoren eõ, im enaaj mōj an lomõoren eõ; bwe Kwe aõ men in nōbar.

[15] Lo, rej ba ñan eõ, “Ewi naan in Jeova? En itok kiiõ!”

[16] Im ña, I ar jab mōkaj in iļok jån aõ jermal in seperd kōn Kwe, im I ar jab pukõt raan in liaajļo; Kwe, Kwõ jeļā bwe men eo ear waļok jån tiõ ear imaaam.

[17] Kwõn jab men in lõļõñ ñan eõ; Kwe aõ jikin tilekek ilo raan in jorrāan.

[18] Ro rej kaeñtaan eõ ren jook, ak ña in jab jook. Ren ļoļõñ, ak ña in jab lõļõñ. Kwõn bōktok ioer raan in jorrāan, im Kwõn kōkkure er ruo alen.

[19] Āindein an Jeova ba ñan eõ, “Kwõn etal im jutak ilo kōjām an armej ro, ijo kiñ ro in Juda rej deļoñ im diwōj ie, im ilo kōjām ko otemjej ilo Jerusalem.

[20] Im kwõn ba ñan er, ‘Kōmwin eoroñ naan ko an Jeova, koñ kiñ ro in Juda, im aolepen Juda, im aolep ro rej jokwe ilo Jerusalem ro rej deļoñ ilo kōjām kein.

[21] Āindein an Jeova ba, Kōmwin kōjparok koñ make, im koñwin jab ineen juon men eddo ilo raan in Jabõt, im jab kadeļoñ e ilo kōjām ko an Jerusalem.

[22] Im koñwin jab ineen ļok juon men eddo jån moko imwemi ilo raan in Jabõt, im koñwin jab kōmman jabdewõt jermal; ak koñwin kokwōjarjar raan in Jabõt āinwõt Iar jiroñ ro jemami.

[23] Ak raar jab pokake, im raar jab kajeortok ļojilñier; ak raar kakijñeñeik kōnwaer bwe ren jab eoroñ im jab bōk kauwe.

[24] Im enaaj āindein, eļañne koñ naaj lukkuun pokake Eõ,’ Jeova ej ba, ‘im koñij jab kadeļoñ jabdewõt men eddo ilo kōjām ko an jikinkwelok in ilo raan in Jabõt, im koñij kokwōjarjar raan in Jabõt bwe koñwin jab kōmman jabdewõt jermal ilo e,

[25] Innām kiñ ro im irooj ro, me rej jijet ioon tūroon eo an Devid, renaaj deļoñ ilo kōjām ko in jikinkwelok in. renaaj uwe ilo chariot ko aer im ioon kiria ko aer; er, im irooj ro aer, im armej in Juda im ro rej jokwe ilo Jerusalem; im jikinkwelok in enaaj pād ñan indeeo.

[26] Im renaaj itok jån jikinkwelok ko in Juda, im jån iturin Jerusalem, im jån ånen Benjamin, im jån åne ettå, im jån toł ko, im jån rōk. Im renaaj bōktok katok kijeek, im katok ko, im katok pilawå, im kajjurjur, im renaaj bōktok jurtak in kam̄oolol ñan mōn Jeova.

[27] Im ełañne kom̄ ban pokake Eō bwe kom̄win kokwōjarjar raan in Jabōt, kōn ami jab ineen jabdewōt men eddo ak kadełoñ e ilo kōjām ko an Jerusalem ilo raan in Jabōt, innām Inaaj kōjo juon kijeek ilo kōjām ko an, im enaaj kañ moko mōn irooj an Jerusalem im ejjelok enaaj kune.

JEREMAIA – JEPTA 18

[18.1] Naan eo ear itok ñan Jeremaia jån Jeova im ba,

[2] Kwōn jutak im wanlałok ñan mōn ri kōmman jāpe, im ijo Inaaj karoñjake eok naan ko Aō.

[3] Im I ar wanlałok ñan mōn ri kōmman jāpe, im lo ear kōmman jermal eo an ion dekå eo e doulul.

[4] Im jāpe eo kōmman jån kle ear jorråån ilo pein ri kōmman jāpe eo, innām ear kōmman jån e bar juon jāpe, bwe en kōmmane åinwōt emman ilo mejen.

[5] Im naan in Jeova ear itok ñan eō im ba,

[6] “I jab maroñ kōmman ñan kom̄, mōn Israel, åinwōt ri kōmman jāpe in ke,” Jeova ej ba? “Lo, åinwōt kle ilo pein ri kōmman jāpe, åindein kom̄ ilo peiō, mōn Israel.”

[7] Jabdewōt iien Ij kōnnaan kōn juon aelōñ ak kōn juon ånen kiñ, ñan kōteep ak ñan jolałok ak ñan kōkkure,

[8] Im ełañne aelōñ eo Iar kōnnaan ñae e ej oktak jån nana eo an, innām Inaaj oktak jån jorråån eo Iar ļōmņak in kōmmane ñan e.

[9] Ak jabdewōt iien ij kōnnaan kōn juon aelōñ ak kōn juon ånen kiñ, ñan kalōk e ak ñan kalbwin e,

[10] Im ej kōmman nana ilo meja bwe en jab eoroñ ainikiō, innām Inaaj oktak jån emman eo Iar ba Inaaj kar kōmmane ñan e.

[11] Innām kiiō, kwōn ba mōk ñan armej in Juda im ñae ro rej jokwe ilo Jerusalem im ba, “åindein an Jeova ba, ‘Lo Ij pepe jorråån ñae kom̄, im Ij ļōmņak juon ļōmņak ñae kom̄; kom̄win jouj im oktak, kajjo iami jån iał, eo an e nana, im kom̄win kōmanmanłok ial ko ami im kōmman ko ami.’”

[12] Ak rej ba, “Ej men pata; bwe kōm naaj ļoor ļōmņak ko amim, im kōm naaj kōmman, kajjojo iam, ekkar ñan būruen e nana im penawiia.”

[13] Kōn men in, åindein an Jeova ba, “Kom̄win kajjitōk mōk ippån ri aelōñ ko: Wōn ear roñ juon men åinwōt in? Virjin eo an Israel ej kōmman juon men ełap an nana.

[14] Sno jån dekå in mełaaaj eo an Lebanon enaaj jako ke? Ak dån ko re molo me rej toor jån ettołok renaaj mōrålōk ke?

[15] Ak armej ro doō rej mełokłok Eō; rej katok ñan men waan me rej katūbbok er ilo iał ko aer, iał ko in etto, ñan etal ilo juon iał edik, jab juon iał lelep.

[16] Ñan kōmman åne eo åneir men in jeepeplok, men in kajirere indeeo; jabdewōt eo ej ełłå jån e enaaj bwilōñ im enaaj jeboulul.

[17] Åinwōt juon kōto jån rear Inaaj kejeplōklōk er jån imaan ri kōjdāt eo; Inaaj kwałok ñan er likiō im jab meja ilo raan in aer jorråån.”

[18] Im raar ba, “Komwin itok im jen pepe ñae Jeremaia, bwe kien e ban jako jãn pris, ak pepe jãn ri mälötlöt, ak naan jãn rü kanaan. Komwin itok im jen man e kôn loed, im jen jab eļļok ñan jabdewöt ian naan ko an.”

[19] “Kwõn eltok ñan eo, O Jeova, im eoroñ ainikien ro rej akwããle eõ.

[20] Emman ke ukõt emman kôn nana? Bwe raar kôb juon roñ ñan aõ! Kwõn keememej bwe Iar jutak İmaam bwe in konnaan emman kôn er ñan kajeorļok Am illu jãn er.

[21] Kôn men in, Kwõn leļok ro nejeir ñan ñüta, im bwe ren mej kôn kajoor an jãje. Im limaro pãleir en ejjeļok nejeir im en jako ļõmaro pãleir. Ren man ñan mej emman ro aer; likao ro aer ren mej kôn jãje ilo tariᅇae.

[22] en waļok juon lamõj ilo moko imweir ñe Kwõj bõkļok ioer juon jar in tariᅇae ilo iien jidimkij; bwe raar kôb juon roñ bwe in po, im rar nooj aujiid ko ñan neiõ.

[23] Im kiiõ, Jeova, Kwõ jeļã aolep pepe ko aer ñae eõ bwe ren man eõ. Kwõn jab joļok nana ko aer, im Kwõn jab jeorļok jerõwiwi ko aer jãn imaan; ak ren tũbbok imaan. Kwõn kõmman men in ñan er ilo iien in Am illu.”

JEREMAIA – JEPTA 19

[19.1] Āindein an Jeova ba, “Kwõn etal im wiaik juon jãpe bwidej jãn juon ri kõmman jãpe; im kwõn bõk jet rutto an armej ro im rütto an pris ro.

[2] Innãm kwõn diwõj ļok ñan koᅇlaļ an Ben-Hinnom eo ej ikijjien kõjãm in jãpe ko; im kwõn kwaļok ijo naan ko Ij ba ñan eok.

[3] Im kwõn ba, ‘Komwin eoroñ naan in Jeova, kom kiñ ro in Juda im komeo komij jokwe ilo Jerusalem. Āindein an Jeova in inelep, Anij in Israel ba, ‘Lo, Inaaj bõktok jorrããn ñae jikin in, lojilñin jabdewöt eo ej roñjake renaaj tũññũļok kake.’

[4] Kõnke raar iļok jãn Eõ, im raar kowaan jikin in, im ilo e raar katok ñan anij ro jet, ro er im ro jemaer im kiñ ro in Juda raar jab jeļã, im raar kobarak jikin in kôn bõtõktõk ejjeļok ruõn.

[5] Im raar kalek jikin ko re utiej an Baal bwe ren tile ro nejeir kôn kijeek ãinwõt men in katok kijeek ñan Baal: men in Iar jab jiroñ, im Iar jab ba, im ear jab itok ilo bũruõ.

[6] Kõn men in, lo, raan ko rej itok,” Jeova ej ba, “im re ban ña etan jikin in Topet ak koᅇlaļ an Ben-Hinnom, ak renaaj ña etan koᅇlaļ in manman.

[7] Im Inaaj kowaan pepe eo an Juda im Jerusalem ilo jikin in, im Inaaj kõmman bwe ren buñ kôn jãje imaan ri kõjdãt ro aer im kôn pein ro rej pukõt mour ko aer; im Inaaj leļok ãnbwinneir bwe ren kijen bao in mejatoto im men in mour an ãne.

[8] Im Inaaj likût jikinkwelok in bwe en men in jorrããn im kajirere; jabdewöt eo ej eļļã jãn e enaaj eppal im bwilõñ kôn aolep jorrããn ko an.

[9] Im Inaaj kõmman bwe ren kañ kanniõken ro nejeir mman im kanniõken ro nejeir kõrã; im jabdewöt enaaj kañ kanniõken ro mõttan ilo nitbwil eo im jorrããn eo ri kõjdãt ro aer im ro rej pukõt aer mour rej kejorrããn er kake.

[10] Innãm kwõn rupe jãpe eo imaan mejen armej ro rej etal ippam.

[11] Im kwõn ba ñan er, Āindein an Jeova in inelep ba, Ilo wãween in Inaaj rupe armej rein im jikinkwelok in ãinwõt emõj rupe jãpe eo jãn ri kõmman jãpe eo im raar jab maroñ in karpen e. Im renaaj kallib ilo Topet mae iien ejjeļok jikin ñan kallib.

[12] Āindein Aō naaj kōmman ñan jikin in,” Jeova ej ba, “im ñan ro rej jokwe ilo e; im Inaaj kōmman jikinkwelok in āinwōt Topet.

[13] Im moko ilo Jerusalem im moko mōn kiñ ro in Juda renaaj ettoon āinwōt Topet, kōn aer kar katok ñan aolep jar in lañ ioon aolep bōrwaj in moko im lutōk katok idaaak ñan anij ro jet.

[14] Im Jeremaia ear itok jān Topet ijo Jeova ear jilkinlok e ñan ie bwe en rūkaanij, im ear jutak ilo oror eo an mōn Jeova im ear ba ñan aolep armej,

[15] “Āindein an Jeova in inelep eo, Anij in Israel ba, ‘Lo, Inaaj bōktok ioon jikinkwelok in im ion aolep jikin ko an, aolep nana eo Iar kōnono ñae er, kōnke raar kapen kenwaer bwe ren jab eproñ naan ko Aō.’”

JEREMAIA – JEPTA 20

[20.1] Im Pashur, nejin Imer rū kanaan eo im eo ej irooj e utiej ilo mōn Jeova, ear roñ bwe Jeremaia ear rūkaanij men kein.

[2] Im Pashur ear jiroñ bwe Jeremaia ri kanaan eo en deñdeñ, im ear likūt e ilo aļaj eo ear pād ilo kōjām eo e utiej in Benjamin eo ilo mōn Jeova.

[3] Im lak ilju, Pashur ear kōtlok Jeremaia jān aļaj eo; im Jeremaia ear ba ñan e, “Jeova e jab likūt etam Pashur, ak enaaj Major Misabib.

[4] Bwe āindein an Jeova ba, ‘Lo inaaj kōmman bwe kwōn men in kalōļñoñ ñan kwe make im ñan ro mōttam, im renaaj buñ kōn jāje an ri kōjdāt ro aer, im mejōm renaaj loe. Inaaj lelok aolepen Juda ña ilo pein kiñ in Babilon, im enaaj bōk er ri jipokwe ñan Babilon, im enaaj man er kōn jāje.

[5] Im Inaaj lelok aolep mweiuk an jikinkwelok in im aolepen tokjān jermal eo an im aolepen men in aorok ko an, im aolepen mweiuk ko an kiñ ro in Juda Inaaj lelok ña ilo peen ri kōjdāt ro aer; im renaaj rakimi, im renaaj bōki, im renaaj bōklok ñan Babilōn.

[6] Im kwe, Pashur, im ro otemjej rej jokwe ilo mweo imōm, kom naaj etal ñan jebokwe; im kwō naaj deļoñ ilo Babilon im ijo kwō naaj mej im ijo re naaj kalbwīn eok, kwe im ro mōttam otemjej ro kwar rikaniñ ñan er kōn riab.

[7] O Jeova, Kwar kareel eō, im iar reel. Kwar kajoor jān eō im Kwar anjo; Ij men in tōnkake aolep raan; aolep rej kajirere kake eō.

[8] Bwe ke ij kōnnaan, ij lamōj im ba, ‘kowadoñ im kōkkure;’ bwe naan in Jeova e ar ñan eō āinwōt men in bōktok kajirere im tōnkake raan otemjej.

[9] Innām I ar ba, ‘I ban kememej E, im I ban bar kōnnaan ilo Etan.’ Bōtab, e ar ilo buruō āinwōt juon kijeek e urur e kilok ilo di ko diō; im I ar mōk in dāpji, im I ar bane.

[10] Bwe I ar roñ an elōñ wūnojidikdik im ba, “Lōļñoñ ipelaakin -- kinaaklok e! Aet, jen kinaaklok e!” Armej otemjej ro mōtta raar kōjjaad bwe ren lo aō buñ; “bōlen juon e naaj moñ e, im je naaj anjo ion im bōk iden-oñe ion.”

[11] Ak Jeova ej ipa āinwōt juon Eo eļap im kajoor, kōn men in ro rej kamatōrtōr eō re naaj tipñōl im re ban anjo; re naaj lukkuun jook bwe ear jab tōprak pepe ko aer; re ban meļoklok aer jook ñan indeeo.

[12] O Jeova in inelep, Eo ej mallejoñ rū wānōk im lo ļōmñak ko im bōro, in lo Am iden-oñe ioer kōnke I ar kwaļok aō inepata ñan Kwe.

[13] Komwin al ñan Jeova; komwin nõbar Jeova; bwe E ar lõmooren mour an eo e jerañõl jån pein ri nana.

[14] En lia raan eo I ar lõtak; en jab jeraamman raan eo jinõ e ar keotak eõ.

[15] En lia armej eo e ar kõnnaanõk jema im ba, ‘E lõtak juon nejõm mman,’ im ear kõmman bwe en kanooj lañlõñ.

[16] Im armej eo en ãinwõt jikinkwelok ko Jeova e ar kòkkure im E ar jab tũriamokake; im en roñ lamõj in jibboñ im iruij ñe e raelep.

[17] Bwe E ar jab man eõ ilo lojien, bwe jinõ en aõ lõb im lojien en kilep aolep iien.

[18] Etke iar diwõj jån loje ñan lo eñtaan im bũromõj, im bwe raan ko aõ ren jemlok ilo jook?

JEREMAIA – JEPTA 21

[21.1] Naan eo e ar itok ñan Jeremaia jån Jeova, ke Kiñ Zedekaia e ar jilkinlok Pashur nejin Malkija, im Zepanaia nejin Mañasea, pris eo, ñan e im ba,

[2] “Jouj im kajjitok ippån Jeova kõn kõm bwe Nebukadnezar Kiñ in Babilõn ej tariñaek kõm. Bõlen Jeova e naaj kõmman ñan kõj ekkar ñan aolep men in kabwilõñlõñ ko An, bwe en ilok jån kõm.”

[3] Im Jeremaia e ar ba ñan er, “Ãindein ami naaj ba ñan Zedekaia,

[4] Ãindein an Jeova Anij in Israel ba, ‘Lo, I naaj karõl kein tariñaek ko rej pãd ilo peõmi, ko komij tariñaek kake ñae Kiñ in Babilõn im Kaldia, ro rej nitbwile kom nabõjen wodwod eo; im I naaj kokweloktok er ñan tu-iołapen jikin kweilok in.

[5] Im Ña, I naaj make tariñaek kom kõn pa erlokwe im kõn pa ekajoor; im ilo kwi, illu ebwil, im illu elap.

[6] Im I naaj man ro rej jokwe ilo jikinkwelok in, armej im men in mour jimor, im re naaj mej kõn juon nañinmej elap.

[7] Im ãlikin men in, Jeova ej ba, ‘I naaj lelok Zedekaia kiñ in Juda, im ro ri karijeran, im armej ro, im ro rej pãd wõt ilo jikin kweilok in, ro raar jab mej kõn nañinmej im jãje im ñũta, ñan ilo pein Nebukadnezar Kiñ in Babilõn, im ilo pein ri kõjdãt ro aer, im ilo pein ro rej pukõt aer mour. Im e naaj man er kõn mejen jãje; e ban tũriamokake er ak bũromõj kõn er ak kõtlok er.’”

[8] Im ñan armej rein kwõ naaj ba, “Ãindein an Jeova ba, ‘Lo, Ij likõt imãami ial in mour im ial in mej.

[9] Eo ej jokwe ilo jikinkwelok in e naaj mej kõn jãje, ak ñũta, ak nañinmej. Ak eo ej diwõjlok im etal ñan ro ri Kaldia, ro rej nitbwile kom, e naaj mour im jab mej.

[10] Bwe Ij pepe in kõmman nana ñae jikinkwelok in im jab emman,’ Jeova ej ba; ‘naaj lelok e ilo pein Kiñ in Babilõn, im e naaj tile kõn kijeek.’

[11] Innãm ba ñan mõn kiñ in Juda, ‘Komwin eoroñ naan an Jeova:

[12] O mõn David, ãindein an Jeova ba, ‘Komwin ekajet jimwe jibboñ otemjej, im komwin lõmooren eo emõj kowadoñe jån pein ri kejorrãan eo; ñe ab Aõ illu e bwil en wałok ãinwõt juon kijeek, im en bwil, im ejjelok en maroñ in kune, kõn an nana kõmman ko ami.’

[13] Jeova ej ba, ‘Lo, Ij ñae eok, kweo kwõj jokwe ilo komlał eo, ilo mełaał eo e dekãke, eo ej ba, ‘Wõn e naaj wanlałtok ñae kõm? Wõn e naaj dełoñ ilo jikin ko ad?’”

[14] Im I naaj kajeik kom ekkar ñan leen kõmman ko ami’ Jeova ej ba, ‘Im I naaj kejo juon kijeek ilo bukwõn wõjke eo an, im e naaj kañ aolep men ipelaakin.’

JEREMAIA – JEPTA 22

[22.1] Āindein an Jeova ba, “Kwōn wanlajlok ñan mōn Kiñ in Juda, im kwōn kwaļok naan in ijo.

[2] Im kwōn ba, ‘Kwōn eoroñ naan in Jeova, Kiñ in Juda, eo ej jijet ion tūroon an Devid, kwe im ro ri karijeram im ro doom ro rej deļoñ ilo kōjām kein.

[3] Āindein an Jeova ba, ‘Komwin kōmman jimwe im wānōk im lomōoren eo emōj kowadoñe jān pein ri ke جوررāān eo. Kab, komwin jab kōkkure ak ke جوررāān ruwamāejet ak atajinemjen ak kōrā eo e jako pāleen, im komwin jab katōorļok bōtōktōk ejjeļok ruōn ilo jikin in.

[4] Bwe eļañne kom naaj kōmman men in ilo mool, innām re naaj deļoñ ilo kōjām ko an mwiin, kiñ ro rej jijet ion tūroon an Devid, ro rej uwe ilo jariat ko im ion kiria ko, er im ro ri karijeraer im ro doer.

[5] Im eļañne komij jab eoroñ naan kein, Ij kanejnej kōn Ņa make,’ Jeova ej ba, ‘mwiin enaaj āinwōt juon jikin e jeepeļok.’

[6] Bwe āindein an Jeova ba kōn mōn kiñ in Juda, ‘Kwōj āinwōt Giliad ñan Eō, baran Lebanon; ak ilo mool I naaj kōmman bwe kwōn āinwōt juon āne jemaden im jikinkwelok ko ejjeļok ej jokwe ie.

[7] Im I naaj kajutak ri manman ñae eok, kajjojo kōn kein tariñae eo an, im re naaj jeki aik ko am remmantata im re naaj julok i ilo kijeek.’”

[8] Im elōn aelōñ re naaj ellā jān jikinkwelok in, im jabdewōt armej e naaj ba ñan ri turin, ‘Etke Jeova e ar kōmman āindein ñan jikinkwelok in eļap?’

[9] Im re naaj ba, ‘Kōnke raar iļok jān bujen Jeova aer Anij, im raar kabuñ ñan anij ro jet im jermal ñan er.

[10] Komwin jab jañ kōn eo e mej im jab būromōj kōn e; ak komwin lukkuun jañ kōn eo ej etal, bwe e ban roļtok im lo āne in an ļotak.

[11] Bwe āindein an Jeova ba kōn Shallum, nejin Josaia Kiñ in Juda, eo e ar irooj ilo jikin Josaia jeman, im eo e ar etal ļok jān jikin in, ‘E jāmin roļtok.

[12] Bwe ilo jikin eo raar kajepokweik e ie, ijo e naaj mej; im e ban bar lo āne in.’

[13] Wo ñan eo ej kalek mweo imōn kōn jab wānōk, im rum ko an ilañ kōn jab jimwe; ej kajermal ri turin im jab leļok oñeāen, im e jab leļok ñan e kōn jermal eo an.

[14] Ej ba, ‘I naaj kalek ñan eō juon em kilep im rum ko ilañ reļap;’ im e naaj kōmman windo ko ilo e im kalibubuki kōn aik im unoki bōrōrō.

[15] Kwō naaj juon kiñ kōn am kōmman bwe en lōñ am aik ke? Jemañ e ar jab mōñā im idaak im kōmman jimwe im wānōk innām e ar emman ippān ke?

[16] E ar jojomar akweļap eo an eo e jerañōl im eo e aikuj, innām e ar emman ippān. E jab men in jeļā Eō ke?’ Jeova ej ba.

[17] Bōtab, mejōm im buruōm re kōñaan wōt koorļok mweiuk ilo jab wānōk, im katōorļok bōtōktōk ejjeļok ruōn im matōrtōr im kowadoñ.

[18] Kōn men in, āindein an Jeova ba kōn Jehoiakim, nejin Josaia, Kiñ in Juda, ‘Re ban jañūti im ba “O ļeo jeiō” ak “O ļio jeiō.” Re ban jañūti, “O irooj,” ak “O an aiboojoj.”

[19] Re naaj kalbwin e kōn kallib an juon ass; re naaj iperļok e im joļok e nabōjin kōjām ko in Jerusalem.’

[20] Kwōn etal ñan Lebanon im kwōn lamōj, im kwōn kwaļok ainikiōm ilo Bashan; im kwōn lamōj jān Arabim bwe emōj kejjorrāan aolep ro mōttam.

[21] I ar kōnnaan ñan eok ke kwar jeraamman, ak kwar ba, “I ban roñjake.” Āindein kar mantōm jān iien am dik, bwe kwar jab eoroñ ainikiō.

[22] Kōto eo e naaj ukwiļok aolep seperd ro am, im ro mōttam re naaj etal ñan jipokwe; innām ilo mool kwō naaj jook im pelok kōn aolepen am nana.

[23] Kwe eo kwōj jokwe ilo Lebanon, im emōj am kōmmane el eo am ilo wōjke aik ko; enañin ļap am naaj ñūrñūr ñe kwō jino in metak āinwōt eñtaan an juon kōrā eo ej keotak.

[24] “Āinwōt Ij mour,” Jeova ej ba, “eļañne kwe, Konaia nejin Jehoiakim, Kiñ in Juda, kwar juon kein sil ion peiō anmoon, I naaj kar tumi eok jān jāne wōt.

[25] I naaj lelok eok ñan ilo pein ro rej pukōt am mour, im ilo pein ro im mejeir kwōj mijak, im ilo pein Nebukadnezar Kiñ in Babilon, im ilo pein ro ri Kaldia.”

[26] Im I naaj joļok kwe im jinōm eo e ar keotak eok ñan bar juon āne eo kom ar jab ļotak ie, im ijo kom naaj mej.

[27] Im ñan āne eo re kōñaan jepļak ñan ie, re ban jepļak ñan ie.

[28] Armej in, Konaia, ej juon jāpe emōj rupe im armej rej dike ke? Ej juon jāpe me armej re jab mōñōñō kake ke? Etke emōj joļok e im ineen im emōj jilkinļok er ñan juon āne re jab jeļā kake?

[29] O āne, āne, āne, kwōn roñ naan in Jeova:

[30] Āindein an Jeova ba, “Komwin je armej in āinwōt juon eo e war, juon armej eo e ban jeraamman ilo raan ko an, bwe ejjeļok ian ro ineen e naaj jeraamman im naaj jijet ion tūroon eo an David im naaj irooj wōt ion Juda.”

JEREMAIA – JEPTA 23

[23.1] “Wo ñan seperd ro rej man im kajeplōklōk sip an meļan eo Aō!” Jeova ej ba.

[2] Kōn men in, āindein an Jeova, Anij in Israel, ba ñae seperd ro rej seperd armej ro doō, “Kom make, kom ar kajeplōklōk sip ko Aō im juļok er, im kom ar jab lale er; lo, I naaj kajeik kom kōn nana an kōmman ko ami,” Jeova ej ba.

[3] “Im Ña I naaj ainitok mōttan sip ko Aō rej pād wōt jān aolep āne ko emōj Aō juļoki er ñan ie; im I naaj ka roļ er ñan oror eo, im re naaj timon im orļok.

[4] Im I naaj kajutak ior seperd ro, im re naaj naajdik er. Innām re ban bar mijak, im re ban lōļñōñ, im re ban aikuļ,” Jeova ej ba.

[5] “Lo, raan ko rej itok,” Jeova ej ba, “ñe I naaj kajutak ñan Devid juon Ra e kwōjarjar; im Kiñ eo e naaj irooj im e naaj mālōtlōt, im e naaj kōmman jimwe im wānōk ilo āne eo.

[6] Ilo raan ko An naaj ļomōoren Juda, im Israel e naaj jokwe ilo ejjeļok uwōta; im eñin āt eo re ñaetan, ‘Jeova, Wānōk eo ad.’”

[7] Kōn men in, “Lo, raan ko rej itok,” Jeova ej ba, “im re ban bar ba, ‘Jeova ej mour, Eo E ar bōklōñļok ro nejin Israel jān āne in Ijpt.’

[8] Bōtab, renaaj ba, ‘Jeova ej mour, Eo ear bōklōñļok im Eo e ar tōl ineen ro nejin Israel jān āne eo eañ im jān aolep āne ko I ar joļok er ñan ie; im re naaj jokwe ilo āneir.’”

[9] Ñan ri kanaan ro: E rup būruō; aolep di ko diō re wūdidid; ij āinwōt juon armej e kadek im āinwōt juon emman e obrak kōn wain, kōn Jeova im kōn naan ko An re kwōjarjar.

[10] Āne eo e obrak kōn ro rej ļōñ, bwe āne eo e jorrāān kōn lia eo; e mōrā ļok meļan ko an āne jemaden; im ial ko aer re nana, im aer kajoor e jab jimwe.

[11] “Bwe ri kanaan im pris rej jimor ettoon; kab I ar lo aer nana ilowan mweo imō,” Jeova ej ba.

[12] “Kōn men in, ial eo aer e naaj ñan er āinwōt jikin ijir ilo marok; im naaj iuun er, im re naaj buñ ilo e; bwe I naaj bōktok nana ioer ilo iiō in aer kaje,” Jeova ej ba.

[13] “I ar lo bwebwe ilo ri kanaan ro an Sameria; raar rūkaanij kōn Baal, im raar kejobwābweik armej ro doō Israel.

[14] Im I ar lo juon nana eļap ippān ri kanaan ro an Jerusalem: rej ļōñ im rej ļoor riab ko, im rej kakajoor pein ro re nana bwe ejjeļok en roļ jān nana eo an. Aolepeir re naaj ñan Eō āinwōt Sodom, im ro rej jokwe ilo e āinwōt Gomora.”

[15] Kōn men in, āindein an Jeova in inelep ba kōn ri kanaan ro, “Lo, I naaj naajdik er kōn wormwud im I naaj kaidaak er kōn dān e meo; bwe ettoon e ar waļok jān ri kanaan ro an Jerusalem ñan aolepen āne eo.”

[16] Āindein an Jeova in inelep ba, “Komwin jab roñjake ñan naan ko an ri kanaan ro rej rūkaanij ñan kom; rej kōmman bwe komwin kōjatdikdik waan; rej kwaļok vision ko jān būreir im jab jān loñin Jeova.”

[17] Rej ba wōt ñan ro rej kajekdoon Eō, ‘Jeova ej ba enaaj wor aenōmman ippemi;’ im ñan jabdewōt eo ej etal ilo an pen būruen rej ba, ‘Ejjeļok jorrāān e naaj waļok ñan kom.’

[18] Bwe wōn e ar jutak ilo kweļok eo an Jeova, im e ar lo im roñ An in Naan? Wōn e ar eoroñ An in Naan im pokake?

[19] Lo, juon aire ej waļok jān Jeova ilo An illu, im juon aire ej makūtūt; ej buñ ion bōran ro re nana.

[20] Illu an Jeova e ban jeor mae iien Ej kōmman im kajejjet kōttōpar ko an būruen; ilo raan ko āliktata kom naaj lukkuun kōlmānļokjeñ kōn men in.

[21] I ar jab jilkinļok ri kanaan rein, ak raar ettōr; I ar jab kōnnaan ñan er, ak raar rūkaanij.

[22] Im eļañne raar jutak ilo Aō pepe, innām re naaj kar kōmman bwe armej ro doō ren eoroñ naan ko Aō, im re naaj kar kajepļaak er jān ial eo aer e nana im jān nana in kōmman ko aer.

[23] Ņa juon Anij epaak ke,” Jeova ej ba, “im jab juon Anij ettoļok?

[24] Eļañne juon armej ej kūtilliek ilo jikin kūtilliek ko, I ban lo e ke?” Jeova ej ba. “I jab kobrak lañ im laļ ke?” Jeova ej ba.

[25] “I ar roñ men eo ri kanaan ro rej ba, ro rej rūkaanij riab ilo Eta im ba, ‘I ar tōņak, I ar tōņak!’

[26] Ewi toñ? Ewor ke jabdewōt ilo būruen ro ri kanaan ro rej rūkaanij riab ro rej rū kaanij ilo moņ eo an būreir?

[27] Ro rej kōttōbalbal bwe ren kōmman bwe armej ro doō ren meļoļok Eta kōn tōņak ko aer, ko jabdewōt ej kwaļok ñan ro mōttan, āinwōt ro jemeir rar meļokļok Eta kōn Baal?

[28] Ri kanaan eo ewor an tōņak, en kwaļok tōņak eo; ak eo ewor Aō naan ippān, en kwaļok naan eo ilo mool. Ewi kōtaan kān e mōrā im grain* eo?” Jeova ej ba.

[29] “Aō in naan e jab āinwōt kijeek ke?” Jeova ej ba. “Im āinwōt juon ama eo ej kapedakilkil juon dekā?”

[30] “Kōn men in, Lo, Ij ñae ri kanaan ro,” Jeova ej ba, “ro rej koņot naan ko Aō jān ri turin.

[31] Lo, Ij ñae ri kanaan ro,” Jeova ej ba, “ro rej kajerbal loer, im rej ba, ‘Ej ba.’

[32] Lo, Ij ñae ro rej rūkaanij tōṅak ko re riab,” Jeova ej ba, “im rej kwaḷok i im rej kejabwābweik armej ro doō kōn riab ko aer im kōn men waan ko aer; im Ña I ar jab jilkinḷok er, im I ar jab jiroñ er im re jab jipañ armej rein ñan jiddik,” Jeova ej ba.

[33] Im ñe armej rein ak juon ri kanaan ak pris ej kajjitōk ippaṃ im ba, ‘Ta lomijen Jeova?’ innām kwō naaj ba ñan er ‘Ewi lomijen eo?’ ak I naaj iḷok jān koṃ,” Jeova ej ba.

[34] Im ri kanaan eo, ak pris eo, ak armej eo ej ba, ‘Lomijen Jeova,’ I naaj kajeik armej eo im mweo imōn.

[35] Āindein koṃ naaj ba, kajjojo ñan ri turin im kajjojo ñan jimjein jemjāten, ‘Ta eo Jeova ej uwaak? ak, ‘Ta eo Jeova ej ba?’

[36] Im koṃ ban bar kōnono kōn lomijen Jeova; bwe lomijen kajjojo armej ej naan eo an, im koṃ ar ukōt naan ko an Anij e mour, Jeova in inelep, Anij eo ad.

[37] Āindein aṃ naaj ba ñan ri kanaan eo: ‘Ta eo Jeova e ar uwaake eok?’ im ‘Ta eo Jeova e ar ba?’

[38] Ak eḷañne koṃij ba, ‘Lomijen Jeova;’ innām āindein an Jeova ba, ‘Kōn ami ba naan in, ‘lomijen Jeova,’ (meñe I ar jilkinwōj ñan kom im ba, ‘Komwin jab ba, ‘Lomijen Jeova,’)

[39] Kōn men in, Lo, Ña I naaj meḷokḷok koṃ; im I naaj iḷok jān koṃ im jikinkwelok in, eo I ar leḷok ñan koṃ im ñan ro jemami iṃaan meja.

[40] Im I naaj lewōj ñan koṃ kajjirere indeeo, im jook indeeo, eo re ban meḷokḷok e.”

JEREMAIA – JEPTA 24

[24.1] Ālikin an Nebukadnezzar Kiñ in Babilōn kajjipokweik Jekonaia nejin Jehoiakim, Kiñ in Juda, im irooj ro in Juda, im ro ri jerbale aḷaḷ, im ro ri jerbale māāl jān Jerusalem, im e ar bōkḷok er ñan Babilōn, Jeova e ar kwaḷok ñan eō, im lo, ruo iep in fig eṃōj likūti iṃaan tempel an Jeova.

[2] E kanooj eṃṃan fig ko ilo juon iep, āinwōt fig ko in jomōkaj; ak fig ko ilo iep eo juon raar lukkuun nana; joñan aer nana re jab maroñ kañ i.

[3] Im Jeova e ar ba ñan eō, “Ta ñe kwōj loe, Jeremaia?” Im I ar ba, “Elōñ fig. Fig ko reṃṃan eḷap aer eṃṃan, ak fig ko re nana eḷap aer nana, im joñan aer nana re jab maroñ kañ i.”

[4] Im Naan in Jeova ear itok ñan eō im ba,

[5] Āindein an Jeova Anij in Israel ba, “Āinwōt fig kein reṃṃan, āindein Aō naaj watōk eṃṃan ro ri jipokwe an Juda ro I ar jilkinḷok er jān jikin in ñan āne in Kaldia.

[6] Im I naaj likūt meja ioer ñan eṃṃan, im I naaj kejeḷaak er ñan ānin; im I naaj kalek er im I ban jolaḷḷok er, im I naaj ekkat er, im I ban tūṃ er.

[7] Im Inaaj leḷok ñan er juon bōro ñan jeḷā Eō, bwe Ña Jeova, im re naaj armej ro doō, in Ña I naaj Anij eo aer, bwe re naaj jeḷaak ñan Eō kōn aolepen būrueir.

[8] Im kōn fig ko ro nana im joñan aer nana re jab maroñ kañ i, āindein an Jeova ba, ‘Āindein Aō naaj kōṃṃan ñan Zedekaia Kiñ in Juda, im irooj ro an, im mōttan eo pād ilo Jerusalem, ro rej pād wōt ilo ānin, im ro rej jokwe ilo āne in Ijipt,

[9] Im I naaj kōṃṃan er bwe ren men in lōññōñ e nana ñan aelōñ otemjej an laḷ, im men in kajjirere, im juon jabōn kōnnaan, im naan in jekdoṃn, men in lia ilo aolep jikin ko ijo I ar joḷok er ie.

[10] Im I naaj jilkinḷok jāje im ñūta im nañinmej ñae er ṃae iien eṃōj kamaatḷok er jān āne eo I ar leḷok ñan er im ro jemaer.

JEREMAIA – JEPTA 25

[25.1] Naan eo e ar waļok ñan Jeremaia kōn armej otemjej an Juda ilo iiō eo kein ka emān an Jehoiakim nejin Josaia Kiñ in Juda; eñin iiō eo kein ka juon an Nebukadnezzar Kiñ in Babilon.

[2] Eo Jeremaia ri kanaan eo e ar kōnnaan kōn armej otemjej an Juda im ñan ro otemjej raar jokwe ilo Jerusalem im ba,

[3] Jān iiō eo kein ka joñoul jilu an Josaia nejin Amon Kiñ in Juda im ñan rainin, iuṃwin iiō kein roñoul jilu, naan an Jeova e ar itok ñan eō; im I ar ṃōkaj in jerkak im kwaļok ñan koṃ, ak koṃ ar jab eoroñ.

[4] Im Jeova e ar jilkinwōj ri karijeran otemjej ñan kom, ri kanaan ro, ke e makijkij An jilkinwōj, ak koṃ ar jab eoroñ ak kajeorļok lojilñemi ñan roñjake.

[5] Im E ar ba, ‘Koṃwin oktak kiiō, kajjojo iami, jān ial ko an re nana im jān nana an kōṃṃan ko ami, im koṃ naaj jokwe ilo āneo Jeova e ar lewōj im ñan ro jemami jān indeeo ñan indeeo.

[6] Im koṃwin jab ļoor anij ro jet bwe koṃwin jermal ñan er im kabuñ ñan er, im koṃwin jab kaillu Eō kōn jermal ko an peiōmi, innām I ban koṃkure kom.

[7] Ak koṃ ar jab eoroñ Eō,’ Jeova ej ba; ‘im koṃ ar kaillu Eō kōn jermal ko an peiōmi ñan ami jorrāān.

[8] Kōn men in, āindein an Jeova in inelep ba, ‘Kōn ami kar jab eoroñ naan ko Aō,

[9] lo, I naaj āñiñintok aolep bwij ko jān eañ,’ Jeova ej ba, ‘im Nebukadnezzar Kiñ in Babilōn, ri karijer eo Aō; im I naaj bōktok er ṃae āne in, im ñan ro rej jokwe ie, im ṃae aelōñ kein otemjej iturin; im I naaj kajeepelok er im I naaj kōṃṃan bwe ren men in lōļñoñ, im men in bwilōñ, im jorrāān ñan indeeo.

[10] Im I naaj kōṃṃan bwe en jako jān er ainikien lañlōñ im ṃōṃṃō, ainikien ļeo pālele im lio pālele; ainikien kein irir im meram an lamp;

[11] Im aolepen āne in e naaj jorrāān in men in jōjōik, im aelōñ kein re naaj jermal ñan Kiñ in Babilōñ iuṃwin 70 iiō.

[12] Im ñe e jemļok 70 iiō kan, I naaj kajeik Kiñ in Babilōn im aelōñ en,’ Jeova ej ba, ‘im ānen Kaldia kōn nana ko aer, im I naaj kōṃṃan bwe en men in jeepeļok indeeo.

[13] Im I naaj bōk ṃae ānen naan ko Aō otemjej ko I ar kōnono ṃae e, aolep men ko eṃōj jeje ilo bōk in, ko Jeremaia e ar rūkaanij ṃae aelōñ ko otemjej.

[14] Bwe er, re naaj jermal ñan elōñ aelōñ im kiñ ro re ļap barāinwōt; im I naaj ṃa oṃār kōn kōṃṃan ko aer im kōn jermal ko an peir.

[15] Bwe āindein an Jeova Anij in Israel ba ñan eō, ‘Kwōn bōk kab in wain in illu in jān Peiō, im kwōn kaidaak aelōñ ko otemjej me Ij jilkinwōj eok ñan er.

[16] Im re naaj ilimi, im re naaj wūdidid im wūdeakeak imaan mejen jāje eo Ij jilkinļok ibwiljeir.’

[17] Innām I ar bōk kab eo jān pein Jeova, im I ar kaidaak aolep aelōñ ko me Jeova e ar jilkinļok eō ñan er:

[18] Jerusalem, im jikinkwelok ko in Juda, im kiñ ro an, im irooj ro an; ñan kōṃṃan bwe ren men in jeepeļok, men in lōļñoñ, men in jōjōik, im men in lia āinwōt ej rainin;

[19] Pero Kiñ in Ijpt im ro ri karijeran im irooj ro an im aolep armej ro an;

[20] Im aolep ruwamāejet, im kiñ ro otemjej ilo āne in Uz, im kiñ ro otemjej ilo āne in Pilistia, (Ashkelon im Azza, im Ekron, im ro rej pād wōt ilo Ashdod),

[21] Idom im Moab im ro nejin Ammon,

[22] Im kiñ ro otemjej an Tair im kiñ ro otemjej an Sidon, im kiñ ro an āne ko i lōmeto jab uweo,

[23] Im Dedan im Tima im Buz im ro otemjej rej m̄wijbare tōrerein bōraer,

[24] Im kiñ ro otemjej an Arebia, im kiñ ro otemjej an ruwamāejet ro rej jokwe ilo āne jemaden,

[25] Im kiñ ro otemjej an ro ri Zimri im kiñ ro otemjej an Olam, im kiñ ro otemjej an ro ri Mid,

[26] Im kiñ ro otemjej jān eañ, ro re paak im ro re toļok, juon im bar juon, im aelōñ ko otemjej an āne ko me rej pād ion mejan laļ in, im kiñ in Sisak e naaj daak ālikeir.

[27] Im kwōn ba ñan er, “Āindein an Jeova in inelep, Anij in Israel ba, ‘Komwin idaak im komwin kadek im em̄mōj im buñ im jab bar jerkak; kōn jāje eo Ij jilkinwōj imaami.’

[28] Im e naaj waļok bwe eļaññe rej abwin in bōk kab eo jān peōm bwe ren ilimi, innām kwō naaj ba ñan er, ‘Āindein an Jeova in inelep ba, ‘Komij aikuj in ilimi!’

[29] Bwe lo, Ij jino in bōktok jorrāān ion jikinkwelok eo ej etñake Eō, im enaaj ejjeļok ami kaje ñan jiddik ke? Kom naaj bōk kaje, bwe Ij bōktok juon jāje ñae aolep ro rej jokwe ioon laļ in,’ Jeova in inelep ej ba.

[30] ‘Im kwe, kwō naaj rūkaanij ñan er naan kein otemjej. Im kwō naaj ba ñan er, ‘Jeova ej ñūrñūr jān jikin e utiej, im jān jikin kwōjarjar eo An Ej kotak ainikien; E lukkuun ñūrñūr ñae jikin eo An, Ej lamōj āinwōt ro rej juri grep ko, Ej lamōj ñan aolep ro rej jokwe ioon laļ.

[31] E waļok juon ñūrñūr ñan jemļoken laļ bwe Jeova ej akwāāl ippān ri aelōñ ko. Ej ekajet kanniōk otemjej; E naaj lelok ro ewor rueir ñan jāje eo,’ Jeova ej ba.

[32] Āindein an Jeova in inelep ba, ‘Lo, jorrāān e naaj etal jān aelōñ ñan aelōñ, im juon lañ eļap e naaj wanlōñļok jān jemļoken laļ.

[33] Im ro Jeova e ar man er re naaj jān jemļoken laļ ñan jemļoken laļ ilo raan eo, im re ban jañūt er ak ainitok ak kalbwin er, ak re naaj āinwōt kūbwe ioon mejen laļ.

[34] Seperd ro, Komwin liṃō; im komwin lamōj im make dāpilpil ilo būñal, kom reļap an bwij eo, bwe ejjet raan in man kom im kajeplōklōk kom, im kom naaj wutļok āinwōt juon jāpe e aorōk.

[35] Im enaaj ejjeļok ial in ko ñan seperd ro ak lōmōor ñan ro reļap an bwij eo.

[36] Kwōn roñjake lamōj an seperd ro im liṃō an ro reļap an bwij eo, bwe Jeova ej kōkkure meļan eo aer.

[37] Jikin jokwe ko re aenōmman re jorrāān kōn illu eo e bwil an Jeova.

[38] E ar iļok jān jikin āinwōt juon laion; āne eo āneir e jeepeļok kōn lāj an ri kamatōrtōr eo im kōn An illu ebwil.

JEREMAIA – JEPTA 26

[26.1] Ke Kiñ Jehoiakim, nejin Josaia Kiñ in Juda, ear jino in irooj, naan in e ar itok ñan eō jān Jeova im ba,

[2] Āindein an Jeova ba, “Kwōn jutak ilo oror in mōn Jeova, im kwōn ba ñan jikinkwelok ko otemjej an Juda, ro rej deļoñ bwe ren kabuñ ilo mōn Jeova, naan ko otemjej Ij jiroñ eok bwe kwōn kwalōki ñan er; kwōn jab door juon wōt naan.”

[3] Bōlen renaaj roñjake, im kajjojo armej enaaj oktak jān ial eo an e nana; innām I naaj būromōj kōn jorrāān eo I ar ļōmņak in kōmņan ņae er kōn kōmņan ko aer re nana.

[4] Im kwō naaj ba ņan er, “Āindein an Jeova ba, ‘Eļāñņe koņ jab eoroñ Eō bwe koņwin etal ilo kien eo Aō, eo I ar likūti iņaami,

[5] bwe koņwin eoroñ naan ko an ro ri karijera, ri kanaan ro, ro e makijkij Aō kar jilkinwōj er, ak koņ ar jab roñjake;

[6] Innām I naaj kōmņan bwe mwiin en āinwōt Shailo, im I naaj kōmņan bwe jikinkwelōk in en men in lia ņan aelōñ otemjej an la].

[7] Im pris ro im ri kanaan ro im aolep armej raar roñ an Jeremaia kwaļōk naan kein ilo mōn Jeova.

[8] Im ke eņōj an Jeremaia kwaļōk men ko otemjej Jeova e ar jiroñ e bwe en kwaļōki ņan aolep armej ro, innām pris ro, im ri kanaan ro, im aolep armej raar jibwe e im ba, ‘Ilo mool kwō naaj mej.

[9] Etke kwar rūkaanij ilo etan Jeova im ba, ‘Mwiin e naaj āinwōt Shailo, im jikinkwelōk in e naaj jorrāān im ejjeļōk e naaj jokwe lowaan’? Im armej otemjej raar kweļōktok ņae Jeremaia ilo mōn Jeova.

[10] Im ke irooj ro in Juda raar roñ naan kein, raar wanlōñļōk jān mōn kiñ eo ņan mōn Jeova. Im raar jijet ilo jikin deļōñ an kōjām eo e kāāl an mōn Jeova.

[11] Im pris ro im ri kanaan ro raar kōnono ņan irooj ro im ņan armej otemjej im ba, ‘Ekkar bwe ļe in en mej bwe e ar rūkaanij ņae jikinkwelōk in āinwōt koņ ar roñ kōn ļojilñōmi.’

[12] Im Jeremaia e ar kōnono ņan irooj ro otemjej im armej otemjej im ba, ‘Jeova e ar jilkintok eō bwe in rūkaanij ņae mwiin im ņae jikinkwelōk in naan kein otemjej koņ ar roñjaki.

[13] Innām kiō koņwin kōmņan ial ko ami im kōmņan ko ami, im koņwin pokake ainikien Jeova ami Anij. Innām Jeova e naaj būromōj kōn jorrāān eo E ar kōnono ņae koņ kake.

[14] Ak ņa, lo, ij ilo peōmi; koņwin kōmņan ņan eō āinwōt eņņan im jimwe iņaan mejemi.

[15] Ak koņwin lukkuun jeļā bwe eļāñņe koņij mņan eō, koņ naaj bōk iomi im ion jikinkwelōk in, im ro rej jokwe ilo e, bōtōktōk ejjeļōk ruōn; bwe ilo mool Jeova e ar jilkintok eō ņan koņ bwe in kwaļōk ilo ļojilñōmi naan kein otemjej.

[16] Im irooj ro im armej otemjej raar ba ņan pris ro im ri kanaan ro, ‘Ejakkar bwe ļe i en mej, bwe ilo etan Jeova ad Anij e ar kōnono ņan kōj.’

[17] Innām jet armej ian elder ro an āne eo raar jutak, im raar kōnono ņan aolepen jar an armej eo im ba,

[18] “Mika jān Morshe e ar juon ri kanaan ilo raan ko an Hezekaia Kiñ in Juda; im e ar kōnono ņan armej otemjej in Juda im ba, ‘Āindein an Jeova in inelep ba, ‘Re naaj tublaļe Zion āinwōt juon meļaaļ, im Jerusalem e naaj āinwōt juon jikin menōkņok, im toļ in mweo āinwōt jikin eutieļ an bukwōn wōjke.’”

[19] Hezekaia Kiñ in Juda im aolepen Juda raar mņan e ke? E ar jab mijak Jeova im pukōt meļen Jeova ke? Innām Jeova e ar būromōj kōn jorrāān eo E ar kōnono ņae er kake. Im kōj, jej bōktok jorrāān eļap iod.”

[20] Im barāinwōt e ar wor juon eņņaan eo e ar rūkaanij ilo etan Jeova, Uraia nejin Shimaia jān Kiriāt-jierim; im e ar rūkaanij ņae jikinkwelōk in im ņae āne in ekkar ņan naan ko otemjej an Jeremaia.

[21] Im Kiñ Jeoiakim, im ri kajoor ro an otemjej, im irooj otemjej raar roñ naan ko an, im Kiñ eo e ar pukōt bwe en man e; im Uraia e ar roñjake, im e ar mijak im ko, im e ar etal ñan Ijpt.

[22] Im Kiñ Jeoiakim e ar jilkinlok jet armej ñan Ijpt, Elnetan nejin Akbor im jet armej ippān ñan Ijpt.

[23] Im raar bōktok Uraia jān Ijpt, im raar añinlok e ñan Kiñ Jehoiakim, im raar man e kōn jāje; im e ar jołok ānbwinnen ilo lōb ko an armej waan ro.

[24] Bōtab, pein Ahikam nejin Shapan e ar ippān Jeremaia bwe ren jab lelōk e na ilo pein armej ran bwe ren man e.

JEREMAIA – JEPTA 27

[27.1] Ilo jinoin iien irooj an Zedekaia, nejin Josaia kiñ in Juda, naan in e ar itok ñan Jeremaia jān Jeova im ba,

[2] Āindein an Jeova ba ñan eō, “Kwōn kōmman ñan eok korak im ine ko, im likūt i ion kōnwan.

[3] Im kwō naaj jilkinlok i ñan kiñ in Idom, im ñan kiñ im Moab, im ñan kiñ an ro nejin Ammon, im ñan kiñ in Tair, im ñan kiñ in Sidon, kōn pein ro rijjelōk ro rej deļoñ ilo Jerusalem ñan Zedekaia Kiñ in Juda.

[4] Im kwō naaj jiroñ er bwe ren ba ñan irooj ro aer, ‘Āindein an Jeova in inelep, Anij in Israel ba, āindein kom naaj ba ñan irooj ro ami;

[5] Ńa I ar kōmman laļ im armej im men in mour ko re pād ion mejen laļ kōn Aō kajoor eļap im kōn peiō erlok; im I naaj lelōk e ñan eo ejiṃwe iṃaan meja.

[6] Im kiiō Ńa I ar lelok āne kein otemjej na ilo pein Nebukadnezar Kiñ in Babilon, ri karijer eo Aō; im barāinwōt men in mour ko ilo meļaj I ar lelōk ñan e bwe ren jermal ñan e.

[7] Im aelōñ otemjej re naaj jermal ñan e im ñan nejin im ñan ro jibwin, ṃae iien āne eo an ej itok, innām elōñ aelōñ im kiñ ro re ļap re naaj kōmman bwe en jermal ñan er.

[8] Im e naaj waļok bwe aelōñ eo ak āne in kiñ eo e jab jermal ñan e, ñan Nebukadnezar Kiñ in Babilon, im eo e ban likūt kōnwan ilo ine eo an Kiñ in Babilon; I naaj kajeik aelōñ eo kōn jāje im kōn nūta im kōn nañinmej ṃae iien re jako kōn pein.

[9] Innām komwin jab eoroñ ri kanaan, ri bubu, ri tōñak, ri anijnij, im ri ṃadṃōd ro ami, ro rej kōnnaan ñan kom im ba, ‘kom jāmin jermal ñan Kiñ in Babilon.’

[10] Bwe rej rūkaanij ñan kom juon riab, bwe komwin jako im ettołok jān āne eo ami im bwe In kadiwōjlok kom, im kom naaj jako.

[11] Ak aelōñ eo enaaj likūt kōnwan ilo ine eo an Kiñ in Babilon im enaaj jermal ñan e, I naaj kōmman bwe en pād wōt ilo āne eo an, Jeova ej ba, im e naaj jerbale im jokwe ie.

[12] Im I ar kwaļok ñan Zedekaia Kiñ in Juda naan kein otemjej im ba, Komwin likūt kōnwami ilo ine eo an Kiñ in Babilon, im komwin jermal ñan e im ro doon, im kom naaj mour.

[13] Etke kom naaj mej, kwe im ro doom, kōn jāje, im kōn nūta, im kōn nañinmej, āinwōt Jeova ear kwaļok nae aelōñ eo e jab jermal ñan Kiñ in Babilon?

[14] Im komwin jab eoroñ naan ko an ri kanaan ro rej kwaļok ñan kom im ba, ‘Kom jamin jermal ñan Kiñ in Babilon,’ bwe e riab men eo rej rūkaanij ñan kom.

[15] Bwe I ar jab jilkinlok er,’ Jeova ej ba, ‘ak rej rūkaanij riab ilo Eta bwe in kadiwōjlok kom im komwin jako, kom im ri kanaan ro rej rūkaanij ñan kom.’

[16] Innām I ar kōnnaan ñan pris ro im aolep armej rein im ba, ‘Āindein an Jeova ba, Komwin jab eoroñ naan ko an ri kanaan ro ami ro rej rūkaanij ñan kom im ba, ‘Lo, kiiō e naaj mōkaj an bar itok mweiuk ko an mōn Jeova jān Babilon,’ bwe e riab aer rūkaanij ñan kom.

[17] Komwin jab eoroñ er; komwin jermal ñan Kiñ in Babilon im kom naaj mour. Etke jikinkwelok in en jeepeplok?’

[18] Im eļañne er ri kanaan, im eļañne naan in Jeova ej ilo er, ren akweļap kiiō ñan Jeova in inelep bwe mweiuk ko rej pād wōt ilo mōn Jeova im ilo mōn kiñ in Juda im ilo Jerusalem ren jab etal ñan Babilon.

[19] Bwe āindein an Jeova in inelep ba kōn joor ko, loṃaļo eo, ļoñtak ko, im kōn bwein jāpe ko me rej pād wōt ilo jikinkwelok in;

[20] Me Nebukadnezar Kiñ in Babilon e ar jab bōkļok ke e ar kajipokweik Jekonaia, nejin Jehoiakim Kiñ in Juda, jān Jerusalem ñan Babilon im aolep irooj ro an Juda im Jerusalem.

[21] Bwe āindein an Jeova in inelep, Anij in Israel ba kōn mweiuk ko rej pād wōt ilo mōn Jeova im mōn Kiñ in Juda im Jerusalem:

[22] “Re naaj bōkļok i ñan Babilon im re naaj pād ie ṃae raan eo Ij ekajet er,” Jeova ej ba, “innām I naaj bōktok i im ka roļ i ñan jikin in.”

JEREMAIA – JEPTA 28

[28.1] Im ilo ejja iiō eo wōt, ilo jinoin iien irooj an Zedekaia Kiñ in Juda, ilo iiō eo kein ka emān im allōñ eo kein ka ļalem, Hananaia, nejin Azur, pris eo jān Gibion, e ar kōnono ñan eō ilo mōn Jeova iṃaan pris ro im aolep armej im ba,

[2] “Āindein an Jeova in inelep, Anij in Israel ba, ‘I naaj bwiloke ine eo an Kiñ in Babilon;

[3] Mōkta jān an jemļok ruo iiō I naaj kajepļaaak ñan jikin in aolep mweiuk ko an mōn Jeova, ko Nebukadnezar Kiñ in Babilon e ar bōk ļok jān jikin in im kadeļōñ ilo Babilon.

[4] Kab I naaj karōļtok ñan jikin in Jekonaia nejin Jehoiakim Kiñ in Juda im aolep ri jipokwe ro an Juda ro raar etal ñan Babilon,” Jeova ej ba, “bwe I naaj bwilok ine eo an Kiñ in Babilon.”

[5] Im Jeremaia ri kanaan eo e ar kōnono ñan Hananaia ri kanaan eo iṃaan pris ro im iṃaan aolep armej ro raar jutak ilo mōn Jeova,

[6] Im Jeremaia ri kanaan eo e ar ba, “En ṃool! Jeova en kōṃṃan āindein! Jeova en kapen naan ko aṃ ko kwar rūkaanij bwe En ka roļ mweiuk ko an mōn Jeova im aolep ro ri jipokwe jān Babilon ñan jikin in.

[7] Ak roñjake mōk naan in eo ij kōnono i lojilñōmi im lojilñin aolep armej;

[8] Ri kanaan ro raar mōkta jān ña im jān kom jān etto raar rūkaanij ṃae elōñ āne im ṃae aelōñ ko re ļap kōn tariṃae, im jorrāñ, im nañimej.

[9] Ri kanaan eo ej rūkaanij kōn aenōṃṃan, ñe naan eo an ri kanaan in ej waļok, innām re naaj jeļā kōn ri kanaan in bwe Jeova e ar jilkintok e ilo ṃool.

[10] Innām Hananaia ri kanaan eo e ar bōk ine eo jān kōnwan Jeremaia ri kanaan eo, im e ar bwilok e.

[11] Im Hanaia e ar kōnono iṃaan aolep armej im ba, “Āindein an Jeova ba, ‘Āindein Aō naaj bwilok ine eo an Nebukadnezar Kiñ in Babilon jān kōnwan aelōñ otemjej mōkta jān an dedeļok ruo iiō.’” Ak Jeremaia e ar etal ilo ial eo an.

[12] Innām naan in Jeova e ar itok ñan Jeremaia mōjen an Hananaia ri kanaan eo bwiloke ine eo jān ion kōnwan Jeremaia ri kanaan eo, im E ar ba,

[13] Kwōn etal im kōnono ñan Hananaia im ba, “Āindein an Jeova ba, ‘Kwar bwiloki ine ko aļaj, ak kwō naaj kōmman ilo jikir ine ko jān māl.

[14] Bwe āindein an Jeova in inelep, Anij in Israel ba, ‘I ar likūt juon ine māl ioon kōnwan aelōñ kein otemjej bwe ren jermal ñan Nebukadnezar Kiñ in Babilon, im re naaj jermal ñan e. Barāinwōt I ar lelōk men in mour ko an meļaj ñan e.”

[15] Im Jeremaia ri kanaan eo e ar ba ñan Hananaia ri kanaan eo, “Kwōn roñjake mōk, Hananaia; Jeova e ar jab jilkintok eok, ak kwar make kōmman bwe armej rein ren lōke juon riab.

[16] Kōn men in, āindein an Jeova ba, ‘Lo, Ij joļok eok jān mejen laļ in; iio in kwō naaj mej, bwe kwar kwaļok bōd kōn Jeova.”

[17] Im Hananaia ri kanaan eo e ar mej ilo iio eo wōt ilo allōñ kein ka jiljilimjuon.

JEREMAIA – JEPTA 29

[29.1] Im erkein naan ko an leta eo Jeremaia ri kanaan eo e ar jilkinļok jān Jerusalem ñan ro raar pād wōt ian rūtto ro an ro re jipokwe im ñan pris ro, im ri kanaan ro, im armej otemjej ro Nebukadnezar ear kajipokweik er jān Jerusalem ñan Babilon.

[2] Men in ear ālikin an Kiñ Jekonaia, im lerooj eo, im eunik ro, im irooj ro in Juda im Jerusalem, im ri jerbale māl, im ri kapeel kar etal jān Jerusalem.

[3] Eñin leta eo Eliñase nejin Sapan, im Gemaraia nejin Hilkaia raar bōkļok, (ro Zedekaia Kiñ in Juda e ar jilkinļok ñan Babilon ñan Nebukadnezar Kiñ in Babilon), im ear ba,

[4] “Āindein an Jeova in inelep, Anij in Israel, ba ñan aolep ri jipokwe ro I ar kōmman bwe ren etal ñan jipokwe jān Jerusalem ñan Babilon,

[5] ‘Komwin ekkal em im komwin jokwe ie; im komwin ekkat jikin kallib ko im mōñā jān leen.

[6] Komwin bōk kōrā pāleemi, im komwin keotak nejemi ļaddik im nejemi leddik; im komwin bōk kōrā ro pāleen likao ro nejemi im lelōk kōrā ro nejemi ilo pālele ñan likao ro, im ren keotak nejir ļaddik im leddik. Innām komwin orļok ie im jab iietļok.

[7] Im komwin pukōt aenōmman an jikinkwelok eo ijo I ar kōmman bwe komwin ri jipokwe ie; im komwin jar ñan Jeova kōn e, bwe eļaññe ej aenōmman kom naaj aenōmman.”

[8] Bwe āindein an Jeova in inelep, Anij in Israel, ba, “Ri kanaan ro rej ibwiljōmi im ri madmōd ro ami ren jab moņe kom; im komwin jab eņroñ tōņak ko ami me komij tōņaki;

[9] Bwe rej rūkaanij ñan kom juon riab ilo Eta; I ar jab jilkinwōj er,” Jeova ej ba.

[10] Bwe āindein an Jeova ba, “Ñe e jemļok jiljilimjuonñoul iio ilo Babilon I naaj lowōj kom, im I naaj kajejjet naan ko Aō reņman kōn kom bwe In karōļ kom ñan jikin in.

[11] Bwe Ña, I jeļā kōttōpar ko Aō kōn kom,” Jeova ej ba, “kōttōpar in aenōmman im jab ñan jorrāñ, bwe In lewōj juon katmāne im kōjatdikdik.

[12] Innām kom naaj kūr ñan Eō, im kom naaj etal im jar ñan Eō, im I naaj eņroñ kom.

[13] Im kom naaj pukōt Eō im lo Eō ñe kom naaj pukōt Eō kōn aolepen būruemi.

[14] Im kom naaj lo Eō,” Jeova ej ba, “im I naaj kajepļak kom jān ami jipokwe, im I naaj kokweloktok kom jān aelōñ ko otemjej im jān jikin otemjej ijo I ar joļok kom ie,” Jeova ej ba; “im I naaj karōļ kom ñan jikin in ijo I ar kajipokweik kom jān e.

[15] Bwe kom ar ba, ‘Jeova e ar kakerkak ñan kōj ri kanaan ro ilo Babilon.’

[16] Bwe äindein an Jeova ba kōn Kiñ eo ej jijet ion tūroon eo an Devid, im kōn armej otemjej rej jokwe ilo jikinkwelok in, kab ro jimjen jimjātemi ro raar jab etal ippemi ñan jipokwe;

[17] Äindein an Jeova in inelep ba, “Lo, Ij jilkinlok ioer jāje im ñūta, im nañinmej. Im I naaj kōmman bwe ren äinwōt fig ko re nana, im joñan aer nana, re jab maroñ kani.

[18] Im I naaj lukworkwor er kōn jāje im ñūta, im nañinmej; im I naaj kōmman bwe ren men in ļōļņoñ ñan aelōñ in laļ otemjej, im ren men in lia im pal im kajjirere im kinaak ilo aelōñ otemjej ijo I ar juļok er ie.

[19] Kōnke raar jab eoroñ naan ko Aō,” Jeova ej ba, “ko I ar jilkinlok ñan er kōn ri kanaan ro, ro ri karijerō, ke ear makijkij Aō jilkinlok er; baräinwōt kom ar jab roñjake,” Jeova ej ba.

[20] Innām kom, komwin eoroñ naan in Jeova, kom ri jipokwe otemjej ro emoj Aō jilkinlok jān Jerusalem ñan Babilon.

[21] Äindein an Jeova in inelep, Anij in Israel, ba, “Kōn Ahab nejin Kolaia im Zedekaia nejin Maaseia, ro rar rūkaanij riab ñan kom ilo Eta; Lo, Inaaj lelōk er ilo pein Nebukadrezar Kiñ in Babilon, im e naaj man er imaan mejemi.

[22] Im ri jipokwe otemjej jān Juda ro rej ilo Babilon renaaj kajerbal juon naan in kalia im ba, ‘Jeova en kōmman eok äinwōt Zedekaia im Ahab, ro Kiñ in Babilon e ar tile er kōn kijeek;’

[23] Kōnke raar kōmman bwebwe ilo Israel, im raar ļoñ ippān kōrā ro pāleen ro ri turir, im raar kwaļok naan ko re riab ilo Eta ko I ar jab jiroñ er; im I jeļā, im Ij rū kaṃool” Jeova ej ba.

[24] Im ñan Shemaia ri Nehelem kwō naaj kwaļok im ba,

[25] “Äindein an Jeova in inelep, Anij in Israel, kōnnaan im ba, ‘Kōn aṃ kar jilkinlok leta ko ilo etaṃ ñan aolep armej ilo Jerusalem im ñan Zepenaia nejin Maaseia pris eo im ñan aolep pris ro, im ba

[26] Jeova ear kōmman eok pris ilo jikin Jehoiada pris eo bwe kwōn ri lale ilo mōn Jeova; innām jabdewōt emmaan e bwebwe im ej rūkaanij, kwōn likūt e ilo jakōl eo im ilo ine eo.

[27] Innām kwe, etke kwō jañin kauwe Jeremaia ri Anatot eo ej rūkaanij ñan kom?

[28] Bwe e ar jilkintok ñan kōj ilo Babilon im ba, ‘Enaaj to jipokwe in; Komwin ekkal moko imwemi im jokwe ie, im komwin ekkat jikin kallib ko im mōñā jān leen.’”

[29] Im Zepenaia pris eo e ar kōnono leta in ilo ļojilñen Jeremaia ri kanaan eo.

[30] Im Naan in Jeova ear itok ñan Jeremaia im ba,

[31] “Kwōn jilkinlok ñan aolep ri jipokwe ro im ba, ‘Äindein an Jeova ba kōn Shemaia ri Nehelem: Kōn an Shemaia rūkaanij ñan kom, im Ña I ar jab jilkinlok e, im E ar kōmman bwe komwin lōke juon riab,

[32] Kōn men in äindein an Jeova ba, Lo, Inaaj kajeik Shemaia ri Nehelem im ro ineen; e naaj ejjeļok doon ibwiljin armej rein, im e ban lo emman eo I naaj kōmman ñan ro doō,’ Jeova ej ba, ‘kōnke e ar kwaļok jumae nae Jeova.’”

JEREMAIA – JEPTA 30

[30.1] Naan eo e ar itok ñan Jeremaia jān Jeova im ba,

[2] Äindein an Jeova Anij in Israel kōnono im ba, “Kwōn je ilo juon bok naan ko otemjej I ar kōnono ñan eok.

[3] Bwe lo, raan ko rej itok,” Jeova ej ba, “ñe I naaj kajeļlaak jipokwe an ro doō Israel im Juda,” Jeova ej ba. “Im I naaj kajeļlaak er ñan āne eo I ar lelōk ñan ro jemaer, im re naaj bōk e.”

- [4] Im erkein naan ko Jeova e ar kōnono ñan Israel im ñan Juda:
- [5] Āindein an Jeova ba, “Jaar roñ ainikien mijak im lōlñōñ, im ejjelok aenōmman.
- [6] Komwin kajjitōk mōk im lo eļañne emmaan rejelā keotak; bwe etke Ij lo emmaan ro otemjej im peir ion ipir āinwōt juon eo ej keotak, im mej otemjej re oktak im o?
- [7] Aiaea! Bwe juon raan eļap im nana, naaj ejjelok āinwōt e; ej iien jorrāan an Jekob, ak naaj lomōoren e jān e.
- [8] “Im enaaj āindein ilo raan eo,” Jeova in inelep ej ba, “I naaj bwilok ine eo an jān kōnwaami im I naaj mwijkōk korak ko ami; im ruwamāejet ro re ban bar kamakokoik er.
- [9] Im re naaj jermal ñan Jeova aer Anij im Devid aer Kiñ eo I naaj kajutak ñan er.
- [10] Im kwōn jab mijak, karijera, Jekob,” Jeova ej ba, “im kwōn jab lōlñōñ, Israel; bwe Inaaj lomōorem jān ettolok im ineōm jān āne in jipokwe eo aer. Im Jekob e naaj rooltok im tōt im aenōmman, im ejjelok e naaj kalōlñōñ e.
- [11] Bwe Ņa ij ippam,” Jeova ej ba, “bwe In lomōorem. Bwe I naaj kōmman bwe aeloñ ko otemjej ijo I ar kajepłoklōk eok ie renaaj jako; bōtab I ban kōmman bwe kwōn eok, ak I naaj kauweik eok ilo jimwe, im I ban ñan jiddik likūt bwe en ejjelok am kaje.
- [12] Bwe āindein an Jeova ba, “Re jab maroñ kemour jorrāan eo am; eļap an nana kinej eo kinjōm.”
- [13] Ejjelok en ej akweļap kōn kajjitōk eo am bwe kwōn mour; ejjelok wūno in kemour ñan eok.
- [14] Aolep ro jeram raar meļokļok eok, re jab pukōt eok; bwe I ar man eok āinwōt juon ej man ri kōjdāt eo an, im kajeik eok āinwōt juon eo e lāj, bwe nana ko am re lōñ im jerowiwu ko am re orlok.
- [15] Etke kwōj lamōj kōn jorrāan eo am? E ban jako am metak. I ar kōmman men kein ñan eok kōn an lōñ nana ko am im kōn an orlok jerowiwu ko am
- [16] Bōtab ro otemjej rej kañ eok, naaj kañ er; im ri kōjdāt ro am otemjej re naaj etal ñan jipokwe; ro rej rakimi eok re naaj men in rakim, im aolep ro rej kōkkure eok I naaj kōkkure er.
- [17] Bwe I naaj kemour eok im I naaj kemour kinej ko am,” Jeova ej ba; “bwe raar űaetam ‘juon eo emōj joļoke,’ im ba ‘eñin Zaion, im ejjelok armej ej pukōte.’”
- [18] Āindein an Jeova ba, “Lo, I naaj kajepļak jeraamman ko an mōn kōpād ko an Jekob; I naaj tūriamokake jikin jokwe ko an; im re naaj kalek jikinkwelok eo ioon jikin menoknok eo an, im mōn irooj eo e naaj pād ilo jikin.”
- [19] Im jān er e naaj waļok kamoolol im ainikien ro rej kōmman mōñōñō; im I naaj koorlok er im re ban iietlok; im I naaj koutiej er, im re ban ettā.
- [20] Im ro nejin re naaj āinwōt mokta, im jarlipju eo an e naaj pād imaō; im I naaj ekajet aolep ro rej kamatōrtōr e.
- [21] Im ri tōl eo aer e naaj juon iaer, im irooj eo aer e naaj waļok jān ibwiljier. Im I naaj karuwaaktok e, im e naaj kepaak ñan Eō, bwe wōn eo ej peran bwe en kepaak Eō?” Jeova ej ba.
- [22] Im kom naaj armej ro doō, im Ņa I naaj Anij eo ami.
- [23] Lo, juon lañ jān Jeova! Illu eo An e waļok, juon lañ eļap; enaaj buñōt bōran ro re nana.
- [24] E ban jako illu e bwil an Jeova mae iien Ej kōmman men kein im mae iien e tōprak kōnaan ko an būruen; ilo raan ko ālik kom naaj meļe men in.

[31.1] “Ilo iien eo,” Jeova ej ba, “I naaj Anij eo an baamle otemjej an Israel, im re naaj ro doō.”

[2] Āindein an Jeova ba, “Armej ro raar mour jān jāje eo raar lo jouj ilo āne jemaden ke Israel ear etal ñan kakkije.

[3] Jān etto, Jeova e ar waļok ñan eō im ba, “I ar yokwe eok kōn juon yokwe indeeo; kōn men in I ar ipertok eok kōn tiljek.

[4] I naaj bar kalek eok, im enaaj tōprak, virjin in Israel; kwō naaj bar bōk timbrel ko aṃ im kwō naaj diwōjļok ilo eb ko an ro rej mōṇōṇō.

[5] Kwō naaj bar ekkat vain ko ilo toļ ko in Sameria; ro rej ekkat re naaj ekkat im mōṇōṇō kake.

[6] Bwe juon raan ro ri lale ilo toļ in Epraim re naaj lamōj, ‘Jutak, im jen etal ñan Zaion ñan Jeova ad Anij.’”

[7] Bwe āindein an Jeova ba, “Lamōj kōn mōṇōṇō kōn Jakob, im kotak ainikiom kōn aelōñ ko reļap; kwaļok, nōbar, im ba, ‘Jeova Kwōn lomooren armej ro doōm, ro rej pād wōt an Israel.’

[8] Lo, Ij bōktok er jān āne eo eañ, im I naaj kokweilōktok er jān āne ettoļok im ipaer ro re pilo, ro re kūrro, ro re bōrōro, im ro rej keotak, jimor; juon jar eļap e naaj jepļaak ñan ijo.

[9] Re naaj jañ ke rej itok, im I naaj tōl er kōn aer akweļap; I naaj kōmman bwe ren etetal iturin river ko in dān; ilo juon ial e jimwe ijo re ban tipñōl ie; bwe Ij jeman Israel, im Epraim ej maanjiō.”

[10] Komwin roñjake naan in Jeova, kom aelōñ ko, im komwin kwaļok ilo āne ko re ttoļok; im komwin ba, “Eo ear kejeplōklōk Israel E naaj kokweilōktok e, im Enaaj kōjparok e āinwōt juon seperd ej kōjparok bwij eo an.

[11] Bwe Jeova e ar lomooren Jakob im wiaik e jān pein eo e kajoor jān e.

[12] Im re naaj itok im lamōj kōn mōṇōṇō ilo jikin eutiey an Zaion, im re naaj mejen mōṇōṇō kōn emman ko jān Jeova: kōn wit, im wain ekāāl, im oil, im ko redik jān bwijjin sip ko im bwijjin kau ko. Im aer mour e naaj āinwōt juon jikin kallib emōj wōt-dikdiki, im re ban bar ļotļok.

[13] Innām virjin re naaj lañlōñ ilo eb, kab likao ro im ļōļap jimor; im I naaj ukōt aer liaajļoļ ñan lañlōñ, im I naaj kaenōmman er im kamōṇōṇōik er jān aer būromōj.

[14] Im I naaj lukkuun kōjeraamman pris ro; im armej ro doō re naaj obrak kōn emman jān Eō,” Jeova ej ba.

[15] Āindein an Jeova ba, “Emōj roñ juon ainikien ilo Rema, jañ im liaajļoļ eļap, Rechel ej jañōt ro nejnin; e abwin bwe ren kaenōmmane kōn ro nejnin, bwe re jako.”

[16] Āindein an Jeova ba, “Dāpij ainikiom jān jañ im mejom jān dān in kemjaalal, bwe enaaj wor oṇean jermal ko aṃ,” Jeova ej ba, “im re naaj roļtok jān āne in ri kōjdāt.

[17] Bwe ewor kōjatdikdik ñan aṃ ilju im jekļaj,” Jeova ej ba, “im ro nejom re naaj roļtok ñan tōrerein ko aer.

[18] I ar lukkuun roñ Epraeim ke ear liaajļoļ, im ba, ‘Kwar kajeik eō, im iar kaje, āinwōt juon koṇ in kau e jañin katakin e; Kwōn karōļtok eō, im I naaj oktak, bwe Kwe Jeova aō Anij.

[19] Bwe mōjen aō roļtok, I ar ukeļok; im mōjen katakin eō, I ar deñōt ipiō; I ar jook im barāinwōt eppal bwe I ar ineen kinaak eo an iien in aō kar emman ded.’

[20] “Epraeim e jab nejiō jitōnbōro ke? E jab juon ajri ej kamōṇōṇōik Eō ke? bwe toñ wōt Aō kar kōnnaan ṇae e, I ar kanooj kememej e wōt. Kōn men in, e pok būruō kōn e; ilo mool I naaj tūriamo kake e,” Jeova ej ba.

[21] “Kwōn kajutak ñan eok kakō]]e ko; kwōn likūt joor ko; kwōn ļōmņak wōt kōn ial eo, ial eo kwar etal ie. Kwōn jepļaahtok, kwe virjin Israel; kwōn jepļaahtok ñan jikinkwelok kein aṃ.

[22] Ewi toñ aṃ naaj apaprero, kwe nejiō leddik e jab tiljek? bwe Jeova ej kōmņan juon men e kãāl ilo la]: juon kōrã e naaj kōpool juon eṃņaan.”

[23] Bwe āindein an Jeova in inelep, Anij in Israel ba, “Re naaj ba wōt naan in ilo āneen Juda im jikinkwelok ko an ñe Ij kajepļaahtok aer jeraaṃņan: ‘Jeova en kejeraaṃņan eok, O jikin jokwe e wãñok im to] e kwōjarjar!’”

[24] Im Juda im aolep jikinkwelok ko an re naaj jimor jokwe ilo e, ri kallib eo im ro rej etal ippãn bwij ko.

[25] Bwe I ar kãjmuur eo ear ṃok, im I ar kakajoor ro otemjej re kijeļok.”

[26] Innãm I ar ruj im re bajjek, im aō kiki e kar eṃņan ippa.

[27] “Lo, raan ko rej itok,” Jeova ej ba, “ñe I naaj ekkat ṃon Israel im ṃon Juda kōn ine in armej im ine in men in mour.

[28] Im āinwōt Iar lale er bwe In tumi im rupilaļļok im jolaļļok im koṃkure im kejjorrãan; āindein Aō naaj lale er bwe In ekkal im ekkat,” Jeova ej ba.

[29] Ilo raan ko re ban bar ba, “Jemeir raar kañ grep re jañin kalo, im e meñ ñiin ro nejeir.”

[30] Bwe kajjojo armej e naaj mej kōn nana eo an; jabdewōt armej eo ej ṃōñã grep re jañin kalo, enaaj meñ ñiin.

[31] “Lo, raan ko rej itok,” Jeova ej ba, “ñe I naaj kōmņan juon bujen ekãāl ippãn ṃon Israel im ṃon Juda.

[32] E ban āinwōt bujen eo I ar kōmņane ippãn ro jemaer ilo raan eo ke I ar jibwe peir bwe In añinļok er jãñ āneen Ijijpt. Im raar make koṃkure bujen eo meñe I ar āinwōt ļeo pãleir,” Jeova ej ba.

[33] “Bwe eñin bujen eo I naaj kōmņane ippãn ṃon Israel ālikin raan kein,” Jeova ej ba. “I naaj likūt kien eo Aō ilo er, im I naaj je e ion būrueir; im I naaj Anij eo aer, im re naaj armej ro doō.

[34] Im jabdewōt armej, re ban bar katakin ro ri turier im jimjãñ jimjãter im ba, ‘Koṃwin jelã Jeova;’ bwe er otemjej, jãñ eo ediktata ñan eo eļaptata, re naaj jelã Eō,” Jeova ej ba. “Bwe I ar joļok nana ko aer, im I ban bar keememej jerowiwu ko aer.”

[35] Jeova, Eo ej likūt a] ñan meram in raan, im allōñ im iju ko ñan meram im boñ, Eo ej poktake loṃa]o, im no ko an rej ñūrñūr, etan Jeova in inelep, āindein An ba:

[36] “E]aññe men kein re jako jãñ iṃaō,” Jeova ej ba, “innãm barãinwōt e naaj jako an ineen Israel pãd āinwōt juon aelōñ iṃaō iien otemjej.”

[37] Āindein an Jeova ba, “E]aññe re maroñ joñwe lañ ko ilōñ im kapukōt lōñtakin la] i ila], innãm barãinwōt Ña, I naaj joļok aolepen ineen Israel kōn aolep men ko raar kōmņani,” Jeova ej ba.

[38] “Lo, raan ko rej itok,” Jeova ej ba, “ñe re naaj kalek jikinkwelok eo ñan Jeova jãñ ṃon bar eo an Henanel ñan kōjãm eo i bōul.

[39] Im to in joñwe eo e naaj etal wōt ikijien jãñ to] in Gareb, innãm e naaj roļ ñan Goa.

[40] Im aolepen koṃla] in ānbwinnen ro re mej im melkwaarar, im aolepen meļaa] ko ñan river Kidron, ñan bōul in kōjãm in kiria reear, e naaj kwōjarjar ñan Jeova; re ban tumi ak joļaļļok e ñan indeeo.”

JEREMAIA – JEPTA 32

[32.1] Naan eo e ar itok ñan Jeremaia jãn Jeova ilo iiõ eo kein ka joñoul an Zedekaia Kiñ in Juda; eñin iiõ eo kein ka joñoul ruwalitõk an Nebukadnezzar.

[2] Im ilo iien eo, jar in tariṇae an Kiñ in Babilon e ar nitbwile Jerusalem, im emõj aer kalbuuje Jeremaia, ri kanaan eo, ilo oror in mōn ri lale eo ilo mōn Kiñ in Juda.

[3] Kōnke Zedekaia Kiñ in Juda e ar kalbuuje im ba, ‘Āindein an Jeova ba, Lo Ij leloḵ jikinkwelḵ in ilo pein Kiñ im Babilon, im e naaj bōk e.

[4] Im Zedekaia Kiñ in Juda e ban joor jãn pein ri Kaldia ro; bwe ilo mool e naaj buñ ilo pein Kiñ in Babilon, im e naaj kōnnaan ippān jelmae doon, im re naaj lo doon.

[5] Im e naaj añinloḵ Zedekaia ñan Babilon, im e naaj pād ie maē iien Ij lolḵ e,’ Jeova ej ba, ‘bwe meñe komij tariṇaeik ro ri Kaldia, kom jāmin jeraamman.’?’

[6] Im Jeremaia e ar ba, “Naan in Jeova e ar itok ñan eõ im ba,

[7] ‘Lo, Hanamel nejin Shallum, wüllepam, e naaj iwõj im ba, ‘Kwōn wiaik bukwōn eo aõ eo ej ilo Anatot, bwe kuṇaam in wia.’”

[8] Im Hanamel, nejin wūlepa, e ar itok ñan eõ ekkar ñan naan in Jeova, ke I ar pād ilo oror in mōn ri lale eo, im e ar ba ñan eõ, ‘Kwōn wiaik mōk bukwōn eo aõ eo ej ilo Anatot ilo āneen Benjamin, bwe ej lamorōm im kuṇaam in wia.’ Innām I ar jeļā bwe men in Naan an Jeova.

[9] Im I ar wiaik bukwōn eo e ar ilo Anatot jãn Hanamel nejin wūlepa, im I ar joñwe mani ñan e, joñoul jiljilimjuon mōttan silver.

[10] Im I ar je eta ion pepa eo im sil e, im I ar kūr jet ri kaṇool; innām I ar joñwe mani ilo ken paun eo.

[11] Innām I ar bōk peba in wia ko, peba me emõj sil e, eo kakien ko im eoon ko rej ilo e, im peba eo e peļloḵ wõt.

[12] Im I ar leloḵ peba in wia eo ñan Baruk, nejin Neria, nejin Mahseia, imaan mejen Hanamel nejin wūlepa im imaan mejen ri kaṇool ro raar je etaer ilo pepa in wia eo, im imaan mejen ro ri Juda ro raar jijet ilo oror in ri lale ro.

[13] Im I ar jiroñ Baruk imaan mejeir im ba,

[14] “Āindein an Jeova in inelep, Anij in Israel ba, ‘Kwōn bōk pepa kein, pepa in wia in me emõj sil e im pepa in e peļloḵ, im kwōn likūti ilo juon jāpe bwidej bwe ren pād iumwin elōñ raan.’

[15] Bwe āindein an Jeova in inelep, Anij in Israel ba, ‘Re naaj wia wõt mo ko im bukwōn ko im jikin kallip in grep ko ilo ānin.’”

[16] Innām ālikiin aõ kar leloḵ peba in wia eo ñan Baruk nejin Neria, I ar jar ñan Jeova im ba,

[17] “Ah, Irooj Jeova, lo, Kwe eo Kwar kōmman lañ ko im laļ kōn Aṃ kajoor eļap im kōn peiōm erloke. Ejjeļoḵ men Kwō bane.

[18] Kwōj tūriamokake tausan ko im ṇa oṇean nana an jemeir ñan ubōn ro nejeir ālikeir; Anij Eļap im Kajoor, Jeova in inelep etaṃ!

[19] Kwō ļap ilo pepe ko Aṃ im kajoor ilo kōmman ko Aṃ. Mejeṃ re peļloḵ ñan ial otemjej an nejin armej bwe Kwōn leloḵ ñan jabdewõt armej ekkar ñan ial ko an im ekkar ñan leen kōmman ko an.

[20] Kwar kōmman kakōļe ko im men in kabwilōñlōñ ko ilo āne in Ijipt, maē rainin wõt ilo Israel im ibwiljin armej; im Kwar kabuñbuñloḵ Etaṃ āinwõt an pād ñan rainin.

- [21] Im Kwar kadiwōjlok ro doom Israel jān āne in Ijpt kōn kakōlle ko im men in kabwilōñlōñ ko im kōn Peōm ekajoor im Peōm erloke im men in kalōññoñ re lap.
- [22] Im Kwar lelōk ñan er ānin eo Kwar kallimur kake ñan ro jemaer bwe Kwō naaj lelōk ñan er; juon āne e ibwijlelep kōn milk im ðne.
- [23] Im raar deļoñ im bōk e, ak raar jab eoroñ ainikiōm, im raar jab etal ilo kien ko Am, im aolep men Kwar jiroñ er bwe ren kōmmani raar jab kōmmani; innām Kwar lelōk jorrāan kein otemjej ñan er.
- [24] Lo, be ko rej tōpar jikinkwelōk eo bwe ren bōk e; im naaj lelōk jikinkwelōk in ña ilo pein ro ri Kaldia ro rej tariñaek e kōn jāje im ñūtta, im nañinmej. Im men eo Kwar ba, ej walōk; im lo, Kwōj lo e.
- [25] Im Irooj Jeova, Kwar ba ñan eō, “Kwōn wiaik bukwōn eo kōn mani im kōmmane imaan ri kamool ro,” ak re naaj lelōk jikinkwelōk eo ilo pein ro ri Kaldia.
- [26] Innām naan in Jeova ear itok ñan Jeremaia im ba,
- [27] “Lo Ña Jeova, Anij in kanniōk otemjej; ewor ke jabdewōt men I bane?”
- [28] Kōn men in, āindein an Jeova ba, Lo Ij lelōk jikinkwelōk in ña ilo pein ro ri Kaldia im ilo pein Nebukadnezar Kiñ in Babilon bwe en bōk e.
- [29] Im ro ri Kaldia re naaj itok, ro raar tariñaek jikinkwelōk in, im re naaj kejo juon kijeek ilo jikinkwelōk in im tile koba moko ijo raar katok ñan Baal ion kejenwaer, im raar lutōklok katok idaa ñan anij ro jet bwe ren kaillu Eō.
- [30] Bwe ro nejin Israel im ro nejin Juda raar kōmman nana wōt imaan meja jān iien aer dik; bwe ro nejin Israel raar kaillu Eō wōt kōn kōmman ko an peir,” Jeova ej ba.
- [31] “Bwe jikinkwelōk in ear men in kaillu Eō kōn illu ebwil jān raan eo raar kalek e ñan rainin, bwe In joļok e jān imāō;
- [32] kōn aolepen nana an ro nejin Israel im ro nejin Juda ko raar kōmmani bwe ren kaillu Eō -- er, kiñ ro aer, irooj ro aer, pris ro aer, im ri kanaan ro aer, kab armej in Juda im ro rej jokwe ilo Jerusalem.
- [33] Im raar kwaļok likier ñan Eō im jab mejeir, meñe I ar katakin er ke I ar makijkij in katakin er; bōtab raar jab roñjake bwe ren bōk kauwe.
- [34] Im raar likūt ekjab ko aer ilo mweo emōj ñaetan kōn Eta bwe ren kattoo e.
- [35] Im raar kalek jikin ko re utiej ñan Bael ilo komla in Ben Hinnom bwe ren kōmman bwe ro nejeir Jaddik im leddik ren deļoke kijeek eo ñan Molek. Men in I ar jab jiroñ er, im I ar jab Jōmñak kake bwe ren kōmman men in kajōjō in bwe ren kajerowiwik Juda.
- [36] Im kiiō, kōn men in, āindein an Jeova, Anij in Israel, ba kōn jikinkwelōk in kōn eo komij ba, ‘Re naaj lelōk e ilo pein Kiñ in Babilon kōn jāje im kōj ñūtta im kōn nañinmej,’
- [37] “Lo I naaj kokweilōktok er jān āne otemjej ijo I ar joļok er ie ilo Aō illu im Aō illu ebwil im illu eļap; im I naaj kajepļaaktok er ñan jikin in im I naaj kōmman bwe ren jokwe ilo ejjeļok uwōta.
- [38] Im re naaj armej ro doō, im Ña I naaj aer Anij.
- [39] Im I naaj lelōk ñan er juon bōro im juon ial bwe ren mijak Eō raan otemjej bwe en emman ipaer im ro nejeir ālikeir.
- [40] Im I naaj kōmman juon bujen eo e naaj ñan indeeo, kōn eo I ban jeorlok jān Aō kōmman emman ñan er; im I naaj likūt ilo burueir bwe ren mijak Eō bwe ren jab ilok jān Eō.

[41] Im I naaj lañlõñ ioer bwe In kõmman emman ñan er, im I naaj ekkat er ilo ãnin ilo mool kõn aolepen buruõ im aolepen Aõ.”

[42] Bwe ãindein an Jeova ba, “Ãinwõt I ar boktok aolepen jorrãan in eļap ioon armej rein, ãindein Aõ naaj bõktok ioer aolep emman eo I ar kõnono kake ñan er.

[43] Im re naaj wiaik bukwõn ko ilo ãnin, kõn eo komij ba, “E jeepeļok im ejjeļok armej ak men in mour ilowaan; re naaj lelok e ilo pein ro ri Kaldia.”

[44] Re naaj wiaik bukwõn ko kõn mani, im re naaj je ilo bõk im sil i, im re naaj bõk ri kaṃool ro ilo ãne in Benjamin im ipeļakin Jerusalem im ilo jikinkwelok ko in Juda, im ilo jikinkwelok ko ion toļ im ilo jikinkwelok ko ilo komlaļ im ilo jikinkwelok ko i rōk; bwe I naaj kajepļaaktok aer jeraṃman,” Jeova ej ba.

JEREMAIA – JEPTA 33

[33.1] Im naan in Jeova e ar itok ñan Jeremaia alen kein ka ruo, ke e ar pād wõt ilo oror in ro ri lale, im E ar ba,

[2] “Jeova, Eo e ar kõmman laļ, Jeova, Eo ear ṅa wāween e ñan kapen e, aet, etan Jeova, ãindein An ba,

[3] ‘Kwõn kūr ñan Eõ im I naaj uwaak eok, im I naaj kwaļok ñan eok men ko re ļap im ettino me kwõ jañin jeļã kaki.

[4] Bwe ãindein an Jeova, Anij in Israel, ba kõn ṃõko in jikinkwelok in, im kõn ṃõko in kiñ ro in Juda, me emõj rupe er ñan kajerbali ṅae be ko im jãje,

[5] Ke rej itok ñan tariṅaek ro ri Kaldia im rej kanne ṃõko kõn ãnbwinnen ro re mej ro I ar ṃan er ilo Aõ illu im Aõ illu ebwil, ke I ar ṅooj meja jãn jikinkwelok in kõn aolepen nana ko aer.

[6] Lo, I naaj lelok ñan er mour im ajmuur, im I naaj kemour er; im I naaj kwaļok ñan er eļap aenõṃman im mool.

[7] Im I naaj kajepļaaktok jeraṃman an Juda im jeraṃman an Israel; im I naaj kalek er ãinwõt mokta.

[8] Im I naaj karreoik er jãn nana ko aer otemjej ko raar jerowiwī ṅae Eõ kaki, im I naaj joļok nana ko aer otemjej ko raar jerowiwī ṅae Eõ kake im ko raar jumae Eõ kaki.

[9] Im e naaj ñan Eõ juon ãt in lañlõñ im nõbar ñan aolep aelõñ ko an ãneo me rej roñjake kõn emman otemjej I naaj kõmman ñan er, im re naaj mijak im wūdiddid kõn emman im aenõṃman otemjej I naaj kõmman ñan e.”

[10] ãindein an Jeova ba, “Re naaj roñjake wõt ilo jikin in (eo kwõj kõnono kake im ba ‘E jeepeļok im ejjeļok armej ak men in mour;’) ilo jikinkwelok ko an Juda im ilo ial ko in Jerusalem e jeepeļok im ejjeļok armej im ejjeļok ri jokwe im ejjeļok men in mour,

[11] Ainikien lañlõñ im ṃõṅõṅõ, ainikien Jeo pãlele im lio pãlele, im ainikien ro rej ba, ‘Komwin nõbar Jeova in inelep, bwe Jeova emman, bwe tūriaṃo ko an rej ñan indeeo,’ im an ro rej bõktok katok in kaṃmoolol ilo ṃõn Jeova, bwe I naaj kajepļaaktok jeraṃman ko an ãne eo ãinwõt mokta,” Jeova ej ba.

[12] ãindein an Jeova in inelep ba, “Ilo jikin in eo e jeepeļok im ejjeļok armej ak men in mour ie, im ilo aolep jikinkwelok ko an, e naaj bar waļok jikin jokwe an seperd ro rej kababu bwij ko aer.

[13] Ilo jikinkwelok ko ilo to] ko im ilo komla] ko, im ilo jikinkwelok ko i rök, im ilo āneen Benjamin, im ipelaakin Jerusalem, im ilo jikinkwelok ko in Juda, bwij ko re naaj bar ellā iumwin pein ri bōnbōn eo,” Jeova ej ba.

[14] “Lo, raan ko rej itok,” Jeova ej ba, “ñe I naaj kajejjjet Naan emman eo Iar kwa]ok e ñan mōn Israel im mōn Juda.

[15] Ilo raan ko im ilo tōre eo I naaj kōmman bwe juon Ra e wānōk an Devid en eoñ; im E naaj kōmman jimwe im wānōk ilo āne eo.

[16] Ilo raan ko Juda e naaj bōk lomoor im Jerusalem e naaj jokwe ilo ejjelok uwōta; im renaaj likūt Etan, ‘Jeova ad wānōk.’”

[17] Bwe āindein an Jeova ba, “E ban likjab jān Devid juon armej bwe en jijet ioon tūroon eo an mōn Israel.

[18] Im e ban likjab jān pris ro ri Levai juon armej imaō bwe en katok kōn katok kijeek im tile katok pilawe im kōmman katok raan otemjej.

[19] Im naan in Jeova e ar itok ñan Jeremaia im ba,

[20] “Āindein an Jeova ba, E]añne kom maroñ in rupe bujen eo Aō ippān raan im bujen eo Aō ippān boñ, bwe en jab bar wor raan im boñ ilo iien ko aer,

[21] Innām re maroñ in rupe bujen eo Aō ippān ri karijera Devid bwe en jab wor nejin bwe en irooj ion tūroon eo an, im ippān ro ri Levi, pris ro, ro rej karijer ñan Eō.

[22] Āinwōt re ban bwini jarlipju in lañ im re ban joñwe bok in lojet, āindein I naaj koor]ok ineen Devid, ri karijera, im ro ri Levai ro rej jermal ñan Eō.”

[23] Im naan in Jeova ear itok ñan Jeremaia im ba,

[24] “Kwō jab lo ke ta eo armej rein rej kōnono ke rej ba, ‘Bwij ko ruo Jeova E ar kālōti, E ar jo]ok er’? im rej kajekdoon armej ro doō; imaan mejeir re jab āinwōt juon aelōñ kiiō.”

[25] Āindein an Jeova ba, “E]añne e jako bujen eo Aō ippān raan im boñ, im I jab kajejjjet kakien ko an lañ im la];

[26] Innām barāinwōt I naaj jo]ok ineen Jakob im Devid ri karijerō bwe In jab bōk jān ineir juon bwe en irooj ion ineen Ebrean im Aisak im Jakob; bwe I naaj kajeplaak aer jeraamman im tūriamokake er.”

JEREMAIA – JEPTA 34

[34.1] Ke Nebukadnezar, Kiñ in Babilon, im aolepen jar in tariṅae eo an, im aelōñ otemjej an la] ko rej iumwin kajoor eo an, im armej otemjej raar tariṅaek Jerusalem im aolep jikinkwelok ko an, Naan in ear itok ñan Jeremaia jān Jeova im ba,

[2] “Āindein an Jeova, Anij in Israel ba, Kwōn etal im kōnono ñan Zedekaia Kiñ in Juda, im kwōn ba ñan e, ‘Āindein an Jeova ba, Lo Ij lelok jikinkwelok in ilo pein Kiñ in Babilon, im E naaj tile kōn kijeek.

[3] Im kwō ban ko jān pein, bwe ilo mool re naaj jibwe eok im lelok eok ṅa ilo pein; im mejōm re naaj lo mejen Kiñ in Babilon im loñōm e naaj kōnono ippān, im kwō naaj etal ñan Babilon.

[4] Bōtab kwōn roñjake ñan naan in Jeova, Zedekaia Kiñ in Juda; āindein an Jeova ba kōn eok: ‘Kwō ban mej kōn jāje.

[5] Kwō naaj mej ilo aenōmman, im renaaj kōmman kijeek kōn eok āinwōt raar kōmman kijeek kōn ro jimman, kiñ ro ilo jinoin ro raar mokta jān eok; im renaaj liaajlōj kōn eok im ba, ‘Aia, irooj!’ bwe I ar ba men in,” Jeova ej ba.

[6] Im Jeremaia ri kanaan eo e ar kwaļok naan kein otemjej ilo Jerusalem ñan Zedekaia Kiñ in Juda,

[7] Ke jar in tariṅae eo an Kiñ in Babilon e ar tariṅaek Jerusalem im jikinkwelok otemjej an Juda ko raar pād wōt, āinwōt Lakish im Azeka, bwe erkein jikinkwelok ko re pen me raar pād wōt ian jikinkwelok ko an Juda.

[8] Naan in ear itok ñan Jeremaia jān Jeova, mōjen an Kiñ Zedekaia kōmman juon bujen ippān armej otemjej ro raar pād ilo Jerusalem bwe ren kwaļok anemkwōj ñan er,

[9] bwe kajjojo en kanemkwōj karijeran mman im kōrā ri Hibru, bwe ejjeļok en kōmman bwe jimjein jimjātin ri Ju en ri karijer.

[10] Innām irooj otemjej im armej otemjej raar pokake, ro raar kōmmane bujen ñan kōtļok, kajjojo armej karijeran mman im kajjojo armej karijeran kōrā, bwe ren anemkwōj im jab bar ri karijeraer; im raar pokake im kōtļok er.

[11] Bōtab tokālik raar oktak, im raar karōltok ro ri karijeraer mman im kōrā ro emōj aer kanemkwōj er, im raar bar kamakokoik er bwe ren ri karijeraer mman im kōrā.

[12] Innām naan in Jeova ear itok ñan Jeremaia jān Jeova im ba,

[13] “Āindein an Jeova, Anij in Israel, ba, Ņa I ar kōmman juon bujen ippān ro jemami ilo raan eo I ar kadiwōjtok er jān āne in Ijpt jān mōn kamakoko im ba,

[14] ‘Ņe e jemļok jiljilimjuon iiō, kom naaj kanemkwōj, jabdewōt armej, jimjein jimjātin ri Hibru me emōj wiakake e ñan eok, im e ar jermal ñan eok iumwin jiljino iiō; innām kwōn kōtļok e bwe en anemkwōj jān eok.’ Bōtap ro jemami raar jab pokake Eō, im raar jab kajeortok lojilñeir.

[15] Im kiiō kom ar oktak im kom ar kōmman men eo ejimwe imaan meja bwe komwin kwaļok anemkwōj, jabdewōt armej ñan ri turin; im kom ar kōmman juon bujen imaō ilo mweo me rej naetan kōn Eta.

[16] Ak kom ar oktak im kanaanaik Eta, im jabdewōt armej ear kajeplaak karijeran mman im kōrā me e kar kōtļok er ñan anemkwōj ekkar ñan aer kōṅaan; im kom ar kamakokoik er bwe ren ri karijerami mman im kōrā.

[17] Kōn men in, āindein an Jeova ba, Kom ar jab pokake Eō bwe komwin kwaļok anemkwōj, kajjojo armej ñan jimjein jimjātin im ñan ri turin. Lo, Ņa ij kwaļok anemkwōj ñan kom, Jeova ej ba, ñan jāje, ñan nañinmej, im ñan nūta; im I naaj kōmman bwe kom naaj men in lōjñōñ ñan aelōñ otemjej ioon laj.

[18] Im I naaj lelok armej ro raar kōkkure bujen eo Aō, ro raar jab kajejjet naan ko an bujen eo raar kōmmane imaō ke raar bukwe koṅ in kau eo ilo ruo mōttan im etal ikōtaer,

[19] (irooj ro in Juda im irooj ro in Jerusalem, eunok ro im pris ro im aolep armej ilo āneo ro raar etal ikōtaan mōttan ko an koṅ in kau eo),

[20] Aet, I naaj lelok er ilo pein ro rej kōjdāt er im ilo pein ro rej pukōt aer mour. Im ānbwinneir re mej re naaj kijen bao in mejatoto im men in mour ioon laj.

[21] Im I naaj lelok Zedekaia Kiñ in Juda im irooj ro an ilo pein ro rej kōjdāt er, im ilo pein ro rej pukōt aer mour, im ilo pein jar in tariṅae an kiñ in Babilon, ro raar etal jān kom.

[22] Lo, I naaj jiroñ, Jeova ej ba, im I naaj karɔltok er ñan jikinkwelɔk in, im re naaj tariñaek e im bōk e im tile kōn kijeek; im I naaj kōmman jikinkwelɔk ko in Juda bwe ren jeepepɔk im ejjelɔk armej enaaj jokwe ie.

JEREMAIA – JEPTA 35

[35.1] Naan in ear itok ñan Jeremaia jān Jeova ilo raan ko an Jehoiakim nejin Josaia Kiñ in Juda im ba,

[2] “Kwōn etal ñan mōn ro ri Rekab, im kwōn kōnono ippaer, im kwōn āñintok er ñan mōn Jeova ñan juon ian rum ko, im kwōn leɔk wain ñan er bwe ren idaak.”

[3] Innām I ar bōk Jazanaia, nejin Jeremaia, nejin Habazinia, im ro jimjein jimjāten, im ro nejin otemjej im aolepen ro ri Rekab.

[4] Im I ar āñintok er ñan mōn Jeova ñan rum eo an ro nejin Kanaan, nejin Igdelaia, armej in Anij, eo ear epaak ñan rum eo an irooj ro, eo e ar ilōñin rum eo an Maasaia, nejin Shallum, ri lale kōjām.

[5] Innām I ar likūt imaan nejin ro ri Rekab jāpe ko re lōñ kōn wain im kab ko, im I ar ba ñan er, “Komwin daak wain.”

[6] Im raar ba, “Kōmij jab idaak wain, bwe Jonadab, nejin Rekab, jemem, e ar jiroñ kōm im ba, ‘Komwin jab idaak wain, kom im ro nejimi, ñan indeeo.

[7] Im komwin jab kōkal em, ak jeor ine, ak ekkat bwil in grep, im ren jab ami, ak kom naaj jokwe ilo em nuknuk ko raan ko ami otemjej, bwe en to ami mour ilo āneo ijo komij ri itoitak ie.’

[8] Im kōm ar pokake ainikien Jonadab nejin Rekab, jemām, ilo men otemjej e ar jiroñ kōm, bwe kōmin jab idaak wain raan ko ad otemjej, kōm, limaro pāleem, ro nejin Jaddik, im ro nejim leddik;

[9] Im bwe kōmin jab ekkal em bwe kōmin jokwe ilowan, im en ejjelɔk am bwil in grep ak meɔaaj ak ine.

[10] Im kōm ar jokwe ilo em nuknuk, im kōm ar pokake im kōmman men otemjej Jonadab, jemem, e ar jiroñ kōj.

[11] Ak ke Nebukadnezzar Kiñ in Babilon ear itok ñan āneo, kōm ar ba, ‘Itok, im jen deɔñ ilo Jerusalem mokta jān an itok jar in tariñaek an ro ri Kaldia im jar in tariñaek an ro ri Aram.’ Im kōm ar jokwe ilo Jerusalem.”

[12] Innām naan in Jeova e ar itok ñan Jeremaia im ba,

[13] “Āindein an Jeova in inelep, Anij in Israel ba, Kwōn etal im kwōn ba ñan armej in Juda im ro rej jokwe ilo Jerusalem, ‘Komij jab bōk katak im roñjake ñan Naan ko Aō ke? Jeova ej ba.

[14] Emōj kapen naan ko an Jonadab nejin Rekab ko ear jiroñ ro nejin bwe ren jab idaak wain, im re jab idaak ñan rainin bwe rej pokake kien eo an jemeir. Ak e kar makijkij Aō kōnono ñan kom, ak kom ar jab roñjake Eō.

[15] Im I ar jilkinwōj ro ri karijera, ri kanaan ro otemjej, im ear makijkij Aō jilkinwōj er bwe ren ba, ‘Komwin oktak mōk, kajjojo iamī jān ial ko an re nana, im komwin kajimweiki kōmman ko ami, im komwin jab loor anij ro jet bwe komwin karijer ñan er, innām kom naaj jokwe ilo āneo I ar lewōj ñan kom im ñan ro jememi.’ Ak kom ar jab kajeortok lojilñemi ak roñjake ñan Eō.

[16] Ro nejin Jonadab nejin Rekab raar kōjparok kien eo an jemeir eo ear jiroñ er, ak armej rein raar jab roñjake Eō.’

[17] Kõn men in, äindein an Jeova, Anij in inelep, Anij in Israel, ba, ‘Lo, Ij bõkļok ion Juda im ion ro otemjej rej jokwe ilo Jerusalem aolepen jorrään eo I ar kõnono ɳae er, bwe I ar kõnnaan ɳan er ak raar jab roņjake, im Iar kūr er, ak raar jab uwaak.’”

[18] Innām Jeremaia ear ba ɳan ro ri Rekab, “Äindein an Jeova in inelep, Anij in Israel, ba, ‘Kõn ami kar pokake kien eo an Jonedab jememi, im koᄃ ar pokake aolep kien ko an, im koᄃ ar kõᄃᄃan men otemjej E ar jiroñ kom,’”

[19] Kõn men in äindein an Jeova in inelep, Anij in Israel ba, “E ban likjab bwe en wor juon armej jån Jonedab nejin Rekab bwe en jutak iᄃaõ iien otemjej.”

JEREMAIA – JEPTA 36

[36.1] Im ilo iiõ eo kein ka emån an Jehoiakim nejin Josaia Kiñ in Juda, naan in ear itok ɳan Jeremaia jån Jeova im ba,

[2] “Kwõn bõk juon bok, im kwõn je ilo e naan ko otemjej eᄃõj Aõ kõnono ɳan eok ikijjien Israel im Juda im aelõñ otemjej, jån raan ko I ar kõnono ippām, jån raan ko an Josaia, ɳan rainin.

[3] Bõlen ro ilo ᄃõn Juda re naaj roņjake aolep jorrään eo Ij pepe in kõᄃᄃan ɳae er, innām re naaj oktak, jabdewõt armej jån ial ko an renana, innām I naaj joļok nana ko aer im jerowiwu ko aer.”

[4] Innām Jeremaia ear kūrtoᄃ Baruk nejin Neraia; im Baruk ear je ilo bok eo, jån loñin Jeremaia, naan ko otemjej an Jeova ear kwaļoki ɳan e.

[5] Innām Jeremaia ear jiroñ Baruk im ba, “Eᄃõj bõbrae eõ bwe in jab maroñ etal ɳan ᄃõn Jeova;

[6] Ak kwe, kwõn etal im kõnono jån bok eo, ilo eo kwar je jån loñiõ naan ko an Jeova, ilo lojilñin armej ro rej pād ilo ᄃõn Jeova ilo raan in jitlok. Barāinwõt kwõn kõnono kake ilo lojilñin ro ri Juda otemjej re rej itok jån jikinkwelok ko aer.

[7] Bõlen akweļap eo aer enaaj itok iᄃaan Jeova, im re naaj oktak, jabdewõt armej jån ial eo an enana; bwe eļap illu eo im illu ebwil me Jeova ear kwaļok ɳae armej rein.”

[8] Im Baruk nejin Niraia ear kõᄃᄃan ekkar ɳan men otemjej Jeremaia ri kanaan eo ear jiroñ e, bwe en kõnono jån bok eo naan ko an Jeova ilo ᄃõn Jeova.

[9] Im ear waļok, ilo allõñ eo kein ka ruwatimjuon ilo iiõ eo kein ka ļalem an Jehoiakim, nejin Josaia, Kiñ in Juda, bwe aolep armej ilo Jerusalem im aolep ro raar deļoñ ilo Jerusalem jån jikinkwelok ko in Juda raar kwaļok juon jitlok iᄃaan Jeova.

[10] Im Baruk ear kõnono jån bok eo naan ko an Jeremaia ilo lojilñin aolep armej ilo ᄃõn Jeova ilo rum eo an Gemaraia, nejin Sapan, ri jeje eo, ilo jikin eo ilõñ ilo jikin deļoñ an kõjām ekāal ilo ᄃõn Jeova .

[11] Im ke Mikaia, nejin Gemaraia, nejin Sapan, ear roņjake aolep naan ko an Jeova jån bok eo,

[12] Im ear wanlaļok ɳan ᄃõn Kiñ eo ɳan rum eo an ri jeje eo. Im lo, aolep irooj ro raar jijet ie: Elishamañ ri jeje eo, im Delaia nejin Shemañaia, im Elnatan nejin Ņakbor, im Gemaraia nejin Sapan, im Zedekaia nejin Kanenaia, im irooj ro jet.

[13] Innām Mikaia ear kwaļok ɳan er naan otemjej ear roņjake ke Baruk ear kõnono jån bok eo ilo lojilñin armej ro.

[14] Innām aolep irooj ro raar jilkinļok Jehudi, nejin Selemaia, nejin Kusi ñan Baruk im ba, “Bōktok ilo peim bok eo kwar kōnono jān e ilo ļojilñin armej ro, im itok.” Innām Baruk nejin Neriaia ear bōk bok eo ilo pein, im e ar ilok ñan er.

[15] Im raar ba ñan e, “Jijet mōk im kōnono jān e ilo ļojilñōd.” Im Baruk ear kōnono ilo ļojilñier.

[16] Im ear āindein bwe, ke raar roñjake naan kein otemjej, raar lōļñōñ, jabdewōt iair ippān eo mōttan, im raar ba ñan Baruk, “Ilo mool kōm naaj kwalok naan kein otemjej ñan Kiñ eo.”

[17] Im raar kajjitōk ippān Baruk im ba, “Kwalok mōk ñan kōm: ekōjkan am kar je naan kein otemjej? jān ļoñin ke?”

[18] Innām Baruk ear ba ñan er, “Kōn ļoñin ear kwalok naan kein otemjej ñan eō, im iar je ilo bok eo kōn ink.”

[19] Im irooj ro raar ba ñan Baruk, “Kwōn etal im kūtelek, komiro Jeremaia, im ejjeļok armej en jeļā ia eo komij pād ie.”

[20] Im raar etal ñan Kiñ eo ilo oror eo, ak re kar likūt bok eo ilo rum eo an Elishamañ ri jeje eo; innām raar kwalok naan otemjej ilo ļojilñin Kiñ eo.

[21] Im Kiñ eo ear jilkinļok Jehudi bwe en bōk bok eo, im ear bōk e jān rum eo an Eliahamañ ri jeje eo; innām Jehudi ear kōnono e ilo ļojilñin Kiñ eo im ilo ļojilñin aolep irooj ro raar jutak iturin Kiñ eo.

[22] Im Kiñ eo ear jijet ilo mweo in añōn eañ ilo allōñ eo kein ka ruwatimjuon, im ear bwil kijeek eo ilo jikin kijeek eo imaan.

[23] Im ear waļok bwe ke Jehudi ear kōnono jilu ak emān alen, Kiñ eo e ar mwijiti kōn juon naib in ri jeje, im ear joļok e ilo kijeek eo ear ilo jikin kijeek eo mae iien e mat aolepen bok eo ilo kijeek eo ear pād ilo jikin kijeek.

[24] Im Kiñ eo im aolep ro ri karijeran ro raar roñjake naan kein otemjej raar jab mijak im raar jab kekel nuknuk ko aer.

[25] Im meñe Elnatan im Delaia im Gemeraia raar akweļap ippān Kiñ eo bwe en jab tile bok eo, ear jab eņoñ er.

[26] Innām Kiñ eo ear jiroñ Jerakemael nejin Kiñ eo, im Seraia nejin Ñazriael im Shelemaia nejin Ñabedael bwe ren bōk Baruk, ri jeje eo, im Jeremaia, ri kanaan eo; ak Jeova ear ņooj er.

[27] Innām ālikin an Kiñ eo tile bok eo im naan ko Baruk ear je jān ļoñin Jeremaia, naan in Jeova ear itok ñan Jeremaia im ba,

[28] “Kwōn bar bōk bar juon bok, im kwōn je ilo e naan ko mokta otemjej ko raar pād ilo bok eo mokta eo Jehoiakim Kiñ in Juda ear tile.

[29] Im ikijjen Jehoiakim Kiñ in Juda kwōn ba, ‘Āindein an Jeova ba: Kwar tile bok in im ba, ‘Etke kwar je ilo e im ba bwe ilo mool Kiñ in Babilon e naaj kōkkure āne in im naaj man armej im men in mour ilo e?’

[30] Kōn men in, āindein an Jeova ba ikijjen Jehoiakim Kiñ in Juda: ‘Enaaj ejjeļok nukwōn ñan jijet ion tūroon eo an Devid, im re naaj joļok ānbwinnen e mej ñan mǎānān in raan im molo in boñ.

[31] Im I naaj kajeik e im ineen im ro ri karijeran kōn nana ko aer, im I naaj bōk ioer im ion ro rej jokwe ilo Jerusalem im ion armej in Juda, aolepen jorrān ko I ar kōnono kake ñan er, bwe raar jab pokake.”

[32] Innām Jeremaia ear bōk bar juon bok, im ear lelōk e ñan Baruk nejin Neriaa, ri jeje eo, im e ar je ilo e jān lōñin Jeremaia naan otemjej an bok eo me Jehoiakim Kiñ in Juda ear tile kōn kijeek; kab emōj kobaik elōñ bar jet naan aerlōkwōt.

JEREMAIA – JEPTA 37

[37.1] Im Kiñ Zedekaia, nejin Josaia, eo Nebukadnezzar Kiñ in Babilon ear kairooj ilo āne in Juda, ear kiñ ilo jikin Konaia, nejin Jehoiakim.

[2] Bōtab e im ro ri karijeran im armej ro in āneo raar jab roñjake ñan naan ko an Jeova ko E ar kōnono kōn Jeremaia ri kanaan eo.

[3] Ak Kiñ Zedekaia ear jilkinlōk Jehukal, nejin Shelemaia, im Zepanaia, nejin Maasaia pris eo, ñan Jeremaia ri kanaan eo im ba, “Kwōn jar mōk ñan Jeova ad Anij kōn kōm.”

[4] Im Jeremaia ear itoitak ibwiljen armej ro, bwe re jañin likūt e ilo mōn kalbuuj.

[5] Im jar in tariṅae an Pero ear diwōjtok jān Ijpt, im ke ro ri Kaldia ro raar nitbwile Jerusalem raar roñ naan in, raar ilōk jān Jerusalem.

[6] Innām naan in Jeova ear itok ñan Jeremaia im ba,

[7] “Āindein an Jeova, Anij in Israel ba, Āindein am naaj ba ñan Kiñ in Juda eo ear jilkintok kom ñan Eō bwe en pukōt Eō, ‘Lale mōk, jar in tariṅae eo an Pero eo ear diwōjtok bwe en jipañ kom, enaaj roḡl ñan āneo an, Ijpt.

[8] Im ro ri Kaldia re naaj jepḷaaktok im re naaj tariṅaek jikinkwelōk in, im re naaj bōk e im tile kōn kijeek.

[9] Āindein an Jeova ba, Komwin jab make moḡ kom im ba, ‘Ilo mool ro ri Kaldia rej ilōk jān kōm,’ bwe re ban ilōk.

[10] Bwe eḷañne kom ar man aolepen jar in tariṅae eo an ro ri Kaldia ro rej tariṅaek kom, im ear pād wōt iaer armej re kinejne, jabdewōt ilo im nuknuk eo an, re naaj jerkak im tile jikinkwelōk in kōn kijeek.”

[11] Im ālikin an jar in tariṅae an ro ri Kaldia ilōk jān Jerusalem imaan jar in tariṅae an Pero,

[12] Innām Jeremaia ear ilōk jān Jerusalem bwe en etal ñan āne in Benjamin bwe en bōk kij eo an ijo ibwiljin armej ro.

[13] Im ke ear pād ilo kōjām in Benjamin, juon irooj in ri kōbōjrak ear pād ie, im etan Irejaia, nejen Shelemaia nejin Kanenaia; im ear jibwe Jeremaia ri kanaan eo im ba, “Kwōj ilōk ñan ippān ro ri Kaldia.”

[14] Ak Jeremaia ear ba, “Riab men in! I jab etal ñan ippān ro ri Kaldia.” Ak ear jab eḡroñ e, innām Irejaia ear jakōl Jeremaia, im ear bōklōk e ñan irooj ro.

[15] Im irooj ro raar illu ippān Jeremaia, im raan man e, im raar likūt e ilo kalbuuj ilo mōn Jonetan, ri jeje eo, bwe raar kōmman juon jikin kalbuuj ie.

[16] Innām Jeremaia ear deḷoñ ilo roñ eo, rum in kalbuuj eo, im Jeremaia ear pād ie iumwin elōñ raan.

[17] Innām Kiñ Zedekaia ear jilkinlōk im bōk e, im Kiñ eo ear kajjitōk ippān ilo ettino ilo mweo imōn, im ear ba, “Ewor ke naan jān Jeova?” Im Jeremaia ear ba, “Ewor.” Innām ear ba, “Re naaj leḷok eok na ilo pein Kiñ in Babilon.”

[18] Innām Jeremaia ear ba ñan Kiñ Zedekaia, “Ta jerowwi eo iar kōmmane ñae eok ak ñae ro ri karijeram ak ñae armej rein bwe kom ar likūt eo ilo mōn kalbuuj eo?”

[19] Im erri ri kanaan ro ami ro raar rūkaanj ñan kom im ba, “Kiñ in Babilon e ban itok ñae kom im ñae āne in?”

[20] Innām kiiō, roñjake mōk, aō irooj, Kiñ. Kajjitōk eo aō en imaan mōk, im kwōn jab karool eō ñan mōn Jonetan, ri jeje eo, bwe in jab mej ie.”

[21] Innām Kiñ Zedekaia ear jiroñ, im raar likūt Jeremaia ilo oror in mōn kalbuuj eo, im raar lelōk ñan e juon iep in pilawā raan otemjej jān ial an ro ri kōmat pilawā ñae iien emat aolep pilawā ilo jikinkwelōk eo. Im Jeremaia ear pād ilo oror in mōn kalbuuj eo.

JEREMAIA – JEPTA 38

[38.1] Innām Shepetaia, nejin Matan, im Gedelaia, nejin Pashkur, im Jukal, nejin Shelemaia, im Pashku, nejin Malikaija raar roñ naan ko Jeremaia ear kōnono ñan aolep armej ro ke ear ba,

[2] “Āindein an Jeova ba, Eo ej pād wōt ilo jikinkwelōk in e naaj mej kōn jāje, kōn ñūta, im kōn nañinmej, ak eo ej diwōj]ōk ñan ro ri Kaldia e naaj mour im mour eo an enaaj āinwōt men in rakim, im e naaj mour.

[3] Āindein an Jeova ba, Ilo mool I naaj lelōk jikinkwelōk in ña ilo pein jar in tariñae an Kiñ in Babilon, im e naaj bōk e.”

[4] Innām irooj ro raar ba ñan Kiñ eo, “En mej kiiō ɽe in bwe āindein an kamōjñojik pein ri tariñae ro rej pād wōt ilo jikinkwelōk in im pein armej otemjej kōn an ba naan kein ñan er, bwe armej in ej pukōt jerata im jab jeraamman an armej rein.”

[5] Innām Kiñ Zedekaia ear ba, “Ekwe, ej ilo peōmi, bwe Kiñ eo ejab maroñ kōmman jabdewōt ñae kom.”

[6] Im raar bōk Jeremaia im raar jo]ōk e ña ilo roñ eo an Malkaija, nejin Kiñ eo, eo ear ilo oror in mōn kalbuuj eo, im raar lelaj]ōk Jeremaia kōn to ko. Im ear ejjelōk dān ilo roñ eo, ak pedkat wōt. Im Jeremaia ear rūm]ōk ilo pedkat.

[7] Im Ebedmelek, ri Itiopia, eo ear juon eunuk, im ear pād ilo mōn kiñ eo, ke ear roñ bwe raar likūt Jeremaia ilo roñ eo, im Kiñ eo ear jijet ilo kōjām in Benjamin,

[8] Innām Ebedmelek ear diwōj]ōk jān mōn Kiñ eo, im ear kōnono ñan Kiñ eo im ba,

[9] “Aō Irooj, Kiñ, armej rein raar kōmman nana ilo aolep men ko raar kōmmani ñan Jeremaia, ri kanaan eo, eo raar jo]ōk e ilo roñ eo, im enaaj mej ie kōn kwōle, bwe emat pilawā ilo jikinkwelōk eo.”

[10] Innām Kiñ eo ear jiroñ Ebedmelek, ri Itiopia eo, im ba, “Kwōn bōk jān ijin jilñoul emmaan im bōklōñtak Jeremaia, ri kanaan eo, jān roñ eo mokta jān an mej.”

[11] Im Ebedmelek ear bōk ɽōmaran, im ear de]ōñ ilo mōn Kiñ eo ñan iumwin jikin kakonkon mweiuk ko, im ear bōk jān ijo nuknuk ko re mor im mōttan ko re mor; im Ear lelaj]ōk i kōn to ko ñan Jeremaia ilo roñ eo.

[12] Im Ebedmelek, ri Itiopia, ear ba ñan Jeremaia, “Kwōn likūt mōk nuknuk kein im mōttan kein re mor iumwin medwañin peōm iumwin to ko.” Im Jeremaia ear kōmman āindein.

[13] Im raar kotaake Jeremaia kōn to ko im raar bōklōñtok e jān roñ eo; im Jeremaia ear pād ilo oror in jikin kalbuuj.

[14] Innām Kiñ Zedekaia ear bōk Jeremaia, ri kanaan eo, ñan e make ilo jikin deļoñ kein ka jilu ilo mōn Jeova; im Kiñ eo ear ba ñan Jeremaia, “Inaaj kajjitōk ippam̄ juon men; kwōn jab ŋooj jabdewōt jān eō.”

[15] Im Jeremaia ear ba ñan Zedekaia, “Eļañne Ij kōnnaanōk eok, mool ke kwō ban man eō? Im eļañne ij kapilōke eok, kwō ban eoroñ eō.”

[16] Innām Kiñ Zedekaia ear kanejnej ñan Jeremaia ilo ettino im ba, “Āinwōt Jeova ej mour, Eo ear kōmanman kōj, I ban man eok im I ban leļok eok ilo pein armej rein ro rej pukōt am̄ mour.”

[17] Innām Jeremaia ear ba ñan Zedekaia, “Āindein an Jeova, Anij in inelep, Anij in Israel ba, Eļañne ilo mool kwō naaj diwōj]ok ñan irooj ro an Kiñ in Babilon, innām kwō naaj mour, im re ban tile jikinkwelok in kōn kijeek; kwō naaj mour im ro ilo mweo imōm̄.

[18] Ak eļañne kwō jab diwōj]ok ñan irooj ro an Kiñ in Babilōn, innām naaj leļok jikinkwelok in ilo pein ro ri Kaldia, im re naaj tile kōn kijeek, im kwe, kwō ban joor jān peir.”

[19] Innām Kiñ Zedekaia ear ba ñan Jeremaia, “Ij mijak ro ri Ju, ro raar etal ñan ippān ro ri Kaldia, ñe ab ren leļok eō ŋa ilo peir im ren man eō.”

[20] Im Jeremaia ear ba, “Re ban leļok eok. Jouj im pokake ainikien Jeova eo ij kwaļoke ñan eok, bwe en emman ippām im bwe kwōn mour.

[21] Bōtab eļañne kwōj abwin diwōj]ok, eñin naan eo Jeova ear kwaļoke ñan eō:

[22] Ekwe, re naaj kadiwōj]ok aolep kōrā ro rej pād wōt ilo mōn Kiñ in Juda ñan irooj ro an Kiñ in Babilon; im re naaj ba, ‘Ro jeraŋ raar kejabwābweik eok im anjo iom̄; neōm̄ re rūm]ok ilo pedkat; raar oktak jān kwe.’

[23] Im re naaj kadiwōj]ok aolep liŋaro pāleōm̄ im ro nejōm̄ ļaddik ñan ro ri Kaldia, im kwe, kwō ban joor jān peir, bwe Kiñ in Babilon enaaj jibwe eok kōn pein, im jikinkwelok in enaaj bwil kōn kijeek.”

[24] Im Zedekaia ear ba ñan Jeremaia, “Ejjeļok armej en jeļā kōn naan kein, im kwō ban mej.

[25] Im eļañne irooj ro rej roñ bwe I ar kōnnaan ippam̄, im rej iwōj im ba ñan eok, ‘Kwaļok mōk ñan kōm ta eo kwar ba ñan Kiñ eo; kwōn jab ŋooje jān kōm im kwō ban mej; im ta eo Kiñ eo ear ba ñan eok.’

[26] Innām kwō naaj ba ñan er, ‘Iar kwaļok aō kajjitōk imaan Kiñ eo bwe en jab karōļ eō ñan mōn Jonatan bwe in mej ie.’”

[27] Innām irooj ro otemjej raar etal ñan Jeremaia, im raar kajjitōk ippān; im ear kwaļok ñan er aolep naan ko Kiñ eo ear jiroñ e. Innām raar kamōj]ok aer kōnnaan ippān, bwe ejjeļok ear roñjake aerro kōnnaan.

[28] Innām Jeremaia ear pād wōt ilo oror in mōn kalbuuj eo mae raan eo emōj bōk Jerusalem.

JEREMAIA – JEPTA 39

[39.1] Im āindein ke emōj bōk Jerusalem: Ilo iiō eo kein ka ruwatimjuon an Zedekaia, Kiñ in Juda, ilo allōñ eo kein ka joñoul, Nebukadnezzar im jar in tariŋae eo an otemjej raar itok ŋae Jerusalem im nitbwile.

[2] Ilo iiō eo kein ka joñoul juon an Zedekaia ilo allōñ eo kein ka emān ilo raan eo kein ka joñoul an allōñ eo, emōj rupe oror in jikinkwelok eo.

- [3] Innām aolep irooj ro an Kiñ in Babilon raar deļoñ, im raar jijet ilo kōjām eo ioļap: Nergalsarezar, Samgarnebu, Sarsekim, Rabsaris, Nergalsarezar Rabmag, im aolep irooj ro jet an Kiñ in Babilon.
- [4] Im ke Zedekaia, Kiñ in Juda, im aolep armej in tariņae raar lo er, raar ko, im raar diwōjļok ilo boñ jān jikinkwelok eo ilo ial eo in jikin kallib eo an kiñ, ilo kōjām eo ikōtaan oror ko, im ear diwōjļok ilo ial in āne jēmaden.
- [5] Innām jar in tariņae eo an ro ri Kaldia raar lukworkwor er, im raar tōpar Zedekaia ilo āne jēmaden in Jeriko, im raar bōk e im aīnļok e ñan Nebukadnezzar, Kiñ in Babilon, i Riblath ilo āne in Homat; im ear kwaļok kaje eo an.
- [6] Im Kiñ in Babilon ear man aolep ro nejin Zedekaia imaan mejen ilo Ribla ; barāinwōt Kiñ in Babilon ear man aolep ro re utiej in Juda.
- [7] Innām ear itūki mejen Zedekaia, im ear lukwōje kōn jeen ko re jinibōrōrō bwe en āīnļok e ñan Babilon.
- [8] Im ro ri Kaldia raar tile mōn kiñ eo im moko mōn armej kōn kijeek, im raar rupe oror ko in Jerusalem.
- [9] Im Nebuzaradan, irooj an ro ri kōbōjrak, ear kajipokweik bween armej ro raar pād wōt ilo jikinkwelok eo, im ro re kar ko ñan ippān, im armej ro jet me raar pād wōt.
- [10] Im Nebuzaradan, irooj an ro ri kōbōjrak, ear likūt ilo āne in Juda ro re jeraṃōl ian armej ro me ekar ejjeļok mweieir. Im ear leļok ñan er bwil in greg ko im bukwōn ko ilo raan eo.
- [11] Im Nebukadnezzar, Kiñ in Babilon, ear jiroñ ikijjien Jeremaia, eo ear pād ilo pein Nebuzaradan, irooj an ro ri kōbōjrak, im ba,
- [12] “Bōk e im lale e, im kwōn jab kōkkure e ñan jiddik; bōtab kwōn kōmman ñan e āinwōt an kōnono ñan eok.”
- [13] Innām Nebuzaradan, irooj an ro ri kōbōjrak, im Nebushazban Rab-Saris, im Nergalsar-Etser, Rab-mag, im aolep irooj ro an Kiñ in Babilon, raar jiroñ,
- [14] Im raar jilkinļok im bōk Jeremaia jān oror in mōn kalbuuj eo, im raar leļok e ñan Gedalaia, nejin Ahikim, nejin Sapan, bwe en bōkļok e ñan mweo imōn; innām ear jokwe ibwiljin armej ro.
- [15] Im ke ear kalbuuj ilo oror in mōn kalbuuj eo, naan in Jeova ear itok ñan Jeremaia im ba,
- [16] “Kwōn etal im ba ñan Ebedmelek, ri Itiopia, im ba, ‘Āindein an Jeova in inelep, Anij in Israel, ba, Lo, Ij kajejjet naan ko Aō ñae jikinkwelok in bwe en jorrān im jab jeraamman, im renaaj waļok imaan ilo raan eo.
- [17] Im I naaj lōmōrem ilo raan eo,’ Jeova ej ba, ‘im re ban leļok eok ña ilo pein armej ro kwōj mijak er.
- [18] Bwe ilo mool I naaj lōmōrem, im kwō ban buñ kōn jāje, ak am mour enaaj āinwōt men in rakim ñan eok, bwe kwar lōke Eō,’ Jeova ej ba.”

JEREMAIA – JEPTA 40

[40.1] Naan in ear itok ñan Jeremaia jān Jeova ālikin an Nebuzaradan, irooj an ro ri kabōjrak, kōtļok e jān Rema, ijo e ear bōkļok e ñan ie ke eṃōj lukwōj e kōn jeen ko ibwiljin ro ri jipokwe an Jerusalem im Juda, ro eṃōj kajipokweik er ļok ñan Babilon:

[2] Im irooj an ro ri kabōjrak ear bōk Jeremaia im ba ñan e, “Jeova aṃ Anij ear kwaḷok jorrāan in ñae jikin in;

[3] Im Jeova ear kajejjete im kōṃṃmane ainwōt An kar ba, bwe koṃ ar jerōwiwi ñae Jeova, im koṃ are jab eḡroñ ainikien; innām men in ear waḷok ñan koṃ.

[4] Im kiiō, lo, ij kōtḷok eok rainin jān jeen ko raar pād ion peōṃ. Eḷaññe eṃṃan ippaṃ bwe kwōn itok ippa ñan Babilon, itok, im I naaj lale eok; ak eḷaññe enana ippaṃ in itok ippa ñan Babilon, ainwōt juon. Kwōn lale aolep āne eo iṃaam, im ijo ej eṃṃan im ekkar ippaṃ bwe kwōn etal ñan ie, kwōn etal ñan ie.”

[5] Im ke ear pād wōt, ear ba, “Kwōn jepḷaak ñan ippān Gedalaia, nejin Ahikam, nejin Sapan, eo Kiñ in Babilon ear kairooj e ion jikinkwelok ko in Juda, im kwōn jokwe ippān ibwiljin armej ro, ak kwōn etal ñan ijo jabdewōt ej eṃṃan ippaṃ.” Im irooj in ro ri kabōjrak ear lelok ñan e ṃōñā im juon men in lelok, im ear jilkinḷok e.

[6] Innām Jeremaia ear etal ñan ippān Gedalaia, nejin Ahikam, ñan Mizpa; im ear jokwe ippān ibwiljin armej ro raar pād wōt ilo āne eo.

[7] Im irooj ro in jar in tariṃae ro raar pād ilo meḷaaj, er im eṃṃaan ro ippaer, raar roñ bwe Kiñ in Babilon ear jitōñe Gedalaia, nejin Ahikam, ion āne eo, im bwe ear lelok ñan e eṃṃan ro im kōrā ro im ajri, im ro ri jeraṃōl an āne eo ro raar jāñin kajipokweik er ñan Babilon.

[8] Innām raar itok ñan ippān Gedalaia i Mizpa: Ishmael, nejin Netenaia, im Johanaan im Jonatan ro nejin Kareh, im Seraia nejin Tanehumet, im ro nejin Epai ri Netopat, im Jezanaia nejin ri Maakat; er im eṃṃan ro ippaer.

[9] Im Gedalaia, nejin Ahikam nejin Sapan, ear kanejnej ñan er im ñan armej ro ippaer im ba, “Koṃwin jab mijak in karijer ñan ro ri Kaldia. Jokwe ilo āne in im karijer ñan Kiñ in Babilon, im enaaj eṃṃan ippemi.

[10] Ak ña, ekwe ña inaaḷ jokwe ilo Mizpa bwe in jutak iṃaan ro ri Kaldia ro renaaj itok ñan kōj. Innām koṃ, koṃwin aini wain, im leen iien māññāñ, im oil, im likūti ilo nien ṃōñā ko ami, im koṃwin jokwe ilo jikinkwelok ko ami ko koṃ ar bōki.”

[11] Im barāinwōt aolep ri Ju ro raar ilo Moab, im ippān ro nejin Ammon, im ilo Idom, im ro raar ilo aolep āne ko jet, raar roñ bwe Kiñ in Babilon eo ear likūt jet bwe ren pād wōt ilo Juda, im bwe ear likūt Gedalaia, nejin Akikam nejin Sapan ioe.

[12] Innām ri Ju ro otemjej raar jepḷaaktok jān aolep jikin ko eṃōj kadiwōjḷok er ñan i, im raar itok ñan āne in Juda ñan Gedalaia i Mizpa, im raar aini e kanooj lōñ wain im leen iien māññāñ.

[13] Innām Johanaan nejin Kareh im aolep irooj ro in jar in tariṃae ro raar pād ilo meḷaaj, raar itok ñan ippān Gedalaia i Mizpa.

[14] Im raar ba ñan e, “Kwō lukkuun jeḷā ke bwe Baalis, Kiñ an ro nejin Ammon, ear jilkintok Ishmael nejin Netenaia bwe en bōk aṃ mour?” Bōtab Gedalaia, nejin Ahikam, ear jab tōmak er.

[15] Innām Johanaan nejin Kareh ear kōnono ñan Gedalaia ilo ettino ke ear pād i Mizpa, im ear ba, “In etal ṃōk im ṃan Ishmael nejin Netenaia, im eḷjeḷok enaaj jeḷā kake. Etke en ṃan eok, bwe aolep ro ri Juda ro raar kweiloktok ñan kwe ren jeplōklōk, im ro rej pād wōt i Juda ren jako?”

[16] Im Gedalaia nejin Ahikam ear ba ñan Johanaan nejin Kareh, “Kwōn jab kōṃṃman men in, bwe e riab men eo kwōj ba kōn Ishmael.”

JEREMAIA – JEPTA 41

[41.1] Im ilo allōñ eo kein ka jiljilimjuon, Ishmael, nejin Netenaia nejin Elishamañ, eo jān baamle in kiñ im juon ian irooj ro, ear itok, im joñoul armej ippān, ñan Gedelaia, nejin Ahikam, i Mizpa. Im raar mōñā pilawā ippān doon ie i Mizpa.

[2] Innām Ishmael, nejin Netenaia, ear jerkak, e im armej ro joñoul ippān, im raar man Gedelaia nejin Ahikam nejin Sapan kōn jāje. Ear man armej me Kiñ in Babilon ear kairooj e ioon āne eo.

[3] Im Ishmael ear man aolep ri Ju ro raar pād ippān Gedelaia i Mizpa im ro ri Kaldia, armej in tariṇae, ro emōj lo er ie.

[4] Im raan eo, ālikin aer kar man Gedelaia, ke ejjelok ear jelā kake,

[5] Ruwalitōkñoul armej raar itok jān Shekem, Shailo, im Sameria, emōj reza kwōdeak ko aer im kekel nuknuk ko aer im make bukwe er; im ilo peir men in katok im kajjurjur ñan bōktok ñan mōn Jeova.

[6] Im Ishmael nejin Netenaia ear diwōjlok jān Mizpa bwe en wōnmae er, im ear jañ ke ear etal. Im ke ear ioon er, ear ba ñan er, “Komwin itok ñan Gedelaia nejin Ahikam.”

[7] Innām ke raar deļoñ ilowan jikinkwelok eo, Ishmael, nejin Netenaia, e im armej ro ippān, ear man er im joļok er na ilo juon roñ.

[8] Im raar lo joñoul armej iaer ro raar ba ñan Ishmael, “Kwōn jab man kōm, bwe ewor jet mweiuk ko mweiud ilo meļaa: wit, im barli, im oil, im òne.” Innām ear kōtlok er im jab man er ippān ro jet.

[9] Im roñ eo, ijo Ishmael ear joļok aolep ubōn armej ro ear man er kōn Gedelaia, ej men eo Kiñ Esa ear kōmmane kōn Baasha, Kiñ in Israel. Ishmael, nejin Netenaia ear kobrak e kōn ānbwinnen armej re mej.

[10] Innām Ishmael ear kajipokweik aolep armej ro raar pād wōt ilo Mizpa: liṃaro nejin Kiñ eo, im aolep armej ro raar pād wōt ilo Mizpa, ro Nebuzaraden, irooj in ro ri kōbōjrak, ear likūt iumwin Gedelaia nejin Ahikam. Im Ishmael, nejin Netenaia, ear kajipokweik er, im ear ilen eļļā ñan ro nejin Ammon.

[11] Im Johanaan nejin Karek, im aolep irooj in tariṇae ro raar pād ippān, raar roñ kōn aolep nana eo Ishmael nejin Netenaia ear kōmmane.

[12] Im raar bōk aolep armej ro, im raar etal bwe ren tariṇaek Ishmael nejin Netenaia, im raar lo e iturin ļwe eo eļap ilo Gibeon.

[13] Im ke aolep armej ro raar ippān Ishmael raar lo Johanaan, nejin Karek, im aolep irooj in tariṇae ro raar ippān, raar mōñōñō.

[14] Im aolep armej ro Ishmael e kar kajipokweik er jān Mizpa raar oktak im jepļak im etal ñan ippān Johanaan, nejin Karek.

[15] Ak Ishmael, nejin Netenaia, ear ko jān imaan Johanaan, e im ruwalitōk armej ippān. Im ear etal ñan ippān ro nejin Ammon.

[16] Innām Johanaan nejin Karek im aolep irooj in tariṇae ro raar pād ippān, raar bōk jān Mizpa aolep armej ro raar pād wōt (armej in tariṇae ro, kōrā ro, ajri ro, im eunuk ro ear kejeļlaaktok jān Gibeon) ro ear bōktok jān Ishmael, nejin Netenaia, mōjen an kar man Gedelaia nejin Ahikam.

[17] Im raar etal im jokwe ilo Gerut Kimham, eo ej iturin Betleem bwe ren etal im deļoñ ilo Ijijt,

[18] Kōn ro ri Kaldia; bwe raar mijak er kōnke Ishmael, nejin Netenaia, ear man Gedelaia, nejin Ahikam, eo Kiñ in Babilon ear kairooj e ioon āne eo.

JEREMAIA – JEPTA 42

[42.1] Im aolep irooj in tariṇae ro, im Johanaan nejin Karek, im Jezanaia nejin Hosaia, im aolep armej jān ro re dik ṇan ro reḷap, raar kepaak,

[2] Im raar ba ṇan Jeremaia ri kanaan eo, “Kwōn roñjake mōk akweḷap eo am, im kwōn jar kōn kōm ṇan Jeova am Anij kōn aolep rein rej pād wōt; bwe meñe kōm ar lōñ, kōmij iiet kiiō, āinwōt mejōm rej lo kōm.

[3] Im Jeova am Anij en kwaḷok ṇan kōm ial eo kōmin etal ie ḷok im ta eo kōmin kōmṇane.”

[4] Im Jeremaia ri kanaan eo ear ba ṇan er, “Iar roñ kom. Ekwe, I naaj jar ṇan Jeova ami Anij ekkar ṇan naan ko ami, im men otemjej Jeova ej uwaak kom, I naaj kwaḷoki ṇan kom; I ban dāpij jabdewōt jān kom.”

[5] Innām raar ba ṇan Jeremaia, “Jeova en juon ri kaṇool e tiljek im ṇool ikōtaam eḷaññe kōmij jab kōmṇan ekkar ṇan naan otemjej ko Jeova am Anij ej jilkinwōj kōn kōm.

[6] Eḷaññe emṇan ak nana, kōm naaj pokake ainikien Jeova ad Anij Eo kōmij jilkinwōj eok ṇan E, bwe en emṇan ippem ñe kōmij roñjake ainikien Jeova ad Anij.

[7] Im ālikin joñoul raan, naan in Jeova ear itok ṇan Jeremaia.

[8] Im ear kūr Johanaan, nejin Karek, im aolep irooj in tariṇae ro raar pād ippān, im aolep armej jān ro re dik ṇan ro reḷap.

[9] Im ear ba ṇan er, “Āindein an ba Jeova, Anij in Israel, Eo kom ar jilkinḷok eō ṇan E bwe in kwaḷok kajjitōk eo ami ṇan E,

[10] Eḷaññe ilo ṇool kom naaj pād wōt ilo āne in, innām I naaj kalek im I ban joḷaḷḷok kom; I naaj ekkat im jab tumi kom; bwe I būromōj kōn jorrāñ eo I ar kōmṇane ṇan kom.

[11] Komwin jab mijak Kiñ in Babilon eo komij mijak e kiiō; komwin jab mijak e,” Jeova ej ba, “bwe Ña Ij ippemi bwe In loṃoṃoren kom im kōtḷok kom jān pein.

[12] Im Inaaj tūriamokake kom bwe en tūriamokake kom im karōḷ kom ṇan āne eo ami.

[13] Bōtab eḷaññe komij ba, ‘Kōm ban pād wōt ilo āne in,’ im komij jab pokake ainikien Jeova ami Anij,

[14] Im komij ba, ‘Jaab, ak kōm naaj etal ṇan āne in Ijipt ijo kōm ban lo tariṇae im roṇ ainikien jilel, im kōm ban kwōle kōn pilawā; im ijo kōm naaj pād ie.’

[15] Innām kiiō komwin roñjake Naan in Jeova, komeo komij pād wōt jān Juda. Āindein an Jeova in inelep, Anij in Israel ba, ‘Eḷaññe epen ami pepe bwe kom naaj etal ṇan Ijipt ṇan etal im jokwe ie,

[16] Im jāje eo komij mijak e enaaj tōpar kom ilo āne in Ijipt, im ṇūta eo komij inepata kake enaaj lukwōrkwōr kom ilo Ijipt, im kom naaj mej ie.

[17] Im aolep armej ro rej pepe in etal ṇan Ijipt bwe ren jokwe ie re naaj mej kōn jāje, kōn ṇūta, im kōn nañinmej. Im eḷjeḷok iaer enaaj mour ak ko jān jorrāñ eo Ij jilkinḷok ioer.

[18] Bwe āindein an Jeova in inelep, Anij in Israel, ba, ‘Āinwōt ar lutōkḷok Aō illu im illu ebwil ioon ro ri jokwe in Jerusalem, āindein naaj lutōkḷok Aō illu iomi ke komij etal ṇan Ijipt; im kom naaj men in kanejnej, im eppal, im men in lōḷñōñ, im kajirere; im kom ban bar lo jikin in.’

[19] Jeova ear kōnono kōn kom, komeo komij pād wōt jān Juda, “Komwin jab etal ṇan Ijipt.” Komwin lukkuun jeḷā bwe Ij kōnnaan ṇae kom rainin.

[20] Bwe kom are mon kom make ke kom ar jilkinlok eō ñan Jeova ami Anij im ba, ‘Kwōn jar kōn kōm ñan Jeova ad Anij, im ekkar ñan men otemjej Jeova ad Anij ej ba, kwōn kwaļoki ñan kōm, im kōm naaj pokake.’

[21] Im I ar kwaļok ñan kom rainin, ak kom ar jab pokake ainikien Jeova ami Anij ilo aolep men Ear jilkinwōj eō ñan kom kake.

[22] Innām kiiō, komwin lukkuun jeļā bwe kom naaj mej kōn jāje im ñūta im nañinmej ilo jikin eo kom kōṅaan etal im jokwe ie.

JEREMAIA – JEPTA 43

[43.1] Im ke Jeremaia, eo Jeova aer Anij ear jilkinlok ñan er, ear kamōjlok an kōnono ñan aolep armej naan ko otemjej an Jeova aer Anij, aet, aolepen naan kein,

[2] Innām Azaraia nejin Hosaia, im Johanaan nejin Karek, im aolep armej re juwa, raar ba ñan Jeremaia, “Kwōj riab, Jeova ad Anij ear jab jilkintok eok im ba, ‘Komwin jab etal ñan Ijpt ñan jokwe ie.’

[3] Ak Baruk nejin Neraia ear kareel eok ṅae kōj ñan likūt kōm ṅa ilo pein ro ri Kaldia bwe ren ṅan kōm ak kejiṅokweik kōm ñan Babilon.”

[4] Im Johanaan nejin Karek, im aolep irooj in tariṅae ro, im aolep armej, raar jab pokake ainikien Jeova bwe ren pād wōt ilo āne in Juda.

[5] Ak Johanaan nejin Karek, im aolep irooj in tariṅae ro, raar bōk aolep ro raar pād wōt ilo Juda, ro raar jepļaaktok jān aelōñ ko otemjej eṅōj jipeļlok er ñan i bwe ren jokwe ilo āne in Juda:

[6] Maan ro, kōrā ro, ajri, im liṅaro nejin Kiñ eo, im armej otemjej ro Nebuzaradan, irooj in ro ri kabōjrak, ear likūt ippān Gedalaia nejin Ahikam nejin Sapan, im Jeremaia ri kanaan eo im Baruk nejin Neraia.

[7] Im raar deļoñ ilo āne in Ijpt, bwe raar jab pokake ainikien Jeova, im raar etal ñan Tapanes.

[8] Im naan in Jeova ear itok ñan Jeremaia ilo Tapanes im ba,

[9] “Kwōn bōk jet dekā reļap ilo peṅm im ṅooj i ilo kle eo ilo jikin brik eo iṅaan kōjām in ṅōn Pero ilo Tapanes iṅaan mejen armej in Juda.

[10] Im kwōn ba ñan er, ‘Āindein an Jeova in inelep, Anij in Israel ba, Lo, Ij jilkinlok im Inaaj bōk Nebukadrezar, Kiñ in Babilon, ri korijera, im I naaj likūt tūroon eo an ilōñin dekā kein Iar ṅooji, im enaaj erlokwe im nuknuk eo an ioer.

[11] Im enaaj itok, im enaaj ṅan āne in Ijpt; enaaj lelok ro rekkar ñan mej, ñan mej, im ro rekkar ñan jipokwe, ñan jipokwe, im ro rekkar ñan jāje, ñan jāje.

[12] Im Inaaj tile kōn kijeek ṅoko ṅōn anij ro in Ijpt, im enaaj tile im kajipokweiki. Im enaaj kōṅake āne in Ijpt āinwōt juon seperd ej kōṅake nuknuk eo an, im enaaj diwōjlok jān ijo ilo aenōmṅan.

[13] Im enaaj rupe oor ko an Bethshemesh eo ej ilo āne in Ijpt, im enaaj tile ṅoko ṅōn anij ro in Ijpt kōn kijeek.”

JEREMAIA – JEPTA 44

[44.1] Naan eo ear itok ñan Jeremaia ñan aolep ri Ju ro raar jokwe ilo āne in Ijpt, ro raar jokwe ilo Migdol im Tapanes im Nop im ilo āne in Pathros, im ba,

[2] “Āindein an Jeova in inelep, Anij in Israel ba, Kom ar make lo aolep jorrāān eo I ar bōktok ion Jerusalem im ion aolep jikinkwelok ko in Juda. Im kiiō re men in jeepeplok rainin im ejjeļok ej jokwe ilo er,

[3] kōn nana eo raar kōmmane bwe ren kaillu Eō ke raar etal nān katok im karijer nān anij ro jet, ro raar jab jeļā kaki, er ak kom ak ro jemami.

[4] Im Iar jilkinwōj nān kom aolep ro ri karijera, ri kanaan ro, ke Iar makijkij im jilkinwōj er im ba, ‘Jouj im jab kōmmane men in kajōjō in me Ij dike.’

[5] Ak raar jab roņjake, im raar jab kajeortok ļojilņier bwe ren oktak jān aer nana, bwe ren jab katok nān anij ro jet.

[6] Innām Aō illu im illu ebwil ear lutōkļok im bwil ilo jikinkwelok ko in Juda im ilo ial ko in Jerusalem, im ear erom men in kajōjō im jeepeplok āinwōt ej rainin.

[7] Im kiiō, āindein an Jeova, Anij in inelep, Anij in Israel ba, ‘Etke komij kōmman nana in eļap ņae kom make bwe komwin bukwe eņmaān, im kōrā, im ajri, im eo ej ninnin jān Juda, nān likūt bwe ejjeļok mōttam en pād wōt,

[8] Im nān kaillu Eō kōn men in kōmanman ko an peōmi, im nān katok nān anij ro jet ilo āne in Ijpt ijo kom are deļoņ in jokwe ie; bwe komwin bukwe kom im bwe komwin erom men in kajjirere im kajjōjō ilo aolep aelōņ ko ilo āne eo?

[9] Kom ar meļokļok ke nana an ro jemami, im nana an Kiņ ro in Juda, im nana an liņaro pāleir, im ami nana, im nana an liņaro pāleōmi ko raar kōmmani ilo āne in Juda im ial ko in Jerusalem?

[10] E jaņin ettā būrueir nān rainin. Im re jab mijak, im re jab etal ilo kien ko Aō im ilo naan in jiroņ ko Aō ko I ar likūti iņaer im iņaān ro jememi.’

[11] Kōn men in āindein an Jeova in inelep, Anij in Israel, ba, ‘Ekwe Inaaj jelmae eok kōn nana nān bukwe aolepen Juda.

[12] Im I naaj bōk ro rej pād wōt in Juda ro raar pepe in etal nān āne in Ijpt bwe ren jokwe ie. Im renaaj aolep jako ilo āne in Ijpt, im re naaj buņ kōn jāje im jako kōn nūta; jān eo e diktata nān ļaptata re naaj mej kōn jāje im nūta; im re naaj erom men in kajjirere im kanejneļ im eppaļ im lōļņoņ.

[13] Im Inaaj kajeik ro rej jokwe ilo āne in Ijpt āinwōt Iar kajeik ro ilo Jerusalem kōn jāje im nūta im naņinmej.

[14] Im ejjeļok enaaj ko ak mour ian ro rej pād wōt in Juda, ro raar etal nān āne in Ijpt bwe ren jokwe ie innām roļtok nān āne in Juda tokālik, aet, ijo re kōņaān roļtok im jokwe ie, bwe ejjeļok enaaj roļtok ijellokin wōt jet ri ko.”

[15] Innām aolep eņmaān ro raar jeļā bwe liņaro pāleir raar katok nān anij ro jet, koba aolep kōrā raar jutak ie -- juon jar eļap -- koba aolep armeļ ro raar jokwe ilo āne in Ijpt ilo Patros, raar uwaak Jeremaia im ba,

[16] “Kōn naan eo kwar kōnnaān nān kōm ilo etan Jeova, kōm ban eņroņ eok.

[17] Ak kōm naaj kanoj kōmman men otemjeļ ej diwōj jān loņōm nān katok nān lerooj in laņ, im nān lutōkļok katok idaaķ nān e, āinwōt kōm ar kōmmane, kōm, im ro jemem, im kiņ ro am, im irooj ro am ilo jikinkwelok ko in Juda im ilo ial ko in Jerusalem; bwe ilo iien eo kōm ar mat kōn pilawā, im ear eņman am mour, im ejjeļok jorrāān kōm ar loe.

[18] Im jān iien eo kōm ar likūt am katok nān lerooj in laņ im am lutōkļok katok idaaķ nān e, kōm ar aikuj men otemjeļ; kab jāje im nūta raar kajeepeplok kōm.

[19] Im ke kōm ar katok ñan lerooj in lañ im lutōkļok ñan e katok idaak, ļōmaro pāleem rar jab jeļā ke ilo iien eo ke kōm ar kōmman kek ko ilo anoñon im lutōkļok katok idaak ko ñan e?”

[20] Innām Jeremaia ear kōnono ñan aolep armej, ñan emman ro im kōrā ro im ñan aolep armej ro raar uwaak e, im ear kōnono im ba,

[21] “Katok ko kom ar katok kaki ilo jikinkwelok ko in Juda im ilo ial ko in Jerusalem, kom, im ro jememi, kiñ ro ami, irooj ro ami, im armej in āne eo, Jeova ear jab keememeji im ļōmņak kaki ke?”

[22] Im Jeova ear ñate men eo, kōn an nana kōmman ko ami im kōn men in kajjōjō ko kom ar kōmmani, im āne eo ami ear erom men in kajjirere im jeepeļok im eppaļ, im ejjeļok ej jokwe ie, āinwōt ej āindein rainin.

[23] Men in ej kōnke kom ar katok im kom ar jerowiwī ñae Jeova im kom ar jab pokake ainikien Jeova; im kom ar jab etal ilo kien ko An, naan in kaiñi ko An, im naan in kōnnaan ko An; im kōn men in, jorrāān in ear waļok ñan kom āinwōt ej āindein rainin.”

[24] Im Jeremaia ear ba ñan aolep armej ro im aolep kōrā ro, “Komwin eņron ñan in Jeova, kom aolep ri Juda ilo āne in Ijijt.

[25] Āindein an Jeova in inelep, Anij in Israel kōnono im ba, ‘Kom im liņaro pāleemi, kom ar kōnnaan kōn loñimi im kajejjēt kōn peōmi im ba, ‘Kōm naaj lukkuun kōmman kallimur ko am ko kōm ar kallimur ñan katok ñan lerooj in lañ im ñan lutōkļok katok idaak ñan e.’ Kom naaj lukkuun kajejjēt kallimur ko ami im lukkuun kōmman kallimur ko ami.’

[26] Kōn men in, komwin eņron ñan in Jeova, kom ri Juda otemjej ro rej jokwe ilo āne in Ijijt. ‘Lo, Ij kanejne kōn Eta eļap,’ Jeova ej ba, ‘ilo mool jabdewōt armej in Juda eo ej ilo aolepen āne in Ijijt, re ban bar kwaļok Eta kōn loñin im ba, “Āinwōt Jeova ej mour.”’

[27] Lo, Ij lale er ñan jorrāān im jab ñan jeraamman, im aolep armej in Juda ro rej pād ilo āne in Ijijt re naaj mej kōn jāje im ñūta māe iien rej aolep jako.

[28] Im jet wōt ian ro rej ko jān jāje eo re naaj jepļaak jān āne in Ijijt ñan āne in Juda, innām aolep bween Juda ro raar etal ñan āne in Ijijt bwe ren jokwe ie renaaj jeļā naan ko an wōn renaaj pen, Aō ke aer.

[29] Im eñin juon kakōļe ñan kom,’ Jeova ej ba, ‘bwe Inaaj kajeik kom ilo jikin in, bwe komwin jeļā bwe naan ko Aō renaaj lukkuun pen ñae kom ñan jerata.’

[30] Āindein an Jeova ba, ‘Lo, Inaaj leļok Pero Hopra, Kiñ in Ijijt, ña ilo pein ri kōjdāt eo an im ilo pein ro rej pukōt an mour, āinwōt ke Iar leļok Zedekaia Kiñ in Juda ña ilo pein Nebukadnezar Kiñ in Babilōn, eo ear ri kōjdāt eo an im ear pukōt an mour.’

JEREMAIA – JEPTA 45

[45.1] Naan in, Jeremaia ri kanaan eo ear kōnono ñan Baruk, nejin Neraia, ke ear je naan kein jān loñin Jeremaia ilo juon bok ilo iiō eo kein ka emān an Jehoiakim, nejin Josaia Kiñ in Juda. Im ear ba,

[2] “Āindein an Jeova, Anij in Israel ba kōn eok, Baruk;

[3] “Kwar ba, ‘Wo ñan ña, bwe Jeova ear kobaik būromōj ñan aō eñtaan; I kijeļok kōn aō ñūrñūr, im I jāñin lo kakkije.’

[4] Āindein am naaj ba ñan e, ‘Āindein an Jeova ba, Lo, men eo Iar kaleke, I naaj jolaļok e, im men eo Iar ekkat, Inaaj tumi, aet, aolepen āne in.

[5] Im kwe, kwōj pukōt men ko reḷap ñan kwe ke? Kwōn jab pukōti! Bwe Ij bōktok jorrān ioon kanniōk otemjej,’ Jeova ej ba, ‘im Inaaj lewōj aṃ mour āinwōt juon men in rakim ijoko otemjej kwōj etal ñan ie.’”

JEREMAIA – JEPTA 46

[46.1] Naan in Jeova ear itok ñan Jeremaia ri kanaan eo ikijjien ri aelōñ ko.

[2] Ñan Ijpt, kōn jar in tariṃae an Pero Neko, Kiñ in Ijpt, ro raar pād iturin river Eupratis ilo Karkemish, ro Nebukadnezar Kiñ in Babilon ear ṃan er ilo iiō eo kein ka emān an Jehoiakim nejin Josaia Kiñ in Juda.

[3] “Koṃwin karōki likepejñak im kein tōrak ko, im koṃwin kepaak ñan jikin tariṃae.

[4] Koṃwin kōṃake kein dāpij ko ioon kiria ko, im koṃwin uwe ioon kiria ko. Jutak wōt kōn kein kōrepi bōrami ko ami; karabōlbōl made ko im kōṃak kein tariṃae ko!

[5] Ta men in ij loe? Re lōḷṃōñ; rej jepḷaak likḷok. Eṃōj bōk anjō ion ri kajoor ro aer, im rej oi ilo ial in ko im re jab relikḷok. Lōḷṃōñ ej kapool er,” Jeova ej ba.

[6] “Lale ear ko eo e ṃōkaj, im eo e kajoor en jab joor; renaaj tipñōl im buñ tu-eañ iturin river Eupratis.

[7] Wōn in ej ibwijḷok āinwōt Nile eo, im dān ko an rej ṃakūtkūt āinwōt river ko?

[8] Ijpt ej ibwijḷok āinwōt Nile eo, im ej āinwōt river ko me dān ko aer rej ṃakūtkūt. Im ear ba, ‘Inaaj ibwijḷok im kalbubuuk āne eo im kōkkure jikinkwelok eo im ro rej jokwe ie.’

[9] Koṃwin wanlōñḷok, koṃ kiria ko, im koṃwin buuḷ ḷok wōt, koṃ jariōt ko, im ro ri tariṃae re kajoor ren diwōjḷok: Etiopia im Put, ro rej kajerbal likōpejñak, im ro ri Lydia ro rej kajerbal im kiele lippon!

[10] Bwe raan eo ej an Irooj, Jeova in inelep. Ej raan in iden-oṃe bwe En iden-oṃeik ri kōjdāt ro An. Im jāje eo enaaj kañ, im mat, im jokwane kōn bōtōktōk, bwe ewor juon katok an Irooj, Jeova in inelep, ilo āne eo eañ iturin river in Eupretis.

[11] Kwōn wanlōñḷok ñan Gilead im kapok ijur, kwe bōjin nejin Ijpt. Ejjeḷok tokjān aṃ kar koorḷok wūno ko, bwe kwō ban mour.

[12] Aelōñ ko raar roñ kōn aṃ jook, im aṃ lamōj ej kobrak laj; bwe juon ri tariṃae e kajoor ear tipñōl ioon bar juon, im erro jimor raar buñ.”

[13] Jeova ear kōnono naan in ñan Jeremaia ri kanaan eo ko Nebukadnezar Kiñ in Babilon ear etal in ṃan āne in Ijpt:

[14] “Koṃwin kwaḷok ilo Ijpt, im karoñjake ilo Migdol, kab karoñjake ilo Memphis im Tapanes. Koṃwin ba, ‘Kwōn jutak im pojak, bwe eṃōj an jāje eo kañ ro ipeḷaakōṃ.’

[15] Etke ri kajoor ro aṃ rej buñpedo? Re jab jutak bwe Jeova ear jipeḷḷok er.

[16] Ear kōṃṃan bwe en kutkut aer tipñōl. Aet, raar buñ jabdewōt ippān ṃōttan, innām rej ba, ‘Jerkak! Jen roḷ ñan ro doōd im ñan āne eo jaar ḷotak ie ṃokta jān an jāje kōkkure kōj.’

[17] Raar lamōj ie: ‘Pero, Kiñ in Ijpt, ej keroro wōt: Ear jerwaane iien eo eṃōj kajejjeti.’

[18] ‘Āinwōt Ij mour,’ Kiñ eo ej ba, im etan Jeova in inelep eo, ‘Juon enaaj itok Eo ej āinwōt Tabor ian toḷ ko im āinwōt Karmel iturin lojet, Enaaj itok.

[19] Kwōn kapojak nien ṃweiuk ko aṃ ñan iien jipokwe, kwe kōrā eo nejin eo ej jokwe ilo Ijpt; bwe Memphis enaaj jeepeḷok; re naaj tile im ejjeḷok enaaj jokwe lowaan.

[20] Ijpt ej juon kau kokōrā e aiboojoj, bōtab juon kain loñ e kijkij ej itok; ej itok jān eañ!

[21] Barāinwōt ro rej an ri jermal kōn oņean rej āinwōt juon koon in kau e matōk, bwe raar barāinwōt oktaklōk im jimor ko; raar jab jutak wōt, bwe raan in aer jorrāan ear itok ioer, aet, iien ekajet er.

[22] Ainikien ej āinwōt juon jedpanit ke ej etal, bwe rej etal āinwōt juon jar in tariņae, im rej itok ñan e kōn ūlū ko āinwōt ro rej jekjek aļal.

[23] Raar jeke bukwōn wōjke eo an,” Jeova ej ba. “Re ban bar lo e, meņe raar lōñ āinwōt lokōs im ekar ejjelōk oraer.

[24] Eņōj kajook kōrā eo nejin Ijipt; eņōj lelōk e ilo pein armej ro jān eañ.”

[25] Jeova in inelep, Anij in Israel, ej ba, “Lo, Inaaj kajeik Amon in No, im Pero im Ijipt im anij ro an, im kiñ ro an; aet Pero im ro rej lōke e.

[26] Im Inaaj lelōk er ilo pein ro rej pukōt aer mour im ilo pein Nebukadnezar Kiñ in Babilon im ilo pein ro ri karijeran. Bōtab tokālik enaaj wor ro rej jokwe ie āinwōt raan ko mokta,” Jeova ej ba.

[27] Ak kwe, ri karijera Jakob, kwōn jab mijak, im kwōn jab lōļņōñ, Israel; bwe Inaaj lōmooren eok jān juon jikin ettolōk, im ineōm jān āne in jipokwe; im Jakob enaaj roļtok im aenōmman im tōt, im ejjelōk enaaj kalōļņōñ e.

[28] Kwe, ri karijera Jakob, kwōn jab mijak,” Jeova ej ba, “bwe Ña ippam; bwe Inaaj kōkkure aolep aelōñ ko ijo Iar joļok eok ñan ie, ak I ban kōkkure eok; ak Inaaj kauweik eok ilo jimwe, im I ban likūt eok im ejjelōk kaje.”

JEREMAIA – JEPTA 47

[47.1] Naan in Jeova ear itok ñan Jeremaia, ri kanaan eo, ikijjien ri Pilistia ro, mokta jān an Pero man Geza.

[2] Āindein an Jeova ba, “Lo dān ko rej waļoktok jān eañ im re naaj ibwijlelep, im renaaj ibwejlelep ioon āne eo im kobban, jikinkwelok eo im ro rej jokwe ilo e; im emman ro renaaj lamōj, im aolep ro rej jokwe ilo āne eo renaaj jañ,

[3] kōn ainikien ettōr an neen kiria ko an, kōn nūrñūr an jariat ko an, im kōn aeñwāñwā an wil ko an. Jemaer re ban oktak ñan ro nejeir kōn an mojņo peir.

[4] E moottok raan eo ñan kejeepeļok ro ri Pilistia otemjej, ñan bukwe aolep ri jipañ me rej pādwōt jān Tair im Saidon; bwe Jeova enaaj kejeepeļok ro ri Pilistia, ro raar pādwōt jān aelōñ in Kaptor.

[5] Eņōj an itok piļōl ioon Geza; eņōj bukweļok Ashkelon, Komeo komij pādwōt ilo komlaļ eo aer; ewi toñ ami naaj make mwijit kom?

[6] O, jāje an Jeova, ewi toñ am jab kakkije? Kwōn deļoñ ilo niōm; kwōn kakkije im tōt.

[7] Elmān an kakkije ke Jeova ear jiroñ e? Ear jitōñe ñae Ashkelon im ñae tōrerein lojet.

JEREMAIA – JEPTA 48

[48.1] Ñan Moab: āindein an Jeova in inelep, Anij in Israel ba, “Wo ñan Nebo bwe e jeepeļok. Eņōj kajook im bōk Kiriataim. Eņōj kajook im kalōļņōñ me eo eutieļ.

[2] Eban bar wor nōbar ñan Moab; ilo Keshbon raar kine nana ñae e: ‘itok, im jen bukwe e bwe en jab juon aelōñ;’ kab renaaj kaikōñ eok, Madmen¹; jāje eo enaaj loor eok.

¹ Juon jikinkwelok ilo aelōñ in Moab

- [3] Āinikien lamōj jān Horonaim, ‘kōkkure im jorrāān eļap.’
- [4] Erup Moab; ro redik raar lamōj;
- [5] Bwe ilo ial lōñļok ñan Luhit eļap aer jañ, im ilo ial lalļok ñan Horonaim ro ri kōjdāt rej roñ juon lamōj kōn jorrāān.
- [6] Komwin ko im lomōoren kom make, innām kom naaj āinwōt juon wōjke juniper ilo āne jemaden.
- [7] Kōn aṃ kar lōke jermal ko aṃ im ṃweiuk ko aṃ, innām renaaj barāinwōt bōk eok. Im Kemosh enaaj diwōjļok ñan jipōkwe, koba pris ro, im irooj ro an.
- [8] Im juon ri kōkkure enaaj deļoñ ilo jikinkwelok otemjej, im ejjeļok jikinkwelok enaaj ko; enaaj jako komlaļ eo barāinwōt, im re naaj kōkkure āne eṃṃan piken, āinwōt Jeova ear ba.
- [9] Lelok pein bao ñan Moab bwe en kāļok; innām jikinkwelok ko an renaaj erom men in lōļñoñ, im ejjeļok enaaj jokwe ilo er.
- [10] E lia eo e jowan ilo an kōṃṃan jermal an Jeova; im e lia eo ej dāpij jāje eo an jān bōtōktōk.
- [11] Moab ear kakkije jān iien eo ke ear eṃṃan ded, im ear pād wōt ioon o ko an; ejañin lutōkļok e jān nien ñan nien, im ejañin etal ñan jipōkwe; kōn men in nemen ej pād wōt ilo e, im ejañin oktak bwin.
- [12] Kōn men in, lo, raan ko rej itok,” Jeova ej ba, “ñe Inaaj jilkinļok ñan e ro rej kaokjak kab ko, im renaaj kaokjak i, im renaaj lutōkļok nien ko an im rupe jāpe ko an.
- [13] Innām Moab enaaj jook kōn Kemos āinwōt ṃñon Israel ear jook kōn Bethel eo raar lōke e.
- [14] Ekōjkan ami ba, ‘Kōmij armej re kajoor, armej re peran ñan tariṃae’?
- [15] Eṃōj kajeepeļok Moab, im raar wanlōñļok ñan jikinkwelok ko an; likao ro reṃṃantata raar wanlalļok ñan iien ṃanṃan,” Kiñ eo ej ba, Jeova in inelep etan.
- [16] Epaak an itok jorrāān eo an Moab, im enaaj ṃōkaj an jerata.
- [17] Komwin liaajļoļ kōn e, komēo komij ipelaakin im aolep ro rejelā etan. Komwin ba, ‘Ōjje, e bwilok jokwōn eo ekajoor, aļal eo e aiboojoj.’
- [18] Kwōn wanlalļok jān aiboojoj eo aṃ; kwōn jijet ilo jikin ejjeļok dān ie, kwe nejin kōrā eo kwōj jokwe ilo Dibon; bwe eo ear rakimi Moab ear wanlōñļok ṃae eok im kōkkure me ko aṃ.
- [19] Kwōn jutak iturin ial im lale, kwe eo kwōj jokwe ilo Aroer; kwōn kajjitōk ippān ļeo ej ko im ippān lio ej joor im ba, “Eita?”
- [20] Eṃōj kajook Moab bwe eṃōj kajeepeļok e; kwōn jañ im lamōj; kwōn kwaļok iturin Arnon bwe eṃōj rakimi Moab.
- [21] Kab, ekajet ear itok ñan āne eo eṃṃan piken: ñan Holon, im ñan Jahzeh, im ṃae Mepañat.
- [22] Kab ṃae Dibon im Nibo im Bethdiblataim,
- [23] Im ṃae Kiriataim, im Bethgamul, im Bethmeñon,
- [24] Im ṃae Kiriote im Bazra im ṃae aolep jikinkwelok ko an āne in Moab, ko rettoļok im ko repaak.
- [25] “Eṃōj bukwe doon Moab im eṃōj bwilok pein,” Jeova ej ba.
- [26] “Komwin kakadek e bwe ear make kautiej e ṃae Jeova, im Moab enaaj dāpilpil ilo ṃōj eo an, im enaaj barāinwōt erom men in tōñkake.
- [27] Bwe Israel ear jab men in tōñkake ñan eok ke? Ak eṃōj lo e ippān ro ri koṃt ke? Bwe ke kwar kōnono kōn e, kwar jeboulul.

[28] Komeo komij jokwe ilo Moab, komwin ilok jän jikinkwelok ko im jokwe ilo jikin edekākā; im komwin äinwöt mule eo ej kōmman an el ilo tōrerein mejen juon roñ.

[29] Kōm ar roñ kōn juwa an Moab, bwe e kanoj utiej būruen -- kōn an juwa, im utiej būruen im kōmmejāje im juwalōñlōñ.

[30] Ñā, I jeļā kōn illu eo an,” Jeova ej ba, “ak ejjeļok tokjān; kōmmejāje ko an re waan.

[31] Kōn men in, Inaaj jañ kōn Moab, im Inaaj liṃō kōn aolepen Moab; Inaaj liaajļoļ kōn armej in Kirheres.

[32] Inaaj jañōt eok, O vain an Sibma, eļap jän aō jañ kōn Jazer; ra ko raṃ raar ellā jän loṃaļo eo; raar tōpar loṃaļo in Jazer; ri rakimi raar bōk aṃ leen iien māññāñ im grep ko aṃ.

[33] Enaaj jako ṃōñōñō im lañlōñ jän āne e kouwa im jän āne in Moab; Iar kōmman bwe ejjeļok wain en itok jän jikin joniōk grep; ejjeļok en enaaj juri kōn laṃōj; aer laṃōj eban laṃōj in ṃōñōñō.

[34] Rej koutiej ainikier im laṃōj jän Heshbon ñan Eliale im ñan Jahaz -- jän Zoar ñan Koronaim im ñan Ñejelat-selisha; im dān ko an Nimrim raar jorrāñ.

[35] Im Inaaj kōmman bwe eo ej katok ilo jikin ko re utiej im eo ej kōkaijurjur ñan anij ro an en jako jän Moab,” Jeova ej ba.

[36] “Kōn men in, būruō enaaj jañ kōn Moab äinwöt ainikien flute ko; im būruō enaaj jañ kōn armej in Kirheres äinwöt flute ko; bwe ṃweuiuk ko ear korļoke re jako.

[37] Bwe bar otemjej re piļōļ im kwōdeak otemjej re ṃwijṃwij; elōñ kinej ion pa otemjej, im elōñ nuknuk e kilep iden ion ipier.

[38] Ewor liaajļoļ ion bōrwaj otemjej im ial ko otemjej ilo Moab; bwe Iar rupe Moab äinwöt juon jāpe ejjeļok e kōñaan,” Jeova ej ba.

[39] Enañin ļap an rup! Rej laṃōj! Enañin oktaklik! Moab e jook! im Moab ear erom men in tōñkake im jorrāñ ñan aolep ro rej ipelaakin.”

[40] Bwe äindein an Jeova ba, “Lo, juon enaaj kālōk ṃōkaj äinwöt juon igōļ im naaj erļokwe pein ion Moab.

[41] Eṃōj bōk Kiriot, im eṃōj jibwe me ko an. Innām ilo raan eo būruen ro ri kajoor an Moab renaaj äinwöt būruen juon kōrā eo ej eñtaan.

[42] Innām Moab enaaj jeepeļok bwe en jab juon aelōñ, bwe ear make koutiej e ṃae Jeova.

[43] Lōļñōñ, im roñ eo, im jen eo rej ṃae eok, kweo ej jokwe ilo Moab,” Jeova ej ba.

[44] “Eo ej ko jän lōļñōñ eo enaaj wutļok ilo roñ eo, im eo ej wanlōñļok jän roñ eo, enaaj po ilo jen eo, bwe Inaaj bōktok ioon, ioon Moab, iiō in ekajet eo an,” Jeova ej ba.

[45] Ro raar ko rej jutak ilo lorin Heshbon, im ejjeļok kajoor ippaer, bwe eṃōj an waļok kijeek jän Heshbon im urur jän ioļapen Sihon, im ear tile deṃan Moab in ṃoñen ro rej iruij.

[46] Wo ñan kwe, Moab; armej in Kemos re jako; bwe eṃōj bōk ro nejōṃ ṃaan im kōrā ñan jipokwe.

[47] Innām Inaaj kajepļaktok jeraamman ko an Moab ilo raan ko relik,” Jeova ej ba. Äindein ekajet eo an Moab.

JEREMAIA – JEPTA 49

[49.1] Ikijjien ro nejin Amon, äindein an Jeova ba: “Ejjeļok nejin Israel eṃmaan ke? Ak ejjeļok an ri jolōt ke? Etkē Malcom ej bōk Gad, im armej ro doon rej jokwe ilo jikinkwelok ko an?

[2] Lo, raan ko rej itok,” Jeova ej ba, “ñe Inaaj kōmman bwe armej ren roñ juon kairuj in tariṇae ṇae ro ilo Raba an ro nejin Amon, im enaaj āinwōt juon be e jeepepl̥ok, im jikinkwel̥ok ko an renaaj bwil ilo kijeeek, im Israel enaaj bōk ro im raar bōk e,” Jeova ej ba.

[3] “Kwōn jañ, O Hesbon, bwe emōj kōkkure Eai; koṃwin jañ, kōrā ro nejin Raba, koṃwin kōṇak nuknuk e kilep iden im liaajl̥oṭ kōn e; koṃwin ettōr to ettōr tak ilowan oror eo, bwe Malkam enaaj il̥ok ñan jip̥okwe koba pris ro im irooj ro an jimor.

[4] Enañin ṭap aṃ kōmmejāje kōn koṃlaṭ ko! Koṃlaṭ ko aṃ rej t̥oṛl̥ok wōt, kwe nejin kōrā eo ej pir̥l̥ok eo ej lōke ṃwieuk ko ṃweien im ba, ‘Wōn enaaj itok ṇae eō?’

[5] Lo, Inaaj kalōṭñōñ eok,” Irooj Jeova in inelep ej ba, “jān aolep jikin ipelaakōm; im renaaj kadiwōjl̥ok koṃ kajjojo, im enaaj ejjel̥ok ñan kokweil̥oktok ro ri ko.

[6] Ak ālikin men kein, I naaj kajepl̥aaktok jeraamman ko an ro nejin Amon,” Jeova ej ba.

[7] Ikijjien Idom, Āindein an Jeova in inelep ba, “Ejab bar wor mālōtlōt ilo Timan ke? E jako kapil̥ok jān ro re jeṭl̥okjeṇ ke? E jem̥l̥ok mālōtlōt eo aer ke?

[8] Koṃwin ko, oktaklik, jokwe ilo jikin ko re ṃwilaṭ, koṃeo rej jokwe ilo Didan, bwe Inaaj kejorrāan e kōn jorrāan eo an Iso ilo iien eo ñe Ij kajeik e.

[9] Eṭaññe ro rej aini grep ko rej iwōj, re ban likūt jet wōt ke? Ak eṭaññe ri koṭ ro ilo boñ, re ban kōkkure ṃae iien ebwe ñan er ke?

[10] Ak Ña Iar kakelwaan Iso; Iar kwaṭok jikin ko an rettino, im ejab maroñ kūttiliek; emōj kōkkure ineen ippān ro nukwin im ro ri turin, im e jako.

[11] Kwōn likūt atajinemjen ro aṃ, im Inaaj kōjparok aer mour, im kōrā ro e jako pāleir ro rej ippaṃ ren lōke Eō.”

[12] Bwe āindein an Jeova ba, “Lo, ro im e jab tellokeir daak jān kab in kaje eo, renaaj ilo ṃool idaak; im kwe eo enaaj ejjel̥ok ruōm ke? Kwō ban etal im ejjel̥ok ruōm, ak ilo ṃool kwō naaj idaak.

[13] Bwe Iar kanejnej kōn Eō make,” Jeova ej ba, “bwe Bozra enaaj men in jeepepl̥ok im kajjirere im jorrāan im lia, im aolep jikinkwel̥ok ko an renaaj jorrāan ñan indeeo.”

[14] Iar roñ juon naan jān Jeova, im emōj jilkintok juon ri jilik ibulōn ri aelōñ ko: “Koṃwin kokweil̥oktok im itok ṇae e, im koṃwin jerkak ñan tariṇae!

[15] Bwe, lale ṃōk, Inaaj kōmman bwe kwōn dik ian ri aelōñ ko; armej renaaj kajekdoṃn eok.

[16] Ikijjien aṃ maroñ in kalōṭñōñ, aṃ juwa ear ṃoṇ eok, kwe eo kwōj jokwe ilo jikin tilekek in dekā ko, im kwōj pād ilo jikin re utiej an toṭ ko; ak meñe kwōj kōmman el eo aṃ ilo jikin eutiej āinwōt juon igōl, Inaaj jolaṭl̥ok eok jān ijo,” Jeova ej ba.

[17] “Im Idom enaaj jeepepl̥ok; jabdewōt eo rej ellā jān e enaaj allañ im kajjirere kōn kinej ko an.

[18] Āinwōt jeepepl̥ok eo an Sodom im Gomora im jikinkwel̥ok ko iturin,” Jeova ej ba, “ejjel̥ok armej enaaj jokwe ie, im ejjel̥ok nejin armej enaaj pād ie.

[19] Lo, juon enaaj wanlōñl̥ok āinwōt juon laion jān bukwōn wōjke eo an Jordan ṇae juon meṭan emman, bōtab enaaj ṃōkaj Aō kako e jān ijo, im Inaaj kairooj eo Ij kāālōte ion. Bwe wōn ej āinwōt Ña, im wōn enaaj kajitūkin Eō? Innām ewi seperd eo emaroñ jutak imaō?

[20] Kōn men in, koṃwin roñjake pepe an Jeova eo Ear kōmmane ṇae Idom im ṭōmṇak ko An ko Ear pepe ṇae ro rej jokwe ilo Teman. Ilo ṃool renaaj iper̥l̥ok er -- ro redik an bwij eo ; ilo ṃool Enaaj kōmman bwe jikin jokwe eo aer en jeepepl̥ok kōn er.

[21] Laḷ in ear wūdiddid kōn ainikien buñ eo aer! Rej lamōj! Armej rej roñ ainikien ḷok ñan Lōmalo ekilmir!

[22] Lo, enaaj wanlōñḷok im ekkāke āinwōt juon igōl, im enaaj erḷokwe pein ḡae Bozra; im ilo raan eo būruen ro ri kajoor an Idom renaaj āinwōt būruen juon kōrā ilo an eñtaan in keotak.

[23] Ikijjien Damaskōs: Ejook Hemat im Arpad, bwe raar roñ ennaan eo e nana; e unḷok būrueir; ewor inepata iturin ḷojet; rejab maroñ aenōmman.

[24] E tabu Damaskōs; ear oktaklik bwe en ko, ak e lōḷñōñ; e jorrāan im eñtaan āinwōt juon kōrā eo ej keotak.

[25] Ekōjkan, bwe re jañin ilok jān jikinkwelok in nōbar, jikinkwelok in aō lañlōñ?

[26] Kōn men in, likao ro an renaaj buñ ilo ial ko an, im renaaj man aolep armej in tariḡae ilo raan eo,” Jeova in inelep ej ba.

[27] “Im Inaaj keḷo juon kijeek ilo oror ko an Damaskōs, im enaaj tile mōn irooj eo an Benhedad.

[28] Ikijjien Kedar im aelōñ ko an Hezor me Nebukadnezzar Kiñ in Babilon enaaj mani:” āindein an Jeova ba, “Koḡwin jutak, wanlōñḷok ñan Kedar im rakimi ro nejin reeaar.

[29] Renaaj bōk im nuknuk ko aer im bwij ko aer, im renaaj bōkḷok katin ko aer im kamel ko aer ñan er make, im renaaj lamōj ñan doon, ‘Ewor lōḷñōñ ipelaakōd!’

[30] Koḡwin ko! Etal wōt! Koḡwin jokwe ilo jikin mwilaḷ, koḡeo koḡij jokwe ilo Hezor,” Jeova ej ba; “bwe Nebukadnezzar, Kiñ in Babilon, ear kōmmane juon pepe ḡae koḡ im ear ḷōmḡake juon pepe ḡae kom.

[31] Koḡwin jerkak im wanlōñḷok ḡae juon aelōñ e aenōmman, eo ej jokwe ilo ejjeḷok uwōta,” Jeova ej ba; “ejjeḷok an kōjām ak aḷaḷ; rej jokwe make iaer.

[32] Im kamel ko aer renaaj men in jibwe, im bwijin kau ko aer renaaj men in rakim, im Inaaj kejeplōklōk ñan kōto otemjej ro rej ḡwijiit kona ko an kwōdeak ko aer, im Inaaj bōktok aer jorrāan jān ijoko otemjej,” Jeova ej ba.

[33] Im Hezor enaaj juon jikin jokwe ñan jedpānit, jeepeḷok ñan indeeo. Ejjeḷok armej enaaj jokwe ie, im ejjeḷok nejin armej enaaj pād ie.”

[34] Naan in Jeova ear itok ñan Jeremaia ri kanaan eo ikijjien Ilam ilo jinoin iien kiñ an Zedekaia, Kiñ in Juda, im ear ba,

[35] “Āindein an Jeova in inelep ba, Lo, Inaaj bwilok lippōḡ eo an Ilam, men eo emḡantata an aer kajoor.

[36] Im Inaaj bōkḷok ḡae Ilam emān kōto jān emān jabōn lañ, im Inaaj kejeplōklōk er ñan aolep kōto kein; im enaaj ejjeḷok aelōñ ijo ro im emōj kadiwōjḷok er jān Ilam reban pād ie.

[37] Im Inaaj kalōḷñōñ Ilam imaan ri kōjdāt ro aer im imaan ro rej pukōt aer mour, im Inaaj bōktok ion Ilam jorrāan, aet, Aō illu ebwil,” Jeova ej ba. “Im Inaaj jilkinḷok jāje eo ilōkaer ḡae iien re jako.

[38] Im Inaaj likūt tūroon eo Aō ilo Ilam, im Inaaj koḷkure kiñ im irooj ie,” Jeova ej ba.

[39] “Ak ilo raan ko reliktata, Inaaj kajepḷaak jeraamman an Ilam,” Jeova ej ba.

JEREMAIA – JEPTA 50

[50.1] Naan in im Jeova ear kōnono ikijjien Babilon, eo ej ilo āne in Kaldia, kōn Jeremaia ri kanaan eo:

[2] “Komwin kwaļoke im karoņjake ri aelōñ ko, im kotak juon kakōļe; karoņjake wōt im jab ņooje! Komwin ba, ‘Eṃōj bōk Babilon; e jook Bel; e lōļņoñ Marduk; e jook ekjab ko an, im e lōļņoñ men in e ko an.’

[3] Bwe juon aelōñ jān eañ ear wanlōñļok ņae e; enaaj kajeepelļok āne eo an, im ejjeļok enaaj jokwe ie. Armej im menninmour raar jebwābwelļok im etal.

[4] Ilo raan eo im iien eo,” Jeova ej ba, “ro nejin Israel renaaj itok, er im ro nejin Juda jimor, renaaj etal, im renaaj jān ñe rej etal, im renaaj pukōt Jeova aer Anij.

[5] Renaaj kajjitōk kōn ial ñan Zaion im jalļok ñan ijo. Renaaj iļok bwe ren koba ippān Jeova ilo juon bujen indeeo me re ban meļokļoke.

[6] Ro doō raar erom āinwōt sip re jako; seperd ro aer raar kejabwābweik er; raar kajeorļok er ion toļ ko; raar etal jān toļ ñan bat; raar meļokļok jikin in aer kakkije.

[7] Aolep ro raar lo er raar kañ er, im ri kōjdāt ro aer raar ba, ‘Ejjeļok ruōm, kōnke raar jerōwiwi ņae Jeova, jikin jokwe e wānōk, aet, ņae Jeova, kōjatdikdik eo an jemaer.’

[8] Komwin etalļok jān ioļapen Babilon im komwin diwōjļok jān āne in Kaldia; im komwin āinwōt got koṃaan ko tuṃaan in bwij ko.

[9] Bwe, lo, Inaaj kōruj im bōklōñļok ņae Babilon juon jar an aelōñ ko reļap jān āne eo eañ, im renaaj kōllejar ņae e ijo, im renaaj bōk e. Made ko aer renaaj āinwōt juon ri tariṃae e kapeel eo e ban jepļaak im ejjeļok tōpran.

[10] Im Kaldia enaaj men in rakim; aolep ro rej rakimi renaaj mat,” Jeova ej ba.

[11] “Kōn aṃ kar ṃōṃōṃō, kōn aṃ lañlōñ, kwe eo kwar kōkkure ļāṃoran eo Aō; kōn aṃ kar ekkāke āinwōt juon kau kokōrā edik eo ej juri gren im āinwōt juon kiria koṃaan eo ej kwaļok ainikien,

[12] innām jinōṃ enaaj lukkuun jook, eo ear keotak eok enaaj kilbūrōrō; aet, enaaj āinwōt eo ediktata an aelōñ ko, juon āne jeṃaden, juon āne e ṃōrā, juon āne awiia.

[13] Kōn illu eo an Jeova, ejjeļok enaaj jokwe ie im aolepen enaaj jeepeļok. Jabdewōt eo ej ellā jān Babilon enaaj eppaļ im teor kōn aolep jorrāān ko an.

[14] Komwin kōllejar ipelaakin Babilon; aolep ro rej kiele lippoṃ ren lippoṃe; komwin jab kaiietļok made, bwe ear jerōwiwi ņae Jeova.

[15] Komwin kwaļok iruij ņae e ipelaakin; ej jatōptōp; e buñ joor ko an; eṃōj okjak oror ko an, bwe iden-oṃe an Jeova men in; komwin iden-oṃieik e; komwin kōṃṃan ñan e āinwōt ear kōṃṃane.

[16] Komwin joļok jān Babilon eo ej jeor ine, im eo ej kajerbal sickle eo ilo iien ṃadṃōd; jabdewōt armej ej jepļaak ñan ro doon iṃaan jāje eo an armej eo ej kejorrāān, im jabdewōt ej ko ñan āne eo āneen.

[17] Israel ej juon bwij eṃōj kajeplōklōke; laion ko raar kako e; Kiñ in Assiria ej eo ṃokta me ear kañ e, im ālikin, Nebukadnezar Kiñ in Babilōn ear ruje diin.”

[18] Kōn men in, āindein an Jeova in inelep, Anij in Israel ba, “Lo, Inaaj kajeik Kiñ in Babilon im āne eo āinwōt Iar kajeik Kiñ in Assiria.

[19] Im Inaaj karōltok Israel ñan kapijukunen, im enaaj ṃōñā ioon Karmel im Bashan, im enaaj mat ion toļ ko in Epraim im Giliad.

[20] Ilo raan eo im ilo iien eo,” Jeova ej ba, “renaaj pukōt bōd eo an Israel, im enaaj ejjeļok; im jerōwiwi an Juda, ak re ban lo e; bwe Inaaj juļok bōd ko an ro Ij likūt bwe ren pād wōt.”

[21] Ikijjien āne in Merataim: “Kwōn wanlōñļok ñae e im ñae ro rej jokwe ilo Pekod. Man im kejeepeļok er,” Jeova ej ba. “Kab kwōn kōmman men otemjej Iar jiroñ eok.

[22] Ewor ainikien tariņae ilo āne eo im jorrāān eļap!

[23] Lale joñan an bwilok im rup hama in aolepen la! Lale, bwe Babilon ear erom men in lōļņoñ ibwiljin aelōñ ko.

[24] Iar likūt juon aujjiid, im kwar po, Babilon, meñe kwar jab jeļā. Eņōj lo eok im jibwe eok bwe kwar juņae Jeova.”

[25] Jeova ear kapelļok jikin kōkkoņkoņ kein tariņae ko An, im ear kadiwōjļok kein tariņae in An illu, bwe men in ej jermal an Irooj, Jeova in inelep, ilo āneen ro ri Kaldia.

[26] Koņwin wanlōñļok ñae e jān tōrerein eo ettoļoktata; koņwin kapelļok jikin kōkkoņkoņ ekkar ko an; koņwin ejaake āinwōt juon ejouj im lukkuun kejeepeļok e. Ejjeļok men en pād wōt ñan e.

[27] Koņwin man aolep kau koņaan ko an; ren wanlaļļok ñan jikin manman. Jerata ñan er bwe raan eo aer ej itok, iien in aer kaje.

[28] Elōñ ainikien ro rej ko im joor jān āne in Babilon bwe ren kwaļok ilo Zion iden-oņe an Jeova ad Anij, iden-oņe in tempel eo An.

[29] Koņwin kokweiloktok ri lippoņ ñae Babilon, aolep ro rej kiele lippoņ. Koņwin nitbwile ipelaakin. Ejjeļok en ko. Koņwin ña-oņean ekkar ñan kōmman ko an; ekkar ñan men otemjej ear kōmmane, āindein koņwin kōmmani ñan e, bwe ear juwa ñae Jeova, ñae Ri Kwōjarjar an Israel.

[30] Kōn men in likao ro an renaaj buñ ilo ial ko an, im renaaj man aolep ri tariņae ro an ilo raan eo,” Jeova ej ba.

[31] “Lo, Ņa Ij juņae eok, kwe eo kwō juwa,” Irooj Jeova in inelep ej ba, “bwe e moottok raan eo am, iien eo Inaaj kajeik eok.

[32] Im eo e juwa enaaj tipñōl im buñ, im ejjeļok enaaj kakerkak e; im Inaaj kejo juon kijeek ilo jikinkwelok ko an, im enaaj tile aolep ipelaakin.”

[33] Āindein an Jeova in inelep ba, “Eņōj kamakokoik ro nejin Israel im ro nejin Juda jimor; im aolep ro rej kejiļokweik er rej dāpij er wōt; rej abwin kōtļok er.

[34] Ri wiaik er e kajoor. Jeova in inelep etan. Enaaj kanooj akweļap kōn er bwe En kakkijeik la in, ak Enaaj kejorrāān ro rej jokwe ilo Babilon.

[35] Juon jāje ñae ro ri Kaldia,” Jeova ej ba, “im ñae ro rej jokwe ilo Babilon, im ñae irooj ro an im ri mālōtlōt ro an.

[36] Juon jāje ñae ro rej riab, im renaaj bwebwe; juon jāje ñae ro ri kajoor, im renaaj lōļņoñ.

[37] Juon jāje ñae kiria ko an im jariōt ko an im ñae aolep ruwamāejet ro rej ibwiljin, im renaaj erom āinwōt kōrā; juon jāje ñae mweiuk ko an, im renaaj rakimi er.

[38] E jowōtwōt, im dān ko an renaaj mōrāļok, bwe ej juon āne in ekjab, im re wūdeakeak kōn men in e ko aer re lāj.

[39] Kōn men in, men in mour ko rawiia an āne jemaden renaaj jokwe ie ippān jakōl ko, im ostrich ko renaaj jokwe ie barāinwōt; im ejjeļok armej enaaj bar jokwe ijo, im ejjeļok enaaj pād ie jān epepen ñan epepen.

[40] Āinwōt ke Anij ear kejeepeļok Sodom im Gomora im ro ri tureir,” Jeova ej ba, “ejjeļok armej enaaj jokwe ie im ejjeļok nejin armej enaaj pād ie.

[41] Lo, juon jar in armej enaaj itok jãn eañ. Renaaj poktaki juon aelõñ eļap im elõñ kiñ jãn mōttan ettoļoktata ilo laļ.

[42] Rej dāpij wōt lippon im made joļok; re ļāj im rejab tūriamokake; ainikier ej ainwōt lijeñūrñūr in lojet, im rej uwe ion kiria eņōj kōllejar ainwōt armej in tariņae ñae kwe, Kweo jiroñ eo nejin Babilon.

[43] Kiñ in Babilon ear roñ ennaan eo kōn er, im e mōjņo pein; jorrāñ ear jibwe e ainwōt eñtaan an juon kōrā eo ej keotak.

[44] Lo, juon enaaj wanlõñļok ainwōt juon laion jãn bukwōn wōjke eo an Jordan ñae juon meļan eņman, bōtab enaaj mōkaj Aō kako e jãn ijo, im Inaaj kairooj eo Ij kãālōte ioon. Bwe wōn ej ainwōt Ña, im wōn enaaj kajitūkin Eō? Innām ewi seperd eo e maroñ jutak iņaō?

[45] Kōn men in, koņwin roņjake pepe an Jeova eo Ear kōmmane ñae Babilon, im ļōmņak ko An ko Ear pepe ñae ro rej jokwe ilo āne in Kaldia. Ilo mool renaaj iperļok er -- ro re dik an bwij eo ; ilo mool Enaaj kōmman bwe jikin jokwe eo aer en jeepepļok kōn er.

[46] E makūtūt laļ in ñe rej roñ bwe eņōj bōk Babilon; im rej roñ lamōj eo an ilo aelõñ ko.”

JEREMAIA – JEPTA 51

[51.1] Āindein an Jeova ba, “Lo, Ij kōruj būruen juon ri kōkkure ñae Babilon im ñae ro rej jokwe ilo Leb-Kamai.

[2] Im Inaaj jilkinļok ñae Babilon ruwamāejet ro, im renaaj kajeplōklōk e, im renaaj kajepepļok āneo an; Bwe ro rej ipelaakin renaaj ñae e ilo raan in an jorrāñ.

[3] Eo ej kiele lippon en jab kiele, im en jab make kōņak nuknuk in tariņae ko an; innām koņwin jab tūriamokake likao ro an; koņwin man aolep jarlepju eo an.

[4] Im ro eņōj man er renaaj buñ ilo āne in ro ri Kaldia im ro eņōj wākari er ilo ial ko an.

[5] Bwe Anij, Jeova in inelep, ear jab ilok jãn Israel im Juda, meñe e obrak āneir kōn rueir ñae Ri Kwōjarjar eo an Israel.

[6] Koņwin ko jãn ibūlon Babilon, im jabdewōt armej en lomōoren an; lale koņ ar jorrāñ ilo kaje eo an, bwe ej iien iden-oņe an Jeova, Enaaj ña oņean ainwōt ekkar ñan e.

[7] Babilon ej juon kab gold ilo pein Jeova me ear kakadek aolepen laļ. Aelõñ ko raar idaak jãn wain eo an, im kōn men iņ raar bwebwe.

[8] Ear jidimkij an Babilon buñ im rup; koņwin liņō kōn e; koņwin bōk ijur ñan metak eo an, bōlen enaaj mour.

[9] Jaar kajjioñ in kemour Babilon, ak ear jab mour. Koņwin ilok jãn e, im jabdewōt iad en ilok ñan āne eo an, bwe ekajet eo an ear tōpar lañ im eņōj kotak e ñan kōdo ko.

[10] Jeova ear kaņool ad wānōk. Itok, jen kwaļok ilo Zion jermal ko an Jeova ad Anij.

[11] Koņwin kōjjetōltōli made ko; bōktok likōpejñak ko. Jeova ear kōruj būruen kiñ ro in Midia, bwe pepe eo An ej ñae Babilon bwe En kōkkure e, bwe men in ej iden-oņe an Jeova, iden-oņe in tempel eo An.

[12] Koņwin kotak juon flag ion oror ko an Babilon; en pojak ri baar ro; kajutak jet ri lale; kapoji jikin kōppao; bwe Jeova ear pepe im kōmmane men eo Ear kōnono ikijjien ro rej jokwe ilo Babilon.

[13] Kweo kwōj jokwe ituren elõñ dān im elõñ mweiōm, E moottok jemļokōm, jorrāñ in ej kōn aņ kar korļok ilo jab wānōk.”

[14] Jeova in inelep ear kanejnej kōn E make: “Ilo mool Inaaj kobrak eok kōn armej āinwōt lokōs, im renaaj laṃōj ṅae eok.”

[15] E eo Ear kōmānman laḷ kōn An kajoor; Ear kapen laḷ ilo An mālōtlōt, im ilo An jeḷāḷokjen Ear erḷokwe lañ ko.

[16] Ainikien ej kwaḷok lijeñūrñūr an dān ko ilo lañ, im Ej kōmman bwe en wanlōñḷok kōḍo ko jān jikin ettoḷok ilo laḷ; Ej kōmman jarom ñan wōt, im Ej kadiwōjḷok kōto jān jikin mweiuik eo An.

[17] Armej otemjej re penawia, im ejjeḷok jeḷāḷokjen ippaer; ekjab ko rej men in kajook ñan ri jerbale silver otemjej; bwe e riab men in e ko aer im ejjeḷok jetōb ilowaer.

[18] Rej men waan im men in kajjirere; ilo iien kajeik er re naaj jako.

[19] Ajenkij eo an Jakob e jab āinwōt er, bwe E Ri Kōmānman men otemjej, im Israel ej bwij in jolōt eo An, im Jeova in inelep eo, etan.

[20] “Kwe aō aḷaḷ in deñdeñ, kein tariṅae eo Aō, im kōn kwe Inaaj kapedakilkili aelōñ ko, im kōn kwe Inaaj kōkkure aelōñ ko.

[21] Kōn kwe Inaaj kapedakilkili kiria im eo ej uwe ion; kōn kwe Inaaj kapedakilkili jariot im eo ej uwe ion.

[22] Im kōn kwe Inaaj kapedakilkili emman im kōra, im kōn kwe Inaaj kapedakilkili eo e rūtto im eo e dik, im kōn kwe Inaaj kapedakilkili likao im jiroñ.

[23] Im kōn kwe Inaaj kapedakilkili seperd im bwij eo an, im kōn kwe Inaaj kapedakilkili ri kallib im ox ko an, im kōn kwe Inaaj kapedakilkili CAPTAIN ro im irooj ro.

[24] Im Inaaj ṅa oṅean Babilon im aolep ro rej jokwe ilo Kaldia kōn aolep nana ko raar kōmmane ilo Zion imaan mejemi,” Jeova ej ba.

[25] “Lo, Ij ṅae eok, kweo toḷ in kōkkure, eo ej kōkkure aolepen laḷ,” Jeova ej ba, “im Inaaj erḷokwe peiō ṅae kwe im kadāpil laḷḷok eok jān ijo e jirūmle, im Inaaj kōmman eok juon toḷ emōj tile.

[26] Im re ban bōk jān eok juon dekā ñan kona in juon im, ak juon dekā ñan juon foundeson, bwe kwōnaaj jeepeḷok ñan indeeo,” Jeova ej ba.

[27] Komwin kotak juon flag ilo āneo. Ukwi jilel eo ibwiljen ri aelōñ ko. Kajenoḷok aelōñ ko bwe ren ṅae e. Kūr ṅae e aelōñ in Ararat im Mini im Askanaz. Kapeeke juon irooj ioon; kiria ko ren wanlōñḷok āinwōt lokus ko re kooḷoḷ.

[28] Kajenoḷok aelōñ ko ṅae e: kiñ ro an ro ri Mid, captain ro aer im aolep irooj ro aer, im āne ko otemjej rej irooj ie.

[29] Im āne eo enaaj makūtkūt im wūdiddid, bwe pepe an Jeova ṅae Babilon enaaj pen wōt bwe En kōmman āne in Babilon bwe en jeepeḷok im ejjeḷok ri jokwe ie.

[30] Ro ri kajoor an Babilon raar bōjrak jān aer tariṅae; rej jokwe ilo me eo; e jako aer kajoor; rej āinwōt kōrā. E bwil jikin jokwe ko an; aḷaḷ in kōjām ko an re bwilok.

[31] Ri keeañ ej ettōrḷok in wōnmae bar juon, im rū jelōk ej ilen wōnmae rū jelōk bwe ren kōnnaanōk kiñ in Babilon bwe emōj bōk aolepen jikinkweḷok eo an.

[32] Im raar bōk jikin kājoone river ko, im raar tile wūjooj in ḷwe ko, im ro ri tariṅae re lōḷñōñ.”

[33] Bwe āindein an Jeova in inelep, Anij in Israel, ba, “Jiroñ eo nejin Babilon ej āinwōt juon jikin deñdeñ e ñūñ; bōtab mōttan jiddik enaaj itok iien madmōd eo an.”

[34] Nebukadnezar, Kiñ in Babilon, ear kañ eō im kōkkure eō; ear likūt eō āinwōt juon jāpe ejjeļok kobban; ear orañļok eō āinwōt juon kidu awiia in lojet ej orañļok; ear kōmat lojien kōn men ko aō renno innām joļok eō.

[35] Eo ej jokwe ilo Zion enaaj ba, ‘en wor ruōn Babilon kōn an kar kōkkure eō.’ Im Jerusalem enaaj ba, ‘bōtōktōkō en ioon ro rej jokwe ilo Kaldia.’”

[36] Kōn men in, āindein an Jeova ba, “Lo, Inaaj keej kōn kwe im iden-oņe kōn kwe, im Inaaj kōmōrāik lojet eo an im unin dān eo an.

[37] Innām Babilon enaaj erom juon ejouj, juon jikin jokwe an jakel ko, juon men in jeepeļok im men in jōjōik ijo ejjeļok ej jokwe ie.

[38] Renaaj jīmōr rorror āinwōt laion ko; renaaj nūrñūr āinwōt koon ko nejin laion ko.

[39] Ke re jeurur, Inaaj leļok kwōjkwōj eo aer ñan er im kakadek er bwe ren mōņōņō; innām renaaj kiki wōt, im re ban ruj,” Jeova ej ba.

[40] Inaaj āñinlaļok er āinwōt lam ko ñan jikin maņman im āinwōt ram ko ippān got koņaan ko.

[41] Lale! Eņōj bōk Sesak im eņōj jibwe men in nōbar an aolepen laļ! Lale! Babilon ej erom men in kor ibwiljin ri aelōñ ko.

[42] Lomaļo ear ibwij ioon Babilon; eņōj kalibubuki kōn no ko an reļap.

[43] Jikinkwelok ko an raar erom men in kor, juon āne e mōrā im āne jeņaden, juon āne ijo ejjeļok armej ej jokwe ie im ijo ejjeļok nejin armej ej deblōke.

[44] Im Inaaj ekajet Bel ilo Babilon, im Inaaj kadiwōj jān loņin men eo ear orañļok; im aelōñ ko re ban bar toņoļok ñan e; aet, oror in Babilon ear okjak.

[45] Koņwin diwōjļok jān ioļapen, armej ro doō. Jabdewōt armej en make loņoņren e jān illu e bwil an Jeova.

[46] Im būruōmi ren jab ebbeer, im koņwin jab mijak naan eo me renaaj roņjake ilo āne eo -- naan eo enaaj itok ilo iiō eo, im ālikin bar juon iiō bar juon naan, im kōkkure enaaj ilo āneo, im irooj ñae irooj.

[47] Kōn men in, lo, raan ko rej itok ñe Inaaj ekajet ekjab ko an Babilon, im aolepen āne eo an enaaj jook, im aolep ro eņōj maņ er renaaj buñ ilowan.

[48] Innām lañ im laļ im aolep ilowaer renaaj lamōj kōn mōņōņō ioon Babilon, bwe ri kōkkure ro renaaj itok ñae e jān eañ,” Jeova ej ba.

[49] Aet, Babilon enaaj buñ kōn an kar maņ armej in Israel, āinwōt aolepen laļ raar mej kōn Babilon.

[50] Koņwin ko, koņeo koņ ar ko jān jāje; koņwin jab pād wōt. Keememej Jeova ñe koņij pād ettoļok, im Jerusalem en pād ilo būruemi.

[51] Je jook, bwe jaar roñ kajjirere eo. E alikkar kōn mejad bwe je jook, bwe ruwamāejet raar deļoñ ilo jikin kwōjarjar ko an mōn Jeova.

[52] Kōn men in, lo, raan ko rej itok,” Jeova ej ba, “ñe Inaaj ekajet ekjab ko an, im ilo aolepen ānen, ro ri kinejne renaaj iññūr.

[53] Meñe Babilon ej wanlōñļok ñan lañ, im meñe ej kapen me eo an e utiej, ro ri kōkkure renaaj diwōjļok jān Ņa ñae e,” Jeova ej ba.

[54] “Ainikien lamōj jān Babilon im kōkkure eļap jān ānen ro ri Kaldia!

[55] Bwe Jeova enaaj kōkkure Babilon, im ainikien eļap enaaj jako jān kōj; im no ko an renaaj nūrñūr āinwōt dān ko re ļap; enaaj alikkar ainikier.

[56] Bwe ri kòkkure eo ej wanlõñ]òk ñae e, aet ñae Babilon; im renaaj jibwe ri kajoor ro an, im enaaj bwilòk lippon ko aer; bwe Jeova ej juon Anij in iden-onje, Enaaj kanooj ña onjaer.

[57] Im Inaaj kakadek irooj ro an im ri mālõtlõt ro an, captain ro an, im ri utiej ro an im ri kajoor ro an, im renaaj kiki juon kiki ñan indeeo im jab ruj,” Kiñ eo ej ba; Jeova in inelep etan!

[58] ãindein an Jeova in inelep ba, “Oror eo e depakpak an Babilon enaaj lukkuun jeepeplòk, im renaaj tile kòjãm ko an re utiej. Armej ro renaaj jermal waan, im ri aelõñ ko renaaj kamòk er, ak enaaj bwil wõt.”

[59] Eñin naan eo Jeremaia ri kanaan eo ear jiroñ Seraia, nejin Neraia, nejin Maseaia, ke ear ilòk ippãn Zedekaia Kiñ in Juda ñan Babilon ilo iiõ eo kein ka emãn in an Kiñ; im Seraia ear ri kòbòjrak.

[60] Innãm Jeremaia ear je ilo juon bok aolep jorrãan ko renaaj wa]òk ñan Babilon, aet, aolep naan kein emòj jeje ikijjien Babilon.

[61] Im Jeremaia ear ba ñan Seraia, “Ñe kwõj de]õñ ilo Babilon, innãm kwõn lale bwe kwõn kònono aolepen naan kein.

[62] Im kwõn ba, ‘Jeova, Kwar kònono ñae jikin in bwe Kwõn jo]òk e bwe en jab juon jikin jokwe ñan armej ak men in mour, bwe enaaj jeepeplòk ñan indeeo.’

[63] Im ñe emòj am kònono jãn bok in, kwõn lukwõj juon dekã ñan e im jo]òk e io]apen river Eupretis.

[64] Im kwõnaaj ba, ‘ãindein an Babilon naaj rum]òk im jab bar jerkak kòn jorrãan eo Inaaj bòktok ion, im renaaj kije]òk.’” ãindein naan ko an Jeremaia.

JEREMAIA – JEPTA 52

[52.1] Zedekaia ear rùttõn roñoul juon iiõ ke ear jino in kiñ, im ear kiñ ilo Jerusalem iumwin joñoul juon iiõ, im etan jinen Hamutal, nejin Jeremaia ri Libna.

[2] Im ear kòmman nana imaan mejen Jeova ãinwõt ñan men otemjej Jehoiakim ear kòmmani.

[3] Innãm kòn an Jeova illu, men kein raar wa]òk ilo Jerusalem im Juda, ñae iien An kadiwõ]òk er jãn imaan mejen. Im Zedekaia ear kapata ñae Kiñ in Babilon.

[4] Ilo iiõ eo kein ka ruwatimjuon in an kiñ, ilo allõñ eo kein ka joñoul, ilo raan eo kein ka joñoul in allõñ eo, Nebukadnezar kiñ in Babilon ear itok, e im aolepen jar in tariñae eo an ñae Jerusalem, im raar kamp ñae e; im raar kòmman me ko ñae e, im kòpool e.

[5] ãindein emòj nitbwilli jikinkwelòk eo ñan iiõ eo kein ka joñoul juon an kiñ Zedekaia.

[6] Im ilo allõñ eo kein ka emãn, ilo raan eo kein ka ruwatimjuon in allõñ eo, e kanooj]ap ñuta ilo jikinkwelòk eo, innãm ejjelòk pilawã ñan armej ri ãneo.

[7] Innãm emòj rupe oror in jikinkwelòk eo, im aolep armej in tariñae raar ko, im raar diwõ]òk jãn jikinkwelòk eo ilo boñ jãn kòjãm eo ear kòtaan oror ko, im eo ear ilo jikin kallib an kiñ eo; meñe ro ri Kaldia raar ipelaakin jikinkwelòk eo. Ak raar etal ilo ial an ãne emman pikin.

[8] Im jar in tariñae an ro ri Kaldia raar lukwarkware Kiñ eo, im raar tōpar Zedekaia ilo ãne emman pikin an Jeriko; im aolep jar in tariñae eo an raar jeplòklòk jãn e.

[9] Im raar jibwe Kiñ eo im bòk]òk e ñan Kiñ in Babilon ñan Ribla ilo ãne in Hamath. Im ear ekajete.

[10] Im Kiñ in Babilon ear man]òmoro nejin Zedekaia imaan mejen, kab ear man aolep irooj ro an Juda ilo Ribla.

- [11] Innām ear kapilo mejen Zedekaia, im ear lukwōje kōn jakō] ko, im Kiñ in Babilon ear āñin]ok e ñan Babilon, im ear likūt e ilo mōn kalbuuj mae raan in an mej.
- [12] Im ilo allōñ eo kein ka]alem ilo raan eo kein ka joñoul ilo allōñ eo, eo iiō eo kein ka joñoul ruwatimjuon an Kiñ Nebukadnezar, Kiñ in Babilon, Nebuzaredan, captain an ro ri baar, karijeran Kiñ in Babilon, ear itok ñan Jerusalem.
- [13] Im ear tile mōn Jeova, im mōn Kiñ eo; im moko otemjej i Jerusalem, aet, jabdewōt im e]ap ear kaloke.
- [14] Im aolepen jar an ro ri Kaldia, ro raar pād ippān captain in ro ri baar, raar rupe aolepen oror ko an Jerusalem i pelaakin.
- [15] Im Nebuzaraden, captain an ro ri baar, ear keji]okweik jet ian ro ri jera]ōl im armej ro raar pād wōt im ro jet ilo jikinkwelok eo, kab ro raar etal]ok ñan Kiñ in Babilon im ro raar pād wōt ian ro ri jerbale silver.
- [16] Im Nebuzaraden, captain an ro ri baar, ear likūt jet ian ro ri jera]ōl ilo āne eo bwe ren lale bwil in grep ko im jikin kallib ko.
- [17] Im joor jinibōrōrō ko raar pād ilo mōn Jeova, im]oñtak ko im]ometo jinibōrōrō eo rar pād ilo mōn Jeova, ro ri Kaldia raar tipdikdiki, im bōk]ok aolep jinibōrōrō eo ñan Babilon.
- [18] Im raar bōki]ok pot ko im shovel ko im kein jojoon mälle in lamp ko im jāpe ko im jibuun ko im aolep kein jerbale jinibōrōrō me raar karijer kake.
- [19] Im jāpe ko, pan in kijeek ko, besōn ko, bowl ko, jikin lamp ko, jibuun ko, im kab in katok ko, gold ak silver, captain an ro ri baar ear bōki]ok.
- [20] Joor ko ruo, juon]ometo, im kau ko]maan ko joñoul ruo re jinibōrōrō iumwin, im]oñtak ko, me Kiñ Solomon ear kō]man]mani ñan mōn Jeova, jinibōrōrō an men kein otemjej, ejje]ok joñaer.
- [21] Utiejen juon joor joñoul ruwalitōk kubit, im ear joñoul ruo kubit ipelaaken, im mijelin ear emān addi in pā; ear ejje]ok kobban. [ear wor lowan]
- [22] Im ear wor juon eoñlok jinibōrōrō ion, im utiejen juon eoñlok]alem kubit, im ewor ok im pomgranet ion eoñlok eo i pelaakin, aolep jinibōrōrō; im joor eo juon ear āinwōt, im ewor an pomgranet.
- [23] Im ear wor ruwatimjuonñoul jiljino pomgranet re alikkar. Oran aolep pomgranet ko ion ok eo ipelaakin, jibukwi.
- [24] Im captain an ro ri baar ear bōk Siraia pris e]ap, im Zepanaia pris eo kein ka ruo, im]ōmaro jilu ri lale kō]ām.
- [25] Im jān jikinkwelok eo ear bōk juon ri kabō]rak, eo ear likūt e ion armej ri tari]ae; im jiljilimjuon em]maan ian ro rej lo mejen kiñ, ar lo er ilo jikinkwelok eo; im ri jeje eo, captain in jar in tari]ae, eo ej tō]]ok armej ro ri āneo; im jiljinoñoul em]maan ian ro ri āneo, ar lo er ilo jikinkwelok eo.
- [26] Im Nebuzaraden, captain in ro ri baar, ear bōk er im āñin]ok er ñan Kiñ in Babilon, i Ribla.
- [27] Im Kiñ in Babilon ear]an er bwe ren mej, i Ribla ilo ānean Hemat. Āindein emō] āñin]ok Juda, ri jipokwe jān ānaer.
- [28] Irkein armej ro Nebukadnezar ear kajipokweik er: ilo iiō eo kein ka jiljilimjuon: jilu tausan roñoul jilu ri Ju.
- [29] Ilo iiō eo kein ka joñoul ruwalitōk an Nebukadnezar: ruwalitōk bukwi jilñoul ruo armej jān Jerusalem.

[30] Ilo iiõ eo kein ka roñoul jilu an Nebukadnezar: Nebuzaraden, captain in ro ri baar, ear kajipokweik jiljilimjuon bukwe eñoul ļalem ri Ju. Oran armej otemjej, emān tausān jiljilno bukwi.

[31] Im ilo iiõ eo kein ka jilñoul jiljilimjuon an Jihoiakin kiñ in Juda jipokwe, ilo allõñ eo kein ka joñoul ruo, ilo raan eo kein ka roñoul ļalem in allõñ eo, Ivil-merodak Kiñ in Babilon, ilo iiõ eo ke ear jino in kiñ, ear koutiej baran Jihoiakin kiñ in Juda, im ear āñintok e jān mōn kalbuuj eo.

[32] Im ear kōnono jouj ñan e, im likūt tūroon eo an eutie jān tūroon ko an kiñ ro raar pād ippān i Babilon.

[33] Im ear ukōt nuknuk in kalbuuj ko an, im ear mōñā pilawā imaan mejen iien otemjej, raan ko otemjej in an mour.

[34] Im kōn kijēn, iien otemjej raar lelok kijēn jān kiñ in Babilon, jabdewōt raan juon kij, raan ko otemjej in an mour mae iien an mej.